

**Ж. Ш. Мейланова**

**Обучение лезгинскому языку  
в четвертом классе  
общеобразовательной школы**

Методическое пособие

Махачкала – 2021

Дагъустан Республикадин образованидин ва илимдин министерство  
А. А. Тахо-Годидин тІварунихъ галай педагогикадин илимдин  
ахтармишунрин институт

Ж. Ш. Мейланова

# **Къуд лагъай классда**

## **лезги чал чирун**

Методикадин пособие

Махачкъала – 2021

**УДК 4с (Лез)**

**ББК 74. 268.19**

**М 45**

*Издаётся по решению Ученого совета ГБУ «Дагестанский научно-исследовательский институт педагогики им. А. А. Тахо-Годи» (протокол №6 от 30.10.2020)*

*Ответственный редактор:*

*Шурпаева М. И. профессор, доктор педагогических наук, врио директора ГБУ «ДНИИП им. Тахо-Годи»*

*Рецензенты:*

*Байрамбеков М. М., доктор педагогических наук, главный научный сотрудник ДНИИ педагогики им. А. А. Тахо-Годи*

*Бабаев В. А., кандидат филологических наук, доцент ДГПУ*

**Мейланова Ж. Ш. 4-классда лезги чал чирун. Методикадин пособие. ФГОСдин программадин истемишуналди түккүйрнава – Махачкала: 2021.- 185 с.**

*Пособида Дагъустан Республикадин милли мектебда, 4 лагъай классда лезги чал чирунин методика сифте яз теснифнава. Авторди лезги мектебра ахтармишнавай, хийирлубур яз теклифзавай методикадин къайдаяр, амалар ва технологияр 4 лагъай классда къивалахзавай муаллимриз талукъ я. Ам Дербентдин педколледждин, Дагъустандин университеттин филологиядин факультеттин муаллимриз ва студентриз теклифзава.*

*В методическом пособии излагаются вопросы методики родного (лезгинского) языка в 4 классе, рассматриваются методы и приемы подачи нового материала, закрепления и обобщения изученного. Большое внимание уделяется работе по формированию и развитию компетенции учащихся.*

*В пособии представлены примерные разработки уроков по всем темам школьного курса 4 класса. Пособие предназначено для учителей начальных классов, преподающих лезгинский язык и студентов филологических факультетов по специальности «Родной (лезгинский) язык».*

©Дагестанский НИИ педагогики им. А.А. Тахо-Годи

© Ж.Ш. Мейланова, 2021

## **СИФТЕ ГАФ**

ФГОС-дин 2-несилдин программади вичин вилик школадин кІвалах обществодин шартарихъ ва игътияжрихъ галаз къадайвал еридин жигъетдай цийи держадиз хкажунин мурад эцигнава. Сифтегъан школа ана гудай вири чирвилерин мягъкем дибдиз элкъуын, ада гъар са кІелзавай аялдиз школадин юкъван звенода къвездвай тарсар агалкъунралди чирдай мумкинвал таъминарунин мураддалди кІелунин, кхьинин, ачух чалан, зегъметдин вердишвилирин бинеяр кутун лазим я.

Сифтегъан классра дидедин чал чирунин вилик ихътин *месэлаяр акъвазнава*:

- 1) аялрик гъавурдик кваз, эсер ийидайвал ва бес къадардин зарбувиленди кІелунин, дуъз кхьинин вердишвилир кутун;
- 2) аялар ктабдихъ галаз кІвалах ийиз вердишарун;
- 3) аялрин фагъум-фикир авунин алакъунар вилик тухун, урус чал чирунин карда дидед чалакай даях къун.

Лезги чал дериндай чириз хъун муаллимдин чирвилерилай, тежрибадилай, адан кІвалахдин са жерге *къетІенвилерилай* аслу я:

- 1) муаллимди тарс гунин гъихътин къайда хъянава, тарсуниз гъихътин этапар ава ва гъар са этапдиз гъикъван ваҳт чара авунва;
- 2) муаллимди алатай тарс къвездмай тарсунихъ галаз гъикI алакъала-мишнава;
- 3) тарсuna чалан жуъреба-жуъре разделрай (лексикадай, грамматикадай, пунктуациядай ва мсб.) чирвилер гун гъихътин алакъада аваз кыле физва;
- 4) аялрин чал гегъеншарунин карда гъар са тарсуни гъихътин чка къазва;
- 5) муаллимди вичин тарсuna ишлемишзавай эсерлу къайдаяр, амалар ва техникадин такъатар классдин *къетІенвилерихъ*, аялрин чирвилерихъ, алакъунрихъ ва вердишвилирихъ галаз алакъада хъун;

- 6) тарсuna аялрин дисциплина гъикI аватIа; аялри дисциплина чурун муаллимди тарс гузтай къайдадихъ, амалдихъ галаз алакъалу яни;
- 7) тарсuna муаллимди герек шартIар яратмишнавани; учебный пособие, тетрадар, доска гъикI ишлемишзава;
- 8) муаллимди алатај тарс гъикI хабар къазва: алатај тарс хабар къунин къайда, мана-метлеб ва нетижа гъихътинди я;
- 9) муаллимди тарсuna аялрин ашкъи, гъевес гъикI хкажзава;
- 10) тарсuna аялрин активныйвал агъуз аватунал ва хкаж хъунал муаллимди гуъзчивал ийизвани;
- 11) аялар тарс гузтай муаллимдин гъавурда гъикI гъатзава, абуран гъихътин четинвилер гъалтзава ва вучиз.

Лезги чIалан муаллим хайи чIал чирунив мадни са мурад рикIе аваз эгечIна кIанда. Имни аялар Ватан, хайи чил, халкъ кIан хъунин ватанпересдин руъгъдалди тербияламишун я.

Урусрин машгъур педагог К. У. Ушинскийди<sup>1</sup> лагъайвал «хайи чIал алатај, гилан ва къвемай несилар сад тир зурба кIватIалди элкъуързавай, виридалайни чан алай, виридалайни цIийи ва мягъкем алакъа я». Дугъриданни гъахъ гафар я. Хайи чIал халкъдин къилин алат я лугъуз жеда.

Алай девирдин школада кыле физвай дегишишлиери кIелзовая аялар датIана вилик тухунин месэла къилинди яз тайинарзава ва са гъи дережада ятIани аялрин, муаллимдин, школадин азадвал фикирда къазва. Им абуруз чпиз хъсан акур учебный план, программа, учебный пособияр, методический пособияр, чирвилер гунин къайдаяр ва рекъер хкядай мумкинвилер гун лагъай гаф я.

4-классда кIалахзавай муаллимдин зегъмет къезиларун патал, адаz куьмек гун патал, чна, куь гъиле авай пособидин авторди, 4-класс патал лезги чIал чирун. Методикадин пособие түкIуърнава.

---

<sup>1</sup> К.Д. Ушинский. Соб. соч. Изд. АПН РСФСР. М. 1949, т.2, 558-чин.

Пособидин мурад-метлеб муаллим гъар са тарсунин чирвал хкаждай макъсаддин гъавурда тун, хсуси кІвалах менфятлуди, нетижалуди авун, кІелзай аялрин фикир лезги чІалал рикI хунал желб авун я.

И пособие «1- 4 классар патал лезги чІалай программа<sup>2</sup>» фикирда къуна ва адал бинеламиш хъана, 4-классдин сифте сеферда яз Москва-Санкт-Петербург шегъерра «Просвещение» издательстводи акъуднавай «Лезги чІал» учебный пособидин<sup>3</sup> къурулуш вилив хвена, ФГОС-дин истемишунрал амал авуна, түкІуьрнава.

Идалай гъейри, грамматикадай, дуъз кхъинрай, чІал гегъеншарунай ганвай тапшуругъар и классда кІелзай темайрин арада алакъа хвена, регъят тапшуругърилай четинбуран яваш-яваш элячІунин истемишун фикирда къуна гузва. Тарсuna цІийиз гузвай материалдилай гъейри, карточкайра алатаibus тикрарунин ва къвездмай темадиз гъазур хуниз талукъарнавай тапшуругърини еке чка къазва. Гъар темадай регъят-четинвилиз килигна гъар жуъредин карточкайр түкІуьрдай мумкинвал ава.

Пособида 68 гъазурун тарс ганва. Абурукай 9 тарс чІал гегъеншарунин кІвалахдиз, 6 тарс диктантар тухун патал чара авунва. Ана ганвай тарсарин чешнедин планра цІийи тарсунин мана гъикI ачуҳардатIа ва тарсuna гъялна кІанзай месэлайр гъикI аялрин вилик эцигдатIа, ганва. Тарс гъевеслуди авун патал план-конспектрик къугъунин, ял ягъунин, тарсунин месэла эцигунин, ТСО ишлемишунин, гуъгуъл ачуҳарунин декъикъаяр кутунва.

Гуъгуъл ачуҳарунин декъикъа аялриз тарсuna цІийи тарс гунин вилик, аялар галат тахъун патал ва я тарсунин эхирда абурун фикир чирун патал тухун герек къведа. А вахтунда аялри шикилар чIугвада ва я гъазуран шикилар ишлемишда. Тарсарин планар аялрин вири фикир тарсунал желбдай къайдада, абурун гуъгуъл ачуҳдай къайдада кхъенва. Гъар жуъре методикадин материалрин куъмекдалди муаллимди аялриз кІватIалра кІвалах ийиз чирда, яратмишунар гегъеншарда ва коллективда дуствал мадни гужлу

---

<sup>2</sup> Ж.Ш. Мейланова ва масабур. Лезги чІал. 4-класс. Москва-Санкт-Петербург: Издательство «Просвещение», 2018й.

<sup>3</sup> Лезги чІалан ва литературадин программаяр, 1-4 классар – Махачкъала, 2014 йис.

ийида. Гъар аялдивай күмек галачиз кылди вичи тарс чириз хүн ФГОС-дин 2 лагъай несилдин важибуу месэлайрикай сад я. Цийи тарс сифте мягъемарайдалай күулухъ, кылди ктабдихъ ківалаах тухуни аялрин чирвилер къалурда.

Пособида тарс тухунин, диктантирин, чал гөгжешарунин къайдаяр ганва. Гъалатирин винел ківалаах тухун патал тарсар тунва. Абур муаллимди, гъалаттар авунвай правилайриз фикир гана, түккүйрда.

И карди муаллимдивай гъар са аялдин кіелунин алакъунаар фикирда күн истемишава: хъсан кіелзавай аял, мұқыу зайдиф аял агақъдалди акъваз тавун патал, кіелуниз адан гъевес хкажун патал, адаз четин тапшуругъ, зайдифдаз лап регъятдиз тамамариз жедай тапшуругъ гүн лазим я. Ківализ ківалаах гудайлани и кар фикирда күн чарасуз я. Пособидин материалар муаллимдивай цийи тарс гудайла, алатай тарс хабар къадайла, гайи тарсунай къачунвай чирвилер мягъемардайла, алатай тарсар тикрардайла, ківализ ківалаах яз, яни тарсунин гыи макъамда хъайиттани ишлемишиз жеда.

Карточкайрай тухудай ківалаах, жуъреба-жуъре разборар, михыи кхыинар тіалабда, муаллимди вичин хушуналди гъазурда ва тухуда.

И ктаб лезги чалан методикадай къачувтай сифте камарикай сад хъуниз килигна, адак кимивилерни кумачиз туш. Ктабдин ери хъсанаруниз талукъ вири жуъре фикирар чна шадвилелди къабулда.

Лугъун лазим я хьи, пособидикай жегъил муаллимиз еке күмек жеда.

## I - КЫИЛ

### 4-КЛАССДА ЛЕЗГИ ЧАЛАН ДИБАР ЧИРУН

*Школада дидед чал чирунин мурад-метлеб*

Милли школадин къетенвал ана илимдин дидар дидед чалалдини чируникай ибарат я. Инсанрин уымуърда гъам дидед, гъам урус чаларин метлеб чехиди я. Гъукуматди милли чалар вилик тухуниз гъамиша фикир гузва. И къайгъударвал гзаф чалар авай Дағъустандин тежрибадай иллаки ачуходиз аквазва. Сифтедай күулухъ галамай чалариз, абурукай яз лезги

Чалазни, алфитар түкіуңнава, а чаларалди художественный, илимдинни техникадин, общественно-политический литература, газетар, журнала рва ктабар акъатзава, театрри, радиоди, культурадин ківалери ківалахзава; школайра, колледжа, педагогилин институтда ва университетда дидед чалар чирзава, гъакіни РФ-дин илимрин академиядин Дағыустандин филиалдин чалан, историядин ва литературадин институтдин алимарни машгъул я. С.Г. Шаумяна кхъенай: «Чна ... образование, иллаки сифтегъан классрадидед чалалд, яни аялар вичин хизанда раҳазза чалалди, тухун истемишза<sup>4</sup>». Милли чалар стхавилинни дұствилин ва сад-садаз ихтибардин шартарда садхьтин ихтияррин ва сада-сад девлетлу авунин бинедал ала вилик физва.

Школадин ківалахда дидед чалан метлеб чехиди я. Школадиз сифте къvezvay аялдиз дидед чал чизва, ада вичин раҳунра чалан гъазур формаяр ишлемишзава. Вич элкъуңна къунвай Тебиатдинни яшайишдин винел ада тухванвай гүзетунарадан фикирда дидед чалан гафарин, ибаратын кіалубда гъатнава. Школада кіелунин нетижада абур мадни вилик фида. Дидед чал чирунин ківалах грамматикадай дерин чирвилер гунин, аялрин чал девлетлу авунин, гафарин къадар артухар авунин, кхъинра ва раҳунра ачуҳдиз жуван фикирар лугъунин вердишвилерни алакъунар кутуниз табиарун лазим я. Гъелбетда, гъа са вахтунда аялриз тербия гунин месэләйрни рикіелай ракъурна виже къведач. Дерин чирвилер гунихъ галаз сад хызы, дидед чал чирунин карда аялар жувал халкъ ва хайи Ватан кілан хъунин, амай вири халкъариз гъуърмет авунин ругъдал алаz тербияламишун лазим я.

Школа инсан тербияламишдай яракъдиз элкъвезва. И кар патал кіелзая материал гъавурдик кваз чирунихъ, аялрин фикир авунин алакъунар вилик тухунихъ еке метлеб ава. Ибур вири халкъдин ақыул, адетар, психология, хесетар чируналди кыле физва. Гъаниз килигна гележегдин несилдиз атанпересвилин тербия гун дидед чал чирунин бинедал алаz кыле финиф чарасуз я.

---

<sup>4</sup> С.Г. Шаумян. О национально-культурной автономии. М., 1959, 27-чин.

Дидед чал гъам урус чал чирунин, гъам мулькуй илимар чирунин бине жезва. Хайи халкъдин руыгъдал, адан ватандал, гъиссерал дидед чалал чин гъизвайди гъеле Д.К. Ушинскийди къейднай<sup>5</sup>. «Дидед чал чирунин карда аялди неинки рахаз чирзава, ада дидед чалан гафунин руыгъдин яшайиш ва къуват хъвазва. Ада (гафуни) алдиз тѣбиат гъич са илимдилайнин алакъ тийидайвал чирзава; ада аял элкъуырна къунвай инсанрин хесетрихъ, вич яшамиш жезвай обществодихъ, адан тарихдинни мурадрихъ галаз, гъич са историкдилайнин алакъ тийидайвал, танишарзава, гъич са эстетикдилайнин алакъ тийидай тегъерда ада ам халкъдин поэзиядиз чугвазва; эхирни са философдилайнин алакъ тийидай тегъерда ада аялдиз логикадин чирвилерни философиядин малуматаргузва», – кхъизва урусрин тївар-ван авай педагогди<sup>6</sup>.

Лезги чал Дагъустандин чехи чаларикай сад я. 2019-йисан переписдин делилралди, школада келзаяй лезги аялрин къадар 18.535 агъзур я.

Лезги чалалди Дагъустандин радиоди передачаяр гузва, республикадинни районрин газетар, журналар, ктабар акъатзава, гъукуматдин театрди кївалахзава, университетдани пединститутда и чалан муаллимар гъазурзава, ам алими ахтармишзава, педколледждани школайра чирзава. 2018/2019 келунин йисан делилралди, Дагъустанда лезги чал 225 школада чирзава.

Школада лезги чал чирнихъ гъам практикадин, гъам илимдин жигъетдай еке метлеб ава. Лезги чалан тарсара аялри дидед чалан грамматика (морфология ва синтаксис) чирда, сесерин жигъетдай чал түккүүр хъунин, аялрин рахунар девлетлуу ва гөгъеншарунин, гъалаттар квачиз дуъз кхъиз чирунин винел кївалахда. И чирвилер вири чеб-чпихъ галазкїевелай алакъада аваз гуда.

Программади сифтегъан классра дидед чалай ва келунай аялрин рахунар гөгъеншарун, хайи литературадин эсерар келуниз гъевес тербияламишун, жуван хайи литературадин, шаиррин, писателрин

<sup>5</sup> К.Д. Ушинский. Соб. соч. Изд. АПН РСФСР. М. 1949, т.2, 558-чин.

<sup>6</sup> Къалурай ктаб.

яратмишунрин лап хъсан эсеррихъ галаз танишвалва абур чир хъун, аялар чал гегеншардай такъатрихъ галаз танишарун меслятзава.

Идалайни гъейри, школада келзувай аялриз дидед чалан илимдикай лазим къадарда чирвилер гун, халкъдин уьмуърда чалан метлебдикай, дидед чалан вилик финикай, адан кел-кхын арадиз атуникай, милли культура виниз тир дережайриз хкаж хъуникай, лезги чала Дагъустандин маса чаларин арада къазвай чкадикай, урус чалан таъсирдикай малуматар гун лазим я.

Школада дидед чал чирунин вилик акъвазнавай везифа ам лезги халкъдин арада важибул алақъадин алат тирди чируникай, келзувайбууз дидед чалалди чпин фикирар ачухдиз лугъуз, литературный лезги чалалди рахаз ва кхыз, гаф вичин чкадал кутугайвал ишлемишиз чируникай ва вердишаруникай ибарат я.

И месэлэяр анжах аялриз фонетикадай, морфологиядайни синтаксисдай, лексикадайни стилистикадай чирвилер гайила, дидед чалан орфографияни пунктуация хъсандиз чирайла, кхътинрин ва рахунрин чал гегеншарунин келалахлитературадин эсеррихъ галаз тешкилайла тамамариз жеда.

Программади истемишзавай чирвилерни вердишвилер къазанмишун алай девирдин методикадин келвеке къайдайрин бинедал алаа кыле фин лазим я. Абурукай бязибур ибур я:

- 1) келзувай аяриз теориядин материал гүзетунрин бинедал алаа чирун;
- 2) морфологиядин, синтаксисдин, синтаксис морфологиядин бинедал алаа чирун;
- 3) аялрик орфографиядинни пунктуациядин вердишвилер кутун;
- 4) келзувай материал гъавурдик кваз чирун;
- 5) аялар тербияламишунин карда литературадин эсеррин

алакъалу текстер анализ авун;

- 6) алакъалу чал гегъеншарунин ківалах лазим тир дөрежадиз хкажун.

## ШКОЛАДА ЛЕЗГИ ЧАЛ ЧИРУНИН ТАРИХДАЙ

Лезги чал 19 лагъай асирдин юкъварилай башламишна илимдин рекъелди ахтармишзаватлани, ам школайрачирнин ківалах геж башламиш хъана.

1871-йисуз Къазанфарбекди лезгийрин сад лагъай букварь чапдай акъудна.

1911 йисуз акъатай лезги чалан букварь, Къазанфар бегдин буквардив гекъигайла, дидед чал чиранин методикадин агалкъун хъана. Ана неинки кіелиз-кхъиз чиран патал, гъаклени грамматикадай ва кіелунинвердишвилер кутун патални материалар ганва<sup>7</sup>. Методикадин жигъетдай и ктабдин къиметувал гъаклени ана шикилриз еке чка гуникай ибарат я. Амма и ктабрай кіелиз-кхъиз чиранин ківалах къилиз акъудиз хъанач ва 1928 йисал къведалди лезги чалалди кіелиз-кхъиз чиранин кар арадал гъиз хъанач.

Школада лезги чал чиранин методикадиз талукъ бязи месэлайар 30 лагъай йисара Гъ. Гъажибекова къарагъарнай. Ада 1934 лагъай йисуз школаяр патал акъудай учебник а девирдин истемишунар вилив хвена түккүйрнава. Ана чалан месэлайрай теориядин материалар гузва, ахпа абур мягъкемарун патал тапшур угъар къвезва. Яни ктаб дедутивный методдин бинедал ала түккүйрнава.

Лезгийрин тівар-ван авай педагог А. Алкадарскийди лезги чалан методика яратмишун патал са къадар чалишшишвилер авуна. Сифтегъян ва чехи классар патал ктабар түккүйрунилай гъейри, ада маҳсус методикадин месэлайриз талукъ са шумуд макъала чапна ва датланна муаллимар гъазурдай ва абурун чирвилерин дережа хкаждай курсара лезги чалан методикадин

---

<sup>7</sup> Гъ. Рамалданов. Лезги чал чиранин методика. Махачкъала. Дагучпедгиз, 1977й.

месэлэяр эцигна. Ихтиин макъалайрикай сад ада кIелиз-кхьиз чирунис талукъарнава.

1939 йисуз чIехи классар патал «Лезги чIалан грамматика» чапдай акъатна. И ктабдин материал дедукциядин къайдада ганва. 1941 лагъай йисуз акъатай грамматикадин къвед лагъай паюнин къайдани гъа им я.

Школаяр патал учебникар түкIурунин ва школада лезги чIал чирунин карда М.М. Гъажиеван кIвалах иллаки екеди хъана. Школайра адан учебникрай тарсар тухвана. Учебницирай гъейри, М.М. Гъажиева сифте яз словарар түкIурунин бине эцигна. Ада түкIурай словарри школада лезги чIал чирунин карда еке күмек гузва. Абурукай яз сифтени-сифте «Лезги чIалан орфографиядин словарь»<sup>8</sup> (1941, 1950, 1955, 1989-йисара акъатай) къалурун лазим я. Сифтегъян классар, школаяр, вири халкъдин культура вилик финин карда адан «Урус чIаланни лезги чIалан словардихъ зурба метлеб ава<sup>9</sup>» .

Методикадин жигъетдай М. М. Гъажиеван учебникар абурулай вилик акъатайбурулай са къадар тафаватлу я. Адан ктабра хейлин чка жуъреба-жуъре схемайрини таблицайри къунва. Лезги чIалан методикадин маxсус месэлайрал лап мукуувай Дагъустандин педагогикадин илимдинни ахтармишунрин институтдин къуллугъчияр Н.А. Агъмедов ва Г.Р. Рамалданов машгъул хъана.

Алай девирда школайра сифтегъян классар патал лезги чIалан учебный пособияр 2018 лагъай йисуз «Просвещение» издательстводи чапдай акъуднава. Учебный пособияр программадин истемишунар фикирда къуна түкIуранава. Учебникра авай тапшуругъар кIелзавай аялрин фагъум-фикир вилик тухудай, чIал гегъеншардайбур я. Абуру аялтив чпив кIвалах ийиз туниз, масадан күмек галализ чирвилер аялри чпи къазанмишуниз фикир гуда.

---

<sup>8</sup> М.М. Гъажиев. Лезги чIалан орфографиядин словарь, Махачкъала, 1989 й.

<sup>9</sup> М.М. Гъажиев. Урс чIаланни лезги чIалан словарь. Махачкъала, 2000й.

## **УЧЕБНИКДИН ТҮҮКТҮР ХҮУНИКАЙ**

4-клас патал «Лезги чал» учебный пособие 1- 4 классар патал лезги чалан ва литературадай келүнин чешнелү программаяр 2-несилдин Гыкуматдин федеральный образовательный стандарттин бинедаллаз түкүрнава.

Учебный пособияди аялриз цийи заттар чирда, лезги чалан сирерай кыил акъудиз күмек гуда. 1-3 классра лезги чалакай аялриз са къадар чирвилер къачуна. Чал – чи халкьдин девлет я. инсанрин уймуурда чала еке тир роль къугъазва. Адан күмекдалди несилри сада-садав чин сирвилер, уймуурдин тежриба, руыгъдин культура агакъарзана. Гыаниз килигна гъар садан буржи лезги чал чирун, ам хүн я, вучиз лагъайтта, ам чаз атабубайрилай атанвай са аманат я.

4-классда аялри лезги чалакай чирвилер къачун давамарда. Са йисан къене абур текстинихъ, чалан паярихъ, абурун лишанрихъ, предложениихъ ва адан жуърейрихъ галаз таниш жеда. Учебный пособида машгъулардай жуъреба-жуъре тапшуругъар ганва.

Учебный планда и классда лезги чалаз гъафтеда 2 сят вахт чара авунва. Программада а сятер иккі пайнава: грамматика, дүз кхын ва чал гегъеншарун – 2 сят. Чал гегъеншарунин ківалах вири тарсара даттана тухуда. Гыаниз килигна чал гегъеншаруниз талукъ материал вири тарсарик ква.

«Лезги чал» 4-класс патал учебный пособие Москва-Санкт-Петербург шегъердин «Просвещение» издаельстводи 2018-йисуз сифте сеферда яз чапдай акъуднава.

4 – класс патал лезги чалан учебный пособида материал вири тарсариз пайнава. Винидихъ къалурнавай сятериз талукъ материал учебника гудайла, ам тарсариз паюн и къайдада кыле тухванва. Лезги чалаз, винидихъ лагъайвал, 68 сят (гъафтеда 2 сят) грамматикадиз пайнава. 68 сягиникай ктабда 64 тарсунин материал ава. Ахтармишунин диктантар патал чара авунвай 4 сягинин материал ктада авач. Учебниңда гъар са тарс (келүнин ва

грамматикадин, классдилай къеце кІелунин, чал гегъеншарунин. диктантдин), яни ам тухудай вахт вичин махсус лишандалди къалурнава.

Учебный пособие ихтын разделдикай ибарат я: предложение, текст, чалан паяр (существительное, прилагательное, тіварціиэвезар, глагол). Гъар са параграфда 7-8 тапшуругъ ганва. Вири учебный пособида 470 тапшуругъ ганва.

## ЧАЛ ГЕГЪЕНШАРУН

4-классда лезги чалан тарсарин вилик акъвазнавай кылин везифа кІелзай аялрин сивин ва кхынрин чал ва идахъ галаз сад хыз абурун фагъум-фикаир, къатқунар гегъеншарун ва вилик тухун я. И месэла кылиз акъудун патал аялрин чал цийи гафаралдини ибрайралди девлетлу авун, абуруз чизвай гафарин манаяр тайинар хъувун, рахунра гафар дуъз ишлемишиз, рахунрин, ихтилатдин мурадриз килигна кутугай гафар хъягъиз вердишарун, предложенияр дуъз түкіуриз, ван хайи акур вакъиадикай ва я шикилдай гъвечі гъикаяр түкіуриз чиран, яни кІелзай аялрин чалан дережа хкажун я. Эгер 1-3 классра аялриз анжах куьру жавабар гуз, түкіурина сад-къве предложение чирнатла, 4-классда, абуруз чипин фикирар лугъуз, акур шей хуралай ва я кхъена гъар патарихъай лишанламишиз, чалан культурадин илимди истемишзавайвал рахаз чирна кІанзава.

Программади къейд ийизвайвал, аялриз чипин фикирар галай-галайвал ва ачуходиз лугъуз ва кхъиз лезги чаланни литературадин тарсара чирзава. Чалан ва литературадин тарсара кІелзайбурун рахунинни кхынин чал гегъеншарун патал 4-классда изложенияр ва сочиненияр кхынин программади 24 сят чара авунва, ибурукай 12 сят лезги чалан гъисабдай я<sup>10</sup>.

Изложенидин мурад аялрин рахунрин чал гегъеншарун я. Изложение кхынин вердишвилер арадиз гъизвай шартарикай кылинди текст хъягъун я. Текст манадин жигъетдай интересни хъун, лексикализ, предложенийирин къу-

<sup>10</sup> Лезги чалан ва литературадин программаяр, 1-4 классар – Махачкъала, 2014 йис.

рулушдиз килигна аялдин бейнида регъятдиз гъатдайди, план түкіуриз, паяриз чара ийиз жедайди хүн чарасуз я. Изложенидиз хязавай текст вакъиайрин галай-галайвал аваз, тербиядин рекъяй идеялуди хүн лазим я.

Текст сифте кылерай аялриз танишди, келзай эсеррай къачунвай, Чалаз регъят, куьруь ва простой предложенийринди хъана кланда. Четин гафар гзаф авай, сюжетдиз залан, таниш тушир текст хъсан келзай аялризни четин жеда. Таниш тушир текстинин материал аялди къатынун анжах муаллимдин сивяй ван къвездай сифте гафарилай аслу я. Ам келдайла, гзаф предложенияр аялдивай рикел хуъз алакъдач, предложенияр чехи пай ада вичин алакъунриз килигна дегишарна клан жеда, текст адан вилик квач, садракъведра келайди аялдин кыле амукъдач. ГъакI хъайила, таниш тушир текст, классдин гъазурвилиз килигна, аялривай чпивай предложенияр түкіуриз алакъзавай, орфографиядин вердишвилер хъанвай аялдив кхызын тун хъсан я. Изложение гудалди муаллимди вичи хъяновай текст дикъетдалди келда ва ам стилистикадин, грамматикадин ва орфографиядин көтөнвилер хвена, аялрал четинвал акъалтзавай чкаяр гъисаба къуна, разбор ийида; изложенидин пландал ківалахда; гафарал тухузвай ківалах тайинарда; текст эсер ийидайвал келда.

Изложенияр и къайдада тухуда:

1. Доскадал вилик амаз изложенидин план, четин гафар, келимаяр кхынин.
2. Муаллимдин сифте гаф.
3. Текст муаллимди келун.
4. Текстинин мана ачухарун патал сұғыбет авун, гафарал ва келимайрал ківалах тухун.
5. Текст муаллимди 2 сеферда келун.
6. Изложенидин план түкіурун.
7. Пландин суалрай текстинин мана хуралай ахъаюн.
8. Аялри изложение кхынин.

Изложениидиз план муаллимди вичи гуда. Изложенияр суалриз ганвай жавабриз ухшар жеда, вучиз лагъайтла гъеле лазим хътин вердишвилер авачир аялри гъар са суалдиз са предложенидикай ибарат жаваб гуда. Келунин йисан эхирдай планар куъруь ийида ва абура суалдин предложенидин чкадал хабардин предложение ишлемишда.

Программади<sup>11</sup> къейд ийизвайвал, йисан къене лазим тир ахтармишунин ва кхыз чирдай изложенийрин тахминан къадар 8-10. Текстерин гафарин къадар тахминан 40-50 гаф хъун лазим я.

Лезги чалан тарсара аялрин чал гегъеншарунин, абууз чпин фикирар галай-галайвилелди ачухдиз лугъуз ва савадлувилелди кхыз чирунин карда сочиненийрихъни иллаки еке мумкинвилер авайдал шак алач. Къилинди гъар са аялдиз вичин фикир ачухдиз лугъудай ва кхъидай, келай эсердиз, яб гайи ихтилатдиз, акур вакъиадиз къимет гудай вердишвилер кутун я.

Лезги чалан учебниңда шикилрай сочиненияр тухун теклифзава. Сочинение сифте къилерай вирида санал, сифте хуралай ихтилат ийиз, ахпа кхыз башламишда. Сифте къачувай шикилни сюжетдиз регъят, мана 4-5 предложенидалди акъалтI жезвайбур хъана кIанда. Шикилдай сочинение кхъиниз ихътин галай-галайвал кутугнава:

1. Муаллимдин сифте гаф: тарсунин мурад лугъун, шикилдин тема ва къилин фикир ачухарун.
2. Шикилдиз килигун, ам чирун.
3. Шикилдай суалар эцигун, суалриз тамам жавабар истемишиз лугъуз тун.
4. Суалрин ва я шикилдай къачунвай цАарарикай сочиненидин план туъкIурун.
5. Пландай сад-къве аялдив хуралай мана сувгъбет ийиз тун.
6. Сочинение кхъин.

Сочинение кхъинин алакъунар куъруь сочиненидилай (сочинение-миниатюра) эгечIда.

---

<sup>11</sup> Лезги чалан ва литературадин программаяр, 1-4 классар – Махачкъала, 2014 йис.

**Месела**, «Существительное» тема мягъемардайла, муаллимди доскадал ихътин гафар ва гафарин ибарайр кхьида: *йисан вахт, шад аялар, тарар, векъ, дергес, ватI, лагерь, емишар, дагълар ва мсб*; аялри и гафар кутаз алакъалу предложенияр түккүурда, яни абур куъруь сочиненида гатфарин, тIебиатдин гуърчегвилай, гузвой куъмекрикай ва кIвалахрикай рахада. Ихътин куъруь кIвалахди сочинение эvez ийидач, амма абур кхьиз чирунин карда куъмек гуда.

Сочинениихъ вичин къетIенвилер ава. Ада чIал гуърчегардай, чIалан жуъреба-жуъре алатрикай чирвал хъун истемишава.

Йисан къене аялри «Лагерда», «Зи рикI алай йисан вахт», «Гатфар къвозва», «Къульд чи хуъре» ва маса темайрай сочинение кхьиз тада.

Чал гегъеншарунин карда сивин тапшуругъар гзраф тамамарда. **Месела**, художественный эсеррикай, акур ва ван хъайи агъвалатрикай, жуван уъмуурда рикIел аламукъай са вакъиадикай сувъбетар ийида, суалриз жавабар гуда, эсердин мана сувъбет ийида, къалурнавай шикилдай сувъбетар ийида ва мсб<sup>12</sup>.

Синтаксисдиз талукъ тарсара жезмай къван гзраф диалог ишлемишда. Къве касди ишлемишавай куъруь сегъне түккүурун патал муаллимди — доскадал виликамаз гафар ва гафарин ибарайр кхьида ва «Библиотекада», «Шегъерда», «Туквенда», «Автобусда» ва мсб. темайриз талукъ сувъбетар ийида.

Аялрин рахунар, кхьинар чишнелубур хъун патал тарсара техникадин алатар (компьютер, магнитофон, видео, радио ва телепередачаяр) ишлемишда. Чал гегъеншаруниз лезги чIалан тарсарин гъисабдай маҳсус сятер чара авунватIани, менфятлу и кIвалахар вири тарсара къушабадаказ тухун лазим я. ИкI хъайила, аял rivай фасагъатдиз рахаз ва къещенгдиз кхьиз алакъда. Йисан къене сочиненияр тахминан 4-5 тамамарда. Текстера гафарин къадар 50-60 хъун истемишава.

Урусрин тIвар-ван авай машгъур В. В. Голубкова аялрин чал гегъеншар авунихъ авай зурба метлебдикай икI лугъузва: «Сувъбетиз, гафаралди шикил

<sup>12</sup> Гъ. Рамалданов. Лезги чIал чирунин методика. Махачкъала. Дагучпедгиз, 1977й.

чүгваз ва жуван фикирар галай-галайвал лугъуз аялриз датланна чирна кінанда. И кар патал аялрин фикир, къатпұнар артухарна кінанда, абуруз кылинди къвед лагъай дережадин месәлайривай чара ийиз чирна кінанда»<sup>13</sup>.

## МИХЬИ КХЫНАР

4-класстын программади аялрин кхынар хъсанарун, абур каллиграфиядин винел ківалах тухун истемишзала. Гьелбетда, алтатай классра аялриз кхызын чир хъанва. Гила аялрин хаттарин, гъарфар ва абурун галкіунар дуыз кхынин ківалах давамар хъийида. Идалайни гъейри, аялри кхынин еришар артухарунал ківалахда.

Михьи кхынинин винел ківалах 4-классда акъалттарун гъакіни и классда аялри кхынинин ківалахар, алтатай классдилай тафаватлу яз, маса жуъредин, са царцінбур лугъудай тетрадра тухунихъ галаз алакъалу я. Эгер 1-классда аялдин вилик тетрадда гъамиша чешне кватта, гила, 4-классда адан вилик са чешнени квач. Чешне анжах учебникда ганва. Гъавиляй 4-классда ційи жуъредин тетрадра кхынинин чкаяр дуыз чара ийиз, ачуҳдиз кхызын, михьиз кхызын чирда. И классдани аялривай кхынинин гигиенадин вири къайдайрал (дуыз ацуқыун, тетрадь столдал дуыз эцигун, ручка дуыз күн, кхынар ийидайла гзаф гъалт тавун ва мсб.) амал авун, абур вилив хүн истемишида, вучиз лагъайтта 4-классда кхынинин ківалахар гзаф, абурун къадарар артух жеда. Михьи кхынинин ківалахар тамамардайла, кхызын гафарин, ибаратын, предложенийин винел дуыз кіелунин ва кхынин жигъетдай гъалаттрын вилик пад күнин ківалах тухуда. Михьи кхынинин винел гъам гъалаттар квачиз дуыз кхынинин, гъам михьивилин ва каллиграфиядин терефрихъай гүзчибал авун, абур вахт-вахтунда ахтармишун чарасуз я.

Михьи кхынинин ківалах тешкилун патал грамматикадин гъар са тарсунин материалдин арада михьи кхынар патал тапшуругъарни ава.

<sup>13</sup> В.В. Голубков. «Мастерство устной речи». Москва, «Просвещение», Дагучпедгиз, 1982, 8-чин.

Михъи кхьинар патал материални са тIимил артух хьиз ганва. Амма аялри вирида и тапшуругъ вири тамамарун шартI туш. Классда авай аялрин алакъунар абурун кхьинрин вердишвилер фикирда къуна, муаллимдивай къилдин аялриз тапшуругъар, садбуруз гзаф, масадбуруз гзаф жеда. Лазим акуртIа, муаллимдивай михъи кхьинрин кIвалах кIвале тамамарун патал гайитIани жеда. Куьрелди, муаллимдиз гъикI хъсан акуртIа, гъакI и кIвалах тухуда.

## **СИВИН ВА КХЬИНРИН ЧАЛ**

Сифтестьян классра лезги чалан тарсарин вилик акъвазнавай къилин везифа кIелзавай аялрин сивин ва кхьинрин чал ва идахъ галаз сад хьиз абурун фагъум-фикир, къатIунар гегъеншарун ва вилик тухун я. И месэла къилиз акъун патал аялриз чал цийи гафаралдини ибараиралди девлетлу авун, абуруз чизвай гафарин манаяр тайинар хъувун, рахунра гафар дуз ишлемишиз, рахунрин, ихтилатдин мурадриз килигна кутугай гафар хягъиз вердишарун, предложенияр дуз тулькуриз, ван хъайи, акур вакъиадикай ва я шикилдай гъвечIи гъкаяяр тулькуриз чирун, яни кIелзавай аялрин чалан дережа хкажун лазим я. И месэла жуьреба-жуьре рекъералди къилиз акъудиз жеда. Грамматикадин тарсара ишлемишавай материалрин мана-метлебдин ва художественный жигъетдай адан къещенгвилин къиметлувилихъ къетIен метлеб ава. Гъар са упражненидин материалди, текстини гъар са гафунин манадиз ва ам рахунра, чала ишлемишуниз фикир гуз тербияламишун лазим я. Упражненийрин чпин материал гъар жуьре гафаралди тафаватлу хъун лазим я, чни аник жуьреба-жуьре рекъерай гафар хъун лазим я: гъайванрин ва набататрин уьмуърдай, школадин уьмуърдай, чи уьлкведа къиле физвай вакъиайрикай, аялрин кIвалахрикай, хизандин, школадин уьмуърдай ва мсб. Яни гъар са упражненидик неинки аялрик дуз кхьинин вердишвилер кутуниз, гъакIни аялрин гафарин къадар артухаруниз куьмек гудай материал кутунва.

## **ТАРСУНИЛАЙ КЪЕЦЕ КІВАЛАХ**

Тарсунилай къеце ківалах сифтегъан классра чирвилер гунин важиблу пай я. Кіел-кхын чиран патал, илимдин чирвилерни ватанпересвилин тербия къачун патал тарсунилай къеце ківаладихъ чехи метлеб ава.

Тарсунилай къеце ківалахдин вилик ихтын мурадар акъвазнава: аялри классда дидедин ч1алай ва маса предметрай къачузвай чирвилер гегъеншарун ва деринарун, ктабдай герек материал ва библиотекадай герек ктаб жагъуриз алакъун, ктабдихъ галаз к1алах ийиз вердишарун, аялрин чпи-чпиз кіелуниз регъбервал гун, аялар патал кхъенвай лап хъсан ктабрихъ ва абурун авторрихъ галаз танишарун, кіелуниз, кхъинриз гъевес тербияламишун. Гъаниз килигна тарсунилай къеце к1алахдин тарсариз гъа классда кхъинрин тарсариз хъиз килигун лазим я.

Тарсунилай къеце ківалахдин тарсара «Зи хуърунн топонимика», «Машгъулардай лексика», «Чи ч1ала антонимар», «Зи халкъдин мана квай, хчи (крылатые) гафар ва ибарайр» ва масабуру хейлин чка къазва ва къетІен фикир гуда.

Тарсунилай къеце ківалахдиз регъбервал маҳсус тарсара гуда ва тарсар классдин журналда къейд ийида. Тарсунилай къеце ківалахдиз тарсарин гъисабдай сятерин къадар школадин организацияди чара ийида.

### **Тарсунилай къеце ківалахдин план**

<b>Класс</b>	<b>Формат</b>	<b>Тема</b>	<b>Характеристики основных видов деятельности</b>
4	Практикадин занятие.	«Антонимар чи ч1ала»	Ч1ала антонимар гүзлемешун. Шиирра, мисалра ва мсб. антонимар жагъурун. Словардихъ галаз алакунар гегъеншарун. Ч1ал гегъеншарун, гафарин запас девлетлу авун, артухарун. Антонимрин словарь түйкүльүрүн.
4	Экскурсия.	«Зи хуърунн топонимика».	Топонимикадай материал ківатIун ва чиран, гъавурдик хүн. Жув яшамиш жезвай чқадин шегъердин ва я хуърунн (вацIарин, дагъларин ва мсб.) тIварар артухарун. Гафарин мана-метлеб чиран, дестеда ківалахун, сада-садаз фикирар лугъун, күймек гун, жуван фикирар лугъун ва ам

			делилралди мягъкемарун. Темадай сүгъбет түкіурун.
4	Практиқдин занятие.	«Машгъулатардай лексика».	Тематикадин группайрин гафарихъ галаз танишарун. «Вагьши гъайванар», «Чи вилаятдин набататар» темайрай тематикадин словарап түкіурун.
4	Викторина.	«Зи халкъдин мана квай, хци (крылатые) гафар ва ибарайр»	Лезги чалан хци, мана квай гафар ишлемишун; словарь түкіурун. Жұтдиз ва дестеда ківалахиз чир хын.

## ЛЕЗГИ ЧАЛАН ТАРСАРА ТЕХНИКАДИН ЦИЙИ ТАКЪАТАР ИШЛЕМИШУН

Илим ва техника вилик физвай девирра школадин вилик важибу месэлаяр акъвазнава. Абур, сифте нубатда, аялриз дерин чирвилер ва тербия гуникай ибарат я.

Школайра дидед чал чираннин вилик акъвазнавай везифа – ам лезги халкъдин арада важибу алат тирди чираннай, дидед чалал чипин фикирар ачухдиз лугъуз, литературный лезги чалалди рахаз ва кхиз чираннай ибарат я.

И месэлаяр гъялун патал цийи рекъер ва къайдаяр жагъурун, абур тежрибада ишлемишун чарасуз я. Ихътин рекъерикай сад тарсара техникадин чирвилер гудай алатрикай менфят къачун я.

Эхиримжи йисара чи республикадин школайра техникадин алатор саки вири предметтин тарсара ишлемишава. И рекъяй чахъ тайин тежриба хъанва. Амма анжак лезги чалан ва литературадин тарсара техникадин алатор тімил ишлемишава.

Садазни сир туш, аялриз ктабар кіелунилай компьютердиз килигиз, къугъяз, адаптация газаф кіанда. Компьютерный технологийри тарсар методикадин вини дөрежада аваз тухудай ва аялриз эсерар веревирд ийидай мумкинвилер гузва. Гъавиляй чаз и месэладин гъакъиндай са бязи фикирар лугъуз кіанзы.

Лезги чалан тарсарин кылин мурад-метлеб аялрин рахунрин чал ачухарун, абураз программада къалурнавай чирвилер гун, лезги чалалди

кіелиз ва кхыз чирун ва дидед чални литература кланарун я. И истемишунар къилиз акъудиз лезги чаланни литературадин муаллимдиз вичин қівалахда методикадин цийи къайдаяр ва техникадин алатор ишлемишуни күмек гуда.

Агъзур йисаралди ишлемишзавай ва са гзаф школайра лап алай вахтундани аялриз чирвилер гунин къилин къайда ихътинди я: муаллимди сұғыбетзава, яни чирвилер гузва, аялри адаз яб гузва, яни чирвилер къачузва. Амма аял вичин гъавурда акъунани ва я акъуначни муаллимдиз малум туш. Яни муаллимдихъай аялдихъ алакъа (дуыз алакъа) ава, аялдихъай муаллимдихъ (элкъвей алакъа) авач. Нетижада, аял вичин гъавурда акъунани ва я акъуначни чин тийиз, муаллимдивай адаз цийи чирвилер гуз жезвач. Гъелбетда, аялди муаллимдин суалдиз гъил хкажна жаваб гун - им элкъвей алакъа я. ИкІ са тарсuna анжах вад-ціуд аялдивай хабар къаз жеда. Амма алай девирда чна вири классдивай, гъамни мукъвал-мукъвал, хабар къуна кланава. Ихътин мумкинвал чаз техникадин такъатри ва метотикадин цийи къайдайри гузва.

Алай вахтунда халкъдин образование вилик финин къетіенвилиерикай сад школада чирвилерин тербия гунин карда техникадин тадаракар ишлемишун я.

Эхиримжи йисара чи гъукumatда техникадин такъатар хейлин вилик фенва, компьютеррал элячінава. Гъар са муаллим лезги чалан ва литературадин тарсариз гъазур жедайла адай компьютердал проектар, презентацияр, къугъунар, жуъреба-жуъре тапшурugъар гъазурна, проекторный доскадал аялриз къалуриз ва чириз жеда. Виликдай гъар са райондин ва я са шумуд райондин школаяр кинофильмайралди таъминарнавай ва кылди фильмотекаяр тешкилнавай. Амма и алатор лезги чалан тарсара ишлемишун патал авай учебный материалри (диафильм, диапозитив, кинофильм, грампластинка, лентинал кхъенвай сесер ва мсб.) къадар лап тімил тир.

Лезги чалан тарсара техникадин такъатар гъикІ ишлемишиз жеда?

Компьютердин кІвалах аялрихъ галаз гъвечІи классрилай башламишна кІанда. Аялриз сад лагъай классдилай проектар гъазуриз, абурукай тарсара менфят къачуз чирна кІанда. Лезги чАлан тарсара муаллимдивай урус чАлалди гъазурнавай проектрикай менфят къачуз жеда. Месела: «СтАл Сулейманан музей», «Москвадин зоопарк», «Вагьши ва кІвалин гъайванар», «Школьникрин режим ва михъивал», «За дидедиз күмек гузва» ва масабур. Ихътин проектар урус чАлан тарсара ишлемишзава. Абур лезги чАлан ва литературадин тарсара къалурна кІанда.

Лезги чАлан тарсара ишлемишиз жедай диафильмайрин къадар тІимил тир. Гъавиляй муаллимривай чкадин шартІара, чпиз мумкинвал авай ва программадихъ галаз къазвай материал бинеда къуна, хуси диафильмаяр туукІуриз жедай. И кар патал пуд затІ герек тир: шукІуль пленкадал шикилар ядай аппарат, позитивдин пленка ва шикилар ягъун патал гъазурнавай материал.

Виликдай диафильмаяр, диапозитивар ва эпифильмаяр чАл ачухарунин, цИийи материал чирзавай, алай материал тикрап хъийизвай тарсара ишлемишзавайтІа, алай девирда вири и крап компьютерралди кыле тухуз жезва. Лезги чАлан ва литературадин тарсара адетдин тушир къайдаяр ишлемишуни абурун ери хкажуниз, аялрин зигъин, къатІунар артухаруниз, абурун чирвилер гегъеншаруниз, дидед чАлан къадир хъуниз еке күмек гуда. И жууре тарсар тухуни хъсан нетижаяр гуда: аялриз дидед чАл дериндай чир жеда, абур хайи халкъдин тариходихъ, адетрихъ галаз таниш жеда, дидед чАл хуънин ва ам вилик финин карда чпин пай кутада.

# **ЛЕЗГИ ЧАЛАН СИСТЕМАДИН КУРС**

## **IV класс**

### **Тикрарун**

Алатай классра чирай материал тикрарун.

Гаф, предложение, текст рахунрин уълчмеяр я. Сесер ва гъарфар, абурун арада тафават. Ачух ва ачух тушир сесер. Къуша сесер къвездай гафар. ТуъкIуър хъанвай (составной) гъарфар. Ачух ва ачух тушир сесерни гъарфар: э, й, е, я, ю; о, ё, ь, ъ гъарфар ишлемишун.

Гужлу ва зайдиф сесер. Лабиал сесер, абур сивай дуъз акъудун.

Предложенида гафарин арада алакъа (суалрин күймекдалди) тайинарун (хуралай). Предложение чалан уълчме я. Предложенийрин жуъреяр: хабардин, суалдин, буйругъдин. Эвер гунин предложение. Предложенидин къилин ва къвед лагъай дережадин членар. Предложенийрин эхирда пунктуациядин лишанар. Предложенидин къилин ва къвед лагъай дережадин членар. Предложенийрин эхирда пунктуациядин лишанар.

### **Текст**

Текст. Текстинин лишанар: текстина предложенийрин манадин садвал, текстинин кыил, къилин фикир, текстинин план. Ганвай текстиниз план туъкIуърун. Текст туъкIуър хъунин винел кIвалах: кыил гун, предложенийрин къайда ва текстинин паяр (обзацар) корректировать авун. Текстерин жуъреяр: галай-галайвал мана ачухарунин, шикилар лугъунин, фикирар лугъунин.

### **Чалан паяр**

#### **Существительное**

Существительнидин мана-метлеб. Существительнидин суалар ва предложенида адан везифаяр. Существительнидин къадар. **-Вал** суффикс квай существительнияр гзафвилин къадарда. Гзафвилин къадардин эхирдиз **-ар**, **-яр** къведай существительнияр. Существительнияр падежлиз дегиш хъун. Дибдин падежрин тIварар ва суалар. Асул падеж. Актив падеж. Талукъвилин падеж. Гунугин падеж. Существительнийрин падежрин эхирар дуъз кхъин.

Чкадин падежрикай умуми малуматар. Чкадин падежра существительнияр дуъз лугъуз, көлиз ва дуъз кхын.

### **Прилагательное**

Прилагательнидин мана-метлеб. Прилагательнидин суалар ва предложенида адан везифаяр. Прилагательнийрин къадар. Прилагательнияр дибдин падежриз дегиш хъун. Падежрин эхирап дуъз кхын. Прилагательнияр гзафвилин къадарда падежрин формайра у хвена кхын (ярубур - ярубуру).

### **Тіварцізвезар**

Тіварцізвезрин мана-метлеб ва предложенида адан везифаяр. Ксарин ва суалдин тіварцізвезрикай (*вуж?* *вуч?*) умуми малумат. Ксарин ва суалдин тіварцізвезар падежриз дегиш хъун ва падежрин эхирап дуъз кхын. Тіварцізвезар чала ишлемишун.

### **Глагол**

Глаголдин мана-метлеб ва предложенида адан везифаяр. Глаголдин асул форма. Глаголдин асул форма падежриз дегиш хъун. Асул формада глаголрин эхирап дуъз кхын. Глаголдин мурадвилин форма. Глаголдин инкарвилин форма. Глаголдин префиксар ва суффиксар. Күмекчи глаголар. Глаголар дуъз кхын.

### **Предложение**

Предложенидин кылиниң членар: подлежащее ва сказуемое. Предложенидин къвед лагъай дережадин членрикай умуми малуматар.

Анжак кылиниң членрикай туъкіуър хъанвай предложенияр, къвед лагъай дережадин членар кухтуна, гегъеншарун.

Манадин жигъетдай алакъалу гафар (гафарин жуътер) чара авун ва са гафунилай мульку гафунал суал эцигун. Келай чалан паяр тир гафарикий гафарин жуътер туъкіуърун.

Са жинсинин членар квай предложенийrikай умуми малуматар. Союзар (**ва, -ни, амма**) галай ва галачир са жинсинин членрин арада запятой. Са жинсинин членар квай предложенияр түкіуриз алакъарун ва абур дүз кіелун.

Сложный предложениикай умуми малумат. Къве простой предложениикай түкіуыр хъанвай сложный предложение. Сложный предложенида пунктуациядин лишанар.

### **Михъи кхъинар**

Гъарфар гафарани предложенийра дүз ва михъиз кхъинин вердишвилер ва алакъунар мадни вилик тухун.

## **НЕТИЖАЯР**

### **Лезги чал чирунин нетижаяр**

4- класс күтаяғызтай аялриз чир хъун ва абурулай алакъун лазим я:

### **Фонетика**

- сесер ва гъарфар, ачух ва ачух тушир сесер, гужлу ва зайдиф сесер, къуша сесер къвезвай гафар, түкіуыр хъанвай (составной) гъарфар, лабиал сесер;
- вири сесериз талукъ мисалар гъиз;
- гафунай сесерин характеристика гуз;
- гафуна сесеринни гъарфарин талукъвилер ва къадарар тайинариз;
- гафар слогриз пайиз, ударение алай ва алачир слогар тайинариз.

## **ГРАММАТИКА**

### **МОРФОЛОГИЯ**

Существительнияр, прилагательнияр, глагол, числительнияр, тіварціевезар, наречияр, абурун лишанар. И чалан паяр сад-садавай чара авун, абуруз талукъ мисалар гъун. Предложенида и чалан паярин везифаяр тайинарун ва абур ишлемишиз алакъун. Түкіуыр хъанвай ва тикрат жедай наречияр дүз кхъин. Кіелай чалан паярин характеристика гун.

## **ГАФУНИН ТҮҮКІУР ХҮҮН**

Гафунин дувул, префикс, суффикс, эхир чара ийиз алакъун. Гафар туыкIуыр хүнин жигъетдай разбор ийиз алакъун.

## **СИНТАКСИС**

Аялриз ихтиин алакъунар хүн лазим я:

- предложенидин кылиниң членар (подлежащее ва сказуемое), къвед лагъай дережадин членар чара ийиз;
- гаф ва алакъалу ибара, алакъалу ибара, простой предложение, простой предложение ва сложный предложение сад-садавай чара ийиз;
- са жинсинин членар квай ва квачир предложенияр;
- мураддиз ва интонациядиз килигна предложенияр чеб-чпивай чара ийиз;
- къве составдин простой предложенида грамматикадин дуб чара ийиз, предложенида гафарин арада алакъа (гафарин жуытер) чара ийиз, простой ва сложный предложенийрай са жинсинин членар жагъуриз;
- жуыреба-жуыре предложенийриз, алакъалу ибарайриз, са жинсинин членриз талукъ мисалар гъиз.

## **ГРАФИКА, ОРФОГРАФИЯ, ПУНКТУАЦИЯ**

Сифтегъан классар күтаягъзавай аялриз ихтиин чирвилер, алакъунар ва вердишвилер хүн лазим я:

- хас тIварара, предложенидин кыле чIехи гъарф кхын;
- лабиал сесер гъарфаралди дуьз къалурун;
- сад-садан патав сад хытин къве гъарф къведай гафар, существительнийринни прилагательнийрин падежрин эхирар дуьз кхын;
- гзафвилин къадарда актив ва адакай жезвай маса падежра къве **p**, прилагательнидин гзафвилин къадардин **–бур** амай падежрани у хвена кхын;

- **вал** суффикс квай гафар дегиши хъайила, суффиксдин **а** сес и сесиниз элкъуын ва дегиши хъайи **-вили** суффикс гафуник кукIурна кхъин;
- гафунин къатI са цIарцIай мулькуй цIарцIиз дуъз акъудун;
- предложениидин эхирда препинанидин лишанар (точка, суалдин ва эвер гунин ишарай) дуъз эцигун;
- са жинсинин членрин арада препинанидин лишанар дуъз эцигун;
- кIелай орфограммаяр ва пунктуограммаяр квай текстерай диктантар (80 гаф), изложенияр (80-100 гаф) кхъин;
- суалриз кхъена жавабар гун, гъвечIи сочинение кхъин.

## **ХСУСИ (ЛИЧНОСТДИН) НЕТИЖАЯР**

1. Жув Россиядин гражданин тирди аннамишунин бинеяр арадал гъун, жуван Ватандал, Дагъустандал, Россиядин халкъдал ва Дагъустандинни Россиядин тариҳдал дамах авунин гъиссер, жув гъи миллетдикай ята аннамишунин гъиссер кутун. Россиядин гзаф миллеттин векилрикай ибарат обществодин ивирап (реликвия) арадал гъун, инсанпересвилин ва демократвилин ивирихъ ялунин гъалар арадал атун.

2. КIелзавай касди яшайишдин жигъетдай къугъазвай роль къабулун ва аннамишун, кIелуниз майилвал авунин шартIар яратмишун ва гъар са кас патал кIелунихъ метлеб хъун таъминарун.

3. Гъар са аялдиз кылди вичи кар кыле тухунин мумкинвилер гун ва абуру ахлакъдин къанунрин патахъай чирвилерин бинедаллаз чпин гъерекатрин патахъай хиве гъатзавай жавабдарвал аннамишунин дережа хкажун.

4. Эдеблувилин, масадбуурув къени ниятар аваз эгечIунин, масадан дердирикай хабар къунин, абурун гъавурда гъатунин гъиссер деринарун. Ислягъвал кIанивилел, сабурлувилел, хъсан майилвилер хъунал бинелу яз масадбурухъ галаз къени рафттарвал авунин важиблувал гъиссун.

5. Эстетикадин игътияжар, ивирап (руъгъдин девлет) ва гъиссер арадал гъун.

6. Яшайишдин жуъреба-жуъре шартIара чIехибурухъ ва таяр-түшерихъ галаз санал кIвалахиз алакъунин, чуърукrik кыил кутун тавунин ва гъужет алай шартIарай дуъзгуындақаз экъечIдай рекъер жагъуриз алакъунин ерияр кутун.

## **МЕТАПРЕДМЕТДИН АРАДА АВАЙ АЛАКЪАЙРИН НЕТИЖАЯР**

1. Вилик эцигнавай везифадал ва ам кылиз акъудунин шартIарал асаслу яз, чирвилер къачунин гъерекатар планламишиз, абуран гузчывал тухуз ва абуруз къимет гуз, нетижа къазанмишунин виридалайни менфятлу къайдаяр тайинариз алакъун.

2. Чирвилер къачунин кIвалахдин мурадар ва везифаяр къабулиз ва хуъз, и кIвалах кылиз акъудунин такъатар жагъуриз алакъун.

3. Яратмишунрин ва цIийивилер жагъурунин жуъредин месэлэяр гъялунин кIвалахдик экечIиз, абур гъялунин къайдаяр чириз алакъун.

4. Чирвилер къачунин кIвалахда агалкъун хуунин - агалкъун тахъунин себебрин гъавурда гъатиз, гъатта агалкъун тахъай шартIарани дуъзгуын гъерекатар кыле тухуз алакъун.

5. Чирвилер къачунин кIвалах кыле фидайла, жува-жувал гузчывал авунин сифтегъан жуърейрай кыил акъудун.

6. Чирвилер гунин ва практикадин месэлэяр гъялун патал лишанрин кIалубар арадал гъиз ва ишлемишиз алакъун.

7. Алакъа хуънин (коммуникативный) ва чирвилер къачунин везифайрал асаслу яз, талукъ делилар жагъурунин (справочный чешмейрай, ачух учебный информациядин майданда, интернетдай), кIватIунин, гъялунин, анализ гунин, агақъарунин ва баянар гунин жуъреба-жуъре къайдаяр ишлемишуун.

8. Вилик эцигзавай мурадрал ва везифайрал асаслу яз жуъреба-жуъре стилрин ва жанрайрин тексттер, абурун мана къатIунна, кIелунин вердишвилер къачун.

9. Агъадихъ галай манадин (логикадин) гъерекатар кыле тухуз чирун:

- \* гекъигун;
- \* анализ;
- \* синтез;
- \* сад хътин, себебдинни нетижадин алакъаяр тайинарун;
- \* лугъуз кІанзавай фикирар кІалубда тун;
- \* малум тир манайрин жергедик кутун.

10. Жувахъ галаз сувъбетзавай касдихъ яб акализ ва адахъ галаз рахаз, гъа са месэладай жуъреба-жуъре фикир аваз хъун мумкин тирди ва гъар садахъ вичин фикир жедай ихтияр авайди гъисаба къаз гъазур яз хъун. Жуван фикир ачухариз, ам делилламишиз ва вакъиайриз къимет гуз алакъун. Алакъада хъунин ва чирвилер къачунин месэлайр гъялун патал, чалан такъатар яз, диалогдикай ва монологдикай активдаказ менфят къачуз алакъун.

11. Саналди тир кІалахдин умуми мурад ва ам кылиз акъудунин рекъер тайинарун; везифаяр ва ролар паюонин патахъай меслятдал къвезд, сада садал гузчивал ийиз, жува жув тухузвай тегъердиз дуъзгуън къимет гуз алакъун.

12. Терефрин мукъавилин гъиссер ва санал кІалахунин интересар фикирда къуна, чуърькар дуъздаказ арадай акъудиз гъазур яз хъун.

13. Объектрин ва я тайин гъерекатрин арада авай важиблу алакъаяр ва рафтарвилер къалурздавай, предметрин арада авай асул метлебар чирун.

### **Гузлемишавай предметдин нетижаяр**

IV класс күтятгъязавай аялриз чир хъун лазим я:  
келай чалан паяр ва абурун лишанар; са жинсинин членар; гегъенш тушир ва гегъенш предложенияр; сложный предложенияр.

IV класс күтятгъязавай аялрихъ ихътин агалкъунар хъун лазим я:

- келай темайриз талукъ орфограммаяр, простой ва сложный предложенийирин препинанидин лишанар квай диктант кхъин (60-70 гаф) авай;

- разбор авун: а) гафар сесериз (ачух ва ачух тушир сесер, ударение алай ва алачир слогар тайинарун; гафуна сесерин ва гъарфарин къадар тайинарун); б) гафар түкІуыр хъуниз (гафарай префикс, дувул, диб, суффикс, эхир жагъурун); в) чалан паяриз (существительнийрин къадар, падеж; прилагательнийрин къадар, падеж; глаголдин вахт тайинарун); синтаксисдин (интонациядиз килигна предложенидин жуыре, предложенида гафарин арада алакъа тайинарун, предложенидай подлежащее, сказуемое ва къвед лагъай дережадин членар жагъурун);
- масадан күмек галализ жува-жува түкІуырнавай пландай (70 - 80 гаф) изложение кхын, яшайищдай са вакъиадикай, экскурсиядикай, гузетунрай гъвечі гъикая кхын.

## П-КЬИЛ

### 4 –КЛАССДА ЛЕЗГИ ЧАЛАЙ МЕТОДИКА ЧИРУН

#### Тематикадин планирование

#### (68 сят. Гъафтеда 2 сят)

Тематикадин планирование	Аялрин кІвалахдин характеристика
<b>Тикрарун (6 сят)</b>	
Алатай классра чирай материал тикрарун. Сесер ва гъарфар, абурун арада авай тафават. Ачух ва ачух тушир сесер. Къуша сесер къvezvay гафар. ТүкІуыр хъанвай (составной) гъарфар. Ачух ва ачух тушир сесерни гъарфар: э, й, е, я, ю; о, ё, ь, ъ гъарфар ишлемишун. Гужлу ва зайдиф сесер. Лабиал сесер, абурун сивай дувул акуудун. Гафунин къатI маса царцIиз акуудун. Гафунин къатI са царцIай маса царцIиз. Гафар түкІуыр хъун. Гафунин паяр (эхир, диб, дувул, суффикс, префикс) тикрарун.	Сесеринни гъарфарин арада авайтафават чир хъун. Къуша сесер къvezvay гафар дувул кхын. ТүкІуыр хъанвай гъарфар дувул лугъун ва кхын. Ачух ва ачух тушир сесерни гъарфар дувул ишлемишун. Гужлу ва зайдиф сесер чир хъун. Лабиал сесер сивай дувул лугъун ва дувул кхын. Гафара эхир, диб, дувул, суффикс, префикс чара ийиз алакъун. Суффиксринни префиксрин күмекдалди цийи гафар түкІуырун. Гафар түкІуыр хъунин винел разбор авунин кІвалах давамарун.
<b>Ахтармишунин диктант</b>	Муаллимди гайи темадай гъикая кхын.
<b>Сочинение</b>	Къачур чирвилер ахтармишун ва къимет гун
<b>Текст (3 сят)</b>	
Текст. Текстинин лишанар: текстина предложенийрин манадин садвал, текстинин план. Ганвай текстиниз план түкІуырун.	Текстинин тема манатайнарун. Текстиниз къил гун. Текст ва адаз къил, къилин фикир, текстинин план. Ганвай тівар къадайвал хъун. Текстинин паяр чара текстиниз план түкІуырун.

Текст түкіуыр хұнин винел ківалах: кыл гун, предложенийирин къайда ва текстинин паяр (абзацар) корректировать авун.	Текст түкіуыр хұнин нормаяр (галай-галайвал ачукардай, темадив къадайвал, логикадин ва мсб.) чебчипив къадайвал хұн.
<b>Текст комплексный анализ авун</b>	Текст жува-жувақ хұзур хұн. Текстинин мана галай-галайвал ачукарун, кхъей текстиниз къимет гун. Текстинин жуыреяр чеб-чипив гекъигун: галай-галайвал ачукардай, шикилар лугъудай, фикирар лугъудай. Жуыреба-жүре стилрин текстер чеб-чипив гекъигун. Текстиниз кыл гун, план түкіурун ва кылиниң фикир чириун.

### Чалан паяр. Существительное (19 сят)

Существительнидин мана-метлеб. Существительнидин суалар ва предложенида адан везифаяр. Существительният падежлиз дегиши хұн. Дибдин падежрин тұварар ва суалар. Асул падеж. Актив падеж. Талукъилин падеж. Гунугин падеж. Са слогдин существительният падежлиз дегиши хұн. Существительниирин падежрин эхирар дуыз кхын. <b>-Вал</b> суффикс галай существительният. <b>-Вал</b> суффикс квай существительният гзафвилиниң къадарда. Асул падежда гзафвилиниң къадардин эхирдиз <b>-ар</b> , <b>-яр</b> къедай существительният. Гзафвилиниң къадарда существительниирин эхирдиз <b>-ер</b> къедай дуышушар. Актив падеждин эхирда <b>-ири</b> аваз кхъидай существительният. Гзафвилиниң къадардин эхирда къве <b>р</b> къедай существительният. <b>Чирдай изложение</b> <b>Сочинение</b> <b>Ахтармишунин диктант.</b>	Существительнидин мана-метлебачукарун. Существительнидин суаларчир хұн ва предложенида адан везифаяр тайнарун. Существительният падежлиз дегиши хұн. «Существительнидин дибдин падежар» таблицадиҳъ галаз ківалахун. Дибдин падежрин тұварар ва суалар чир хұн. Асул падеж ва адаз къедай суалар. Актив падеж ва адаз къедай суалар. Талукъилин падеж ва адаз къедай суалар. Гунугин падеж ва адаз къедай суалар. Существительниирин падежрин эхирар дуыз кхын. Чқадин падежрикай умуми малуматар гун ва абурун эхирар дуыз лугъун ва кхын. <b>-Вал</b> суффикс квай существительният гзафвилиниң къадарда дуыз кхын. Гзафвилиниң къадардин эхирдиз <b>-ар</b> , <b>-яр</b> , <b>-ер</b> , <b>-ири</b> къедай существительният къалурун. Существительният гзафвилиниң къадарда эцигун. Муаллимди кіелай текстинай план түкіурун. Текстинин мана галай-галайвал ачукарна ағакъарун ва кхын. Муаллимди гайи темадай гықая кхын. Къачур чирвилер ахтармишун вакъимет гун.
---	---

### Прилагательное (6 сят)

Прилагательнидин мана-метлеб. Прилагательнидин суалар ва предложенида адан везифаяр. Прилагательният гзафвилиниң къадарда эхирда у гъарф хвена кхын. Прилагательният дидбин падежлиз дегиши хұн. Прилагательниирин эхирар дуыз кхын. <b>Ахтармишунин диктант</b>	Прилагательнидин мана-метлеб, адан суалар ва предложенида адан везифаяр тайнарун. Текстинай прилагательният жагъурун. Прилагательният къадарлиз ва падежлиз дегишиарун. Прилагательният существительниирин галаз ишлемишун. Прилагательният суффиксерин күмекдалди арадиз гъун. Прилагательният гзафвилиниң къадарда падежрин формайра дуыз кхын. Къачур чирвилер ахтармишун вакъимет гун.
--	--

### Тұварціизөзар (7 сят)

Тұварціизөзин мана-метлеб ва предложенида адан везифаяр. Тұварціизөзар падежлиз дегиши хұн. Суалдин тұварціизөзар падежлиз дегиши хұн. Тұварціизөзин эхирар дуыз кхын. Тұварціизөзар чала ишлемишун.	Тұварціизөзар амай чалан паярин арада къатіуз хұн. Текстинай тұварціизөзар жагъурун. Ксарин ва суалдин тұварціизөзар падежлиз дегишиарун. Ксарин ва суалдин тұварціизөзин падеж тайнарун. Тұварціизөзин эхирар дуыз кхын. Тұварціизөзар рахуна ишлемишун.
--	---

<b>Чирдай изложение</b>	Муаллимди кІелай текстинай план түкіурун. Текстинин мана галай-галайвал ачухарна агакъарун ва кхьин.
<b>Глагол (9 сят)</b>	
Глаголдин мана-метлеб ва предложенида адандын везифаяр.	Текстина ва маса гафарин арада глаголар къатІуз хүн. Глаголдин грамматикадин лишанар (предложенида вахт ва везифа) тайинарун. Текстина ганвай глаголар вахтариз дегишишарун.
Глаголдин асул форма. Глаголдин асул форма падежлиз дегишиш хүн. Асул формада дузыз кхьинин къайдаяр чирил.	Асул формада авай глаголар чара авун. Асул формада глаголар теквилин ва гзафвилин къадарра дибдин падежлиздегишишарун. Асул формада глаголрин эхирапар дузыз кхьинин къайдаяр чирил.
Глаголдин мурадвилин форма. Глаголдин инкарвилин форма. Күмекчи глаголар. Глаголар дузыз кхьин.	Асул формада авай глаголар префиксрин күмекдалди арадал гъун.
<b>Ахтармишунин диктант</b>	Глаголар мурадвилин формада эцигиз кхьин. Мурадвилин формада авай глаголлиз къаншар метлеб авай глаголар жагъурун. Глаголар инкарвилин формада эцигиз алакъун. Инкарвилин формада авай глаголар суффиксдин ва префиксдин күмекдалди арадиз гъун.
	Күмекчи глаголар чир хүн ва абурудузыз кхьин. Къачур чирвилер ахтармишун вакъимет гун.
<b>Предложение (II)</b>	
Предложенидин кыилин членар: подлежащее, сказуемое.	Предложенидин кыилин членар чара авун ва къвед лагъай дережадин членар жагъурунин къайдайрин гъавурда тун.
Предложенидин къвед лагъай дережадин членрикай умуми малуматар. Анжак кыилин членрикай түкіуыр хъанвай предложения, къвед лагъай дережадин членар кухтуна, гегъеншарун.	Предложенидин къвед лагъай дережадин членрикай малуматар къачун. Предложенидин кыилин ва къвед лагъай дережадин членар чара авун. Анжак кыилин членрикай түкіуыр хъанвай предложения, къвед лагъай дережадин членар кухтуна, гегъеншарун.
Манадин жигъетдай алакъалу ибара (гафарин жуытер) чара авун ва са гафунилай мульку гафунал суал мульку гафунал суал эцигун. КІелай чалан паяр тир гафарикий гафарин жуытер түкіурун.	Гаф, алакъалу ибара ва предложение чеб-чипив гекъигун. Ибара да са гафунилай мульку гафунал суал эцигун. Ибара да гафарин арада авай алакъаяр суалрин членрикай членрикай разбор авун.
Са жинсинин членар квай предложенирикай умуми малуматар.	Предложенияр түкіурун ва абурузкымет гун.
Союзар ( <b>ва, -ни, амма</b> ) галай ва галачир са жинсинин членрин арада запятояй. Са жинсинин членар квай предложенияр түкіуриз алакъарун ва абурудузыз кІелун.	Текстинин мана-метлеб гүнгүль хтун. Текстинин мана галай-галайвал ачухарна агакъарун ва кхьин.
Сложный предложенидикай умуми малумат. Къве простой предложенидикай түкіуыр хъанвай сложный предложение.	Са жинсинин членар квай предложенияр чир хүн ва абурудузыз жагъурун. Са жинсинин членар предложенида гъи член ятІа, тайинарун. Предложенида са жинсинин членар ва лугъунин тегъер (интонация) вилив хүн. Са жинсинин членар квай предложенияр түкіуриз алакъун ва абурудузыз кІелун.
Сложный предложенидикай пунктуациядин лишанар.	Союзар ( <b>ва, -ни, амма</b> ) галай са жинсинин членрин арада запятояй дузыз эцигун.
<b>Сочинение</b>	Простой ва сложный предложение чеб-чипив гекъигун.
<b>Чирдай изложение</b>	Са жинсинин членар квай простой предложение ва сложный предложение чеб-чипивай къатІуз хүн.
<b>Ахтармишунин диктант</b>	

	<p>Къве простой предложенидикай хъанвай сложный предложенидин арада запятояр дуъз эцигун. Сложный предложенида грамматикадин дибар чара авун. Сложный предложенияр түкІуырун.</p> <p>Муаллимди гайи темадай гыккая кхынин.</p> <p>Муаллимди кіелай текстинай план түкІуырун. Текстинин мана галай-галайвал ачухарна агадарун ва кхынин.</p> <p>Къачур чирвилер ахтармишун вакъимет гун.</p>
<b>Тикрапун (7 сят)</b>	
Сесер ва гъарфар. Гафунин түкІуыр хъун. Предложение. Предложенидин членар, гафарин жуытер, са жинсинин членар, сложный предложение. Чалан паяр. Существительное, прилагательное, тұварцЫэвезар, глагол. <b>Шикилдай сочинение кхызы чирун</b> <b>Итоговый диктант</b>	<p>Шикилдай сочинение кхызы вердиш хъун. Къачур чирвилер ахтармишун вакъимет гун.</p>

## Гафунин маналу паяр чирун

Сифтеғъан классра дидед чалан тарсара, малум тирвал, аялриз гафар арадиз атуникай са къадар чирвилер гузва. А чирвилер афарин къурушда гъалтзавай жуыреба-жуыре морфемаяр – абурун маналу паяр – аннамишунихъ галаз алакъалу я.

### 1. *Са дувулдин гафар ва дувул чирун.*

Са дувулдин гафар (ва я мукъва-кыили гафар) терминдин гъавурда гъатун патал аялри а гафарин къве лишанкъанмишун лазим я:I) мана-метлебдин мукъвавал ва 2) къурулушдин жигъетдай мукъвавал (уртах ва я сад хътин дувул хъун). Аялрик гафарин мукъвавал успат авун патал абурун лексикадиз талукъ мана (яни мана-метлеб) ва къурулуш гекъигдай, гүзетунрин бинедал веревирдар ийидай вердишвилер кутун герек я. Месела, аялри *викIегъ*, *викIегъвал*, *викIегъдиз* гафар гекъигда ва къейдда: им мукъва гафарин са жерге я, вучиз лагъайтIа и пуд гафни мана-метлебдиз мукъва ва я абуруз сад хътин (уртах) пай ава.

Анализдин нетижада аялар ихътин фикирдал гъида, са дувулдин гафарин мукъвавал абурун уртах паюни (дувулди) арадиз гъизва. *Уртах пай (дувул) авай са шумуд гафуниз мукъва-кыили гафарин жерге лугъуда.*

Приставкайри, суффиксри гафунин манадик са чпиз цИийивал кутуда, иниз килигна мукъва-кыили гафар са квелди ятIани чарани я.

Месела, муаллимди аялриз чIагъандин шикил ракъурда ва суал гуда: «Чагъан ядай касдиз вуж лугъуда?» Досқдал кхьида: Чагъан - Чагъанчи. Къейдда: и къве гаф мукъва-кыили гафар я, амма абурун манаяр дуым-дуъз сад туш.

Гафарин мана ва къурулуш гекъигунин бинедал термин «мукъва гафар» ачуҳарайдалай къулухъ малумарда: мукъва гафарин уртах пай (сад хътин пай) дувул я. Иниз килигна а гафариз са дувулдин гафарни лугъуда.

Гафарин дувул чирдайла, аялри дувулдин къве лишан къатIунун лазим я: а) дувул мукъва гафарин кылини ва я виридалайни кар алай пай я (дувул галудайтIа, гафунин мана квахъда); б) дувулда мукъва гафарин уртах мана ава.

Аялри дувул дериндай аннамишун пата лам гафунин маса маналу паярихъ (морфемайрихъ) галаз икI гекъигда:

- и гафарин гъи паюни абур чеб-чпиз манадин жигъетдай ухшар ийизва? (дувулди): *мекъ, мекъи, мекъивал, мекъила*;
- и гафарин гъи паюни ва я паяри абуруз манадин жигъетдай са гъихътин ятIани чаравал гузва (суффиксди, приставкади). Гафара къалурда суффикс ва я приставка, месела: *мекъ, мекъи, мекъивал, мекъила*.

## **2. Префикс чирун.**

Префиксрин дибдин лишанар ибур: а) цИийи гафар ва я абурун формаяр арадиз гъун (лугъун лазим я хыи, лезги чIала алай девирда префиксрин күмекдалди цИийи гафар арадиз атун продуктивный къайда яз амач, виликдай префиксрин (превербрин) күмекдалди глаголар арадиз атанвай); б) гафунин къурулушда префиксдин чка (гъамиша дувулдин вилик жеда).

Сифтегъан классра аялри префиксдин ихътин тариф чирда: «*Гафунин дувулдилай вилик жедай, вичи цИийи гафар ва я абурун формаяр арадиз гъидай дибдин маналу паюниз приставка лугъуда*». Месела, *атун-татун, тIуң-туытIуң, хабар-бейхабар, фин-тефин, мерд-намерд*.

Префиксрин везифаяр аялри дериндай аннамишун патал методикадин ихътин амаларишлемишуң хийирлу я:

1. Чпин къурулушдик префикс квай ва квачир са дувулдин гафар текъигун ва ва абура префиксрин манаяр гузетун:

чара-бейчара	гун-тагун
хабар-бейхабар	гъун-тагъун

2. Префиксар гъар жуъре гафара гузетун ва абурун манаяр тайинарун:

<i>на-</i>	<i>та-</i>	<i>та-</i>
нахуши	тавун	тагун
нарази	такун	тагъун
намерд	татун	тажъун

Нетижада аялриз префиксрин мана гафунин дувулдин манадихъай чара ийиз ва гафунин къурулушда префиксдин везифа къатIуз чир жеда.

3. Суффикс чирун.

Суффиксар чирунин къилин метлеб аялриз и морфемайри гафунин къурулушда къугъазвай роль аяухарун ва и бинедал абуруз суффиксар квай гафар гъавурдик кваз ишлемишиз чирун я. Аялриз чир хъана кIанда: *суффиксрин күймекдалди үлийи манна авай гафарарадиз гъиз жеда* (гафар арадиз гъидай суффиксар) ва *гъакIни гафунин манадиз жуъреба-жуъре лишанар гуз жеда* (къимет ва я лишан гудай суффиксар).

Суффиксрин мана-метлеб аннамишиз, дувъз къатIуз хъун патал гафарин са бязи грамматикадин хас лишанриз фикир гуда, месела:

<b>сущ.</b>	<b>прилаг.</b>
лаз	лацу
вил	вили
къаз	къацу

(-у, -и суффиксри существительнийрикай рангар къалурдай прилагательният арадиз гъанва).

Суффиксрин мана-метлеб дериндай къанмишиз ихътин шартIари күймекда: суффиксрин манаяр гузетун ва ачуҳарун; аялрин уъмуърдин

чирвилер, чирвилер, гузетунар, къатIунар ишлемишун; тадаракар, наглятностар ишлемишун. Месела:

дагъ-дагъви

хуър-хуъруньви - яшамиш жезвай чкадиз килигна инсанрин тIварар

Чагъан-Чагъанчи – инсанрин устIарвал, пеше къалурзавай тIварар.

Къимет гудай суффиксрин манаяр аялрин чпин чирвилер ишлемишна, ачухариз жеда, месела:

- *къувзуль* (къувзуль инсандин гъихътин лакIаб гуз жеда?) – *къувзек*;

- *къецIи* (къецIи инсандин гудай лакIаб) *къецIек* ва икI мад. Нехирбан, данарбан, хваарбан, маргъухъан ва масса гафар суффиксрин къумекдалди арадиз атунин шикилар ишлемишна (месела, нехирдин ва нехирбандин ва икI мад) ачухарайтIа, хъсан нетижада жеда.

Суффикс дериндай хъсан къатIун патал ва гафунин эхирдихъ гекъигунин метлеб ава. Ялри къатIуда: суффиксни приставка гафуник юйи манна кутазвай дибдин паяр я,amma гафунин къурулушда абурун чкаяр сад туш. Суффиксни эхир гекъигунин нетижада аялри къанмишда: суффиксди юйи гафар арадиз гъизва, эхирди – гафунин формаяр.

## **СИНТАКСИС ВА ПУНКТУАЦИЯ ЧИРУН**

### **Синтаксисдайни пунктуациядай малуматар**

Адет яз, школада синтаксис морфологиядилай къулухъ чирда. Амма эхиримжи йисарин ахтармишунри къалурзавайвал, синтаксисдай са къадар чирвилер авачиз аялриз морфология чиран четин жезва.

Идалайни гъейри, синтаксисдай са бязи малуматар морфологиядилай вилик гуни аялрин чIал гегъеншарунин кIалахдиз къумек гузва. ИкI тахъайтIа, грамматка чиранни аялрин раҳунар гегъеншарунчеб-чпивай яргъа жеда. Гъаниз килигна юйи программади синтаксисдайни пунктуациядай са къадар чирвилерни вердишвилер IV классда гун истемишзава.

Синтаксисдайни пунктуациядай бязи чирвилерни вердишвилер аялриз гъеле IV классдиз къведалди ава. Аялриз предложенидин жуъреяр (эхирда

точка, эвер гунин, суалдин ишарайр авай), кылини ва, чеб-чпивай чара тавуна, къвед лагъай дережадин членар, предложенидин эхирда эцигдай лишанар таниш я.

Аялриз сифтегъан классра ихътин са бязи малуматар аватIани, синтаксис чирун четин месэлаярикай сад я. И разделдай программади истишишавай теориядин малуматар аялриз фад чир жедатIани, абурук бязи вердишвилер кутун четин я. И четинвал сифтени-сифте предложенидин интонация вилив хуъз вердишарунайкай ибарат я, яни хабардин, суалдин, эвер гунин интонация вилив хуъз аялар геж ва четиндиз вердиш жеда. Гъаниз килигна и разделдай тарсара кылини фикир раҳунрин интонациядин винел аялрин гузетунар тешкилуниз, техникадин тадаракар, компьютер, ишлемишуниз гун лазим я. Им гъакIини аялрик пунктуациядин вердишвилер кутун патални чарасуз я. Интонациядин винел гузетунар, аялрихъ яб гунин вердишвилер аваз хъайитIа, тешкилиз жеда. Ихътин вердишвилер авай аялривай яб гана предложенидин интонация, манадин ударение къведай чкаяр, предложенида сес явшардай, гужлу ийидай чкаяр ва ихътин масабур тайинариз жеда.

«Синтаксисни пунктуация» раздел «**Алакъалу ибарайр**» темадилай башламиш жезва.

Алакъалу ибарайрикай бязи малуматар педучилище патал учебника да ава<sup>14</sup>. Ана алакъалу ибарадин ихътин тариф гузва: «Словосочетанияр чеб грамматикадин жигъетдай аслу тушир гафарикай тешкил хъанвай ва чпи са гъихътин хъайитIани паяриз чара авунвай шей ва я вакъия къалурзавай гафариз лугъуда». Предложенидинни сказуемидин кIватIал алакъалу ибара яз гъисабиз жедач, вучиз лагъайтIа абурун арада арада авай алакъаяр предложенидинбур я. Са жинсинин членарни алакъалу ибарайрик акатдач, вучиз лагъайтIа абурун арада табийвилин алакъаяр авач.

Алакъалу ибарайрихъ галаз аялар сифтегъан калассра таниш я: абу гафарал садалай масадал суал эцигиз вердиш я. И чирвилин бинедал алаz

<sup>14</sup> Г.И. Магомедов Лезги чIал. Педучилище патал учебник, Дагучпедгиз. 1985й.

муаллимди IV классда кіелзабай аялриз алакъалу ибарадин метлеб ачухарда. И мураддалди муаллимди аялар элкъуырна къунвай затIарин винел абурун гүзетунар тешкилда. Сифте а затIарин тIварар са гафуналди, ахпа къвед-пуд гафуналди лугъуда. Месела, муаллимди аялдиз карандаш къалурда ва хабар къада: «*Им вуч я?*» Аялри жаваб гуда: «*Карандаш*». Ахпа муаллимди, ам тъихътин карандаш я лагъана, хабар къада. Аялри жаваб гуда: «*Вили карандаш*». Сифте *карандаш*, ахпа *вили карандаш* гафар доскадал кхъида. Ахпа муаллимди *карандаш* гафуни ва *вили карандаш* ибаради са затI къалурзавани ва я жуыреба-жуыре затIар къалурзавани хабар къадар. Ахпа алакъалу ибаради тек гафунилай тафаватлу яз, затIарин гъерекатар, абурун лишанар ачухдиз, лап дуыз кълурдайди ачухарда. Месела, чирун гафунилай *хуралай чирун* ибаради кыиле физвай кар якъиндиз ачухарзава, тайинарзава.

Гъар са алакъалу ибарада са гаф кыилинди, мұйқуьди адалай аслуди я. Кыилин гафунилай табий гафунал суал къведа. Аялрилай предложенидай алакъалу ибарайр чара ийиз, ибарада кыилин ва табий гафар жагъуриз, кыилин гафунилай аслу гафунал суал эцигиз, алакъалу ибарайр түкIуыриз алакъун лазим я. Ибарада кыилин гафунинни табий гафунин арада манна-метлебдин жигъетдай алакъа жеда. Аялриз и чирвилерни алакъунар гун патал муаллимди кыилин фикир аялриччи-чпиз тамамардай тапшуругриз гун лазим я. И мураддалди ихътин тапшуругъар тухвайтIа жеда:

1. Гъазур ибарайра кыилин гафунилай табий гафунал суалар эцигун.

гъихътин? х  
*Месела: чIуру хъач*  
гъикI? х  
кIевиз кIелун

2. Предложенийрай алакъалу ибарайр чара авун.
3. Алакъалу ибарада кыилин гаф тайинарун.
4. Алакъалу ибарада кыилин гаф гыи чалан пай ятIа, тайинарун.
5. Алакъалу ибарайр аялри чпи түкIуырун.
6. Алакъалу ибарайрикай предложенийр түкIуырун.
7. Алакъалу ибарайр разбор авун. Алакъалу ибарайр хуралай и къайдада разбор авун меслятзава. *ЧIур у хъа ч*.

*Чуру хъач* ибарада кылини гаф хъач я. *Хъач* (гъихътин?) *чIуру*. *Чуру* табий гаф я. Кылини гаф существительнидалди табий гаф прилагательнидалди лагъанва.

Хъена разбор икI тамамарда:

**Гъихътин?**

*Чуру хъач*  
(прилаг.) (сущ.)

Кылини гафунин винел **X** лишан эцигда.

Аялар алатай классрай **предложениихъ** галаз таниш я. IV классда а чирвилер деринарунихъ галаз сад хъиз абур гегъеншарда. Предложение неинки алакъалу са шумуд гафуникай, гъакIни са гафуникайни жедайди, предложение хъун патал а гафари акъалтIай фикир лугъун лазим тирди, гъар са предложение тайин тир интонациядалди кIелун лазим тирди чирда.

Мурад-метлебдиз килигна предложенияр пай хъун IV классда кIелзавай аялриз цИийиз гузтай чирвал я.

Аялриз предложенидин тариф сказуемое квай предложение разбор авуна ачухарун хъсан я. Идалай кьулухъ жуъреба-жуъре предложенийяр разбор авуна, аялар мурад-метлебдиз килигна предложенийрин жуъреяр рикIел хкида. (Ибур аялри 3-классда чирнава).

IV классда аялар предложенидин къвед лагъай дережадин членар, подлежащими сказуемое кылини членар тирди чирда.

Малум тирвал, **подлежащими сказуемое** предложенидин диг яратмишава, абураз предложенида авай вири членар табий жеда.

Аялрихъ галаз подлежащидин тариф рикIел хкайдалай кьулухъ, са шумуд предложенин разбор авуна, предложенида подлежащее гзафни-гзаф существительнидални тIварцIиэвездалди лугъудайди ачухарда ва подлежащиidi вуж? вуч? ни? кув? сувализ жаваб гудайди тикрар хъийида. Ахпа предложенияр разбор авуна, абур мягъкемарда.

Предложенийяр разбор ийидайла, аялри аннамишда: лезги чIала подлежащее я асул, я актив падежда жеда. Подлежащидин падеж сказуемидилай аслу я, гъавилий синтаксисдин разбор ийидайла сифте сказуемое жагъурда.



**Къвед лагъай дережадин член** къилин членрикай садаз ва маса къвед лагъай дережадин члендиз табий яз жеда. Къвед лагъай дережадин членри фикир ачухдиз лугъуз кульмек гуда<sup>15</sup>.

Къвед лагъай дережадин членрикай малумат гайдалай къулухъ абураз къилди-къилди акъвазда. Сифте дополнение чирда. Ам къвед лагъай дережадин, яни аслу член тирди ачухарда. Мягъкемарун патал жуъреба-жуъре тапшуругъар тамамарда:

1. Гегъенш тушир предложенияр, дополненияр кухтуна, гегъеншарун.
2. Дополнение вич аслу гаф гафний галаз текстинай кхъин.
3. Скобайра ганвай гафар лазим тир падежда эцигиз кхъин.

**Определение** чирдайла, предложенияр ам прилагательнидикайни причастидикай жедайди къалуруннихъ галаз сад хъиз, ам подлежащидиз ва дополненидиз талукъ тирди ачухарда. Определение мягъкемарун патал, дополненидиз къалурнавай хътин тапшуругърилай алла яз, мад ихътин тапшуругъарни тешкилиз жеда:

- 1) предложенияр чпиз определение жедай гафар къалурун;
- 2) текстинай определенияр жагъурун ва абур гъи членриз талукъ ятла лугъун;
- 3) ганвай гафариз определенияр хъягъун;
- 4) ганвай определенияр абураз мукъва метлеб авай масабуралди эvez авун.

Рахунра определенидин метлеб определенияр квай ва квачир предложенияр гекъигна ачухарда.

Определенидин мана-метлеб ачухарун патал аялриз доскадал са шумуд алақъалу ибара кхъида, ахпа абур кваз предложенияр түккүрда. Месела:

*Куъруь чар.                   Рагъима хуъруьз куъруь чар рахкурна. (Къ. А.)*

<sup>15</sup> Г.И. Магомедов Лезги чал. Педучилище патал учебник, Дагучпедгиз. 1985й.

*Гурлу марф.*

*Пакамахъ гурлу марф акатна.*

*Дидедин чIарар.*

*Зи дидедин чIарар лап рехи хъанва.*

Винидихъ галай гъар са алакъалу ибарада аслу гафуни кылин гаф лишанламишава ва гъихътин? нин? суалриз жавабар гудайди суалрин күмекдалди тайинарда: (*чар (гъихътин?) куъруь, чIарар (нин?) дидедин*).

Дополненидилайни определенидилай **обстоятельство** чиран четин я, вучиз лагъайтIа чпин метлебдиз ва предложендия лугъуниз килигна, абур гзаф я.

Гъаниз килигна, IV классда обстоятельствояр, абурун жуърейриз пай тавуна, чирда. Идалайни гъейри, обстоятельстводал сказуемидилай суал эцигиз вердишарун метлеблу я.

Къвед лагъай дережадин членар ихътин къайдада чиран хъсан я: предложенидин гъихътин член я (кылин ва я къвед лагъай дережадин), предложенида гъи члендиз талукъ я; гъихътин суалриз жаваб гузва; гъи чIалан паюналди лагъанва?

Обстоятельстводин мана-метлеб ачухарун патал аялриз доскадал са шумуд предложение кхьида:

*Керим дагъдин хуъре яшамиши жезвай. Адан гадади шегъерда келзавай.*  
*Пакад юкъуз Керим чар келиз фекъидин мукъув фена. Керим ажугъ кваз кIвализ хтана. И бизарвилер хъайидалай къулухъ Керим гъавурда акъуна хъи, кел тавурди буъркъуьди я. (И. В.).*

Предложенийра кылин членрин кIаникай цIар чIугвада. Аялрин фикир чара авунвай гафарал желбда ва ихътин нетижадал къведа: предложенийра чара авунвай гафар сказуемидиз талукъ я, абураг суал сказуемидилай къvezва. Гъина? ГъикI? Мус? суалриз жавабар гузва.

Сказуемидалди къалурнавай крат *гъина?* *гъикI?* *мус?* *вучиз?* жезватIа къалурзавай членриз обстоятельствояр лугъуда. Обстоятельствояр жуъребажуъре чIалан паярикай жеда.

Къвед лагъай дережадин членрикай чирвилер предложенияр членриз разбор авунин рекъелди мягъкемаруни хъсан нетижаяр гуда.

**Идалай къулухъ гегъенш ва гегъенш тушир предложенийрал элячІда.** Гегъенш ва гегъенш тушир предложенийрин мана ачухарун патал къве жерге предложенияр разбор ийида: анжах подлежащицикайни сказуемидикай хъанвайбур ва абурун къаншарда, кылини членрилай гъейри, мад членар авайбур. Месела:

*Гатфар алуқына. Чими гатфар алуқына. Цульвер акъатна. Багълар, дагълара яру, вили, хъити цульвер акъатна. Аялар физва. Аялар цульвер ківат! из дагълариз физва.*

И предложенияр разбор авуна, абур чеб-чпивай квелди тафаватлу ятІа, тайинарда, ва гегъенш тушир предложение анжах кылини членрикай жезвайди, гегъенш предложенияр кылини членрилай гъейри къвед лагъай дережадин членарни жедайди лугъуда. Жуъреба-жуъре тапшуругъар тамамарна, и тема мягъемарда:

- 1) текстинай гегъенш ва гегъенш тушир предложенияр тайинарун;
- 2) гегъенш предложенидикай гегъенш тушириди авун ва гегъенш предложение гегъеншарун.

**Са жинсинин членар квай предложениярихъ** галаз танишарунин карда аялрин фикир абур квай предложениядин интонациядал желб авунихъ еке метлеб ава. Са жинсинин членар квай предложениярихъ галаз кіелзовая аялар икІ танишарун хъсан я. Са жинсинин членар квай предложенияр алай таблица куърсарда.

Предложенида сад хътин са шумуд кылини ва къвед лагъай дережадин членар хъунухъ герек я. Муаллимди сифте аялар са жинсинин кылини членрихъ галаз танишарда. Аялрин фикир ихътин предложенидал желб ийида: **Надира, Фарида, Зульгрэди, Фаридади школадин бағъда къелемар акІурна** — предложенидай кылини членар жагъурда.


Аялри и предложенида акІурна сказуемидихъ галаз алакъалу тир къуд подлежащее авайди ва абур чеб-чпивай запятойралди чара ийизвайди тайинарда:

**Ни? — Надира, ни? — Фарида, ни? — Зульгрэди, ни? — Фаридади.**

Са подлежащииз талукъ тир са шумуд сказуемое квай предложение кIелда ва анализ ийида.

**Месела: Комбайнди техил гульда, гатада, михъда.**

Предложенида **комбайнди** подлежащиихъ галаз алакъалу тир, гъа сад хътин суалдиз жаваб гузтай пуд сказуемое (**гульда, гатада, михъда**) авайди ва абур запятойдалди чара авунвайди тайинарда.



Ихътин анализдин бинедаллаз аялри са жинсинин членрикай къейд ийида: — чпи сад хътин суалриз жавабар гудай ва чеб са гафуниз талукъ членриз са жинсинин членар лугъуда. Са жинсинин членар кхъинра запятой-ралди чара ийида<sup>16</sup>. Им чаз винидихъ ганвай мисалрай аквазва.

Са жинсинин членар къвед лагъай дережадинбурни жеда.

**Месела: Диdedи туьквендай къенфетар, вафлияр, печенияр къачуна.**

Предложенида **къачуна** глаголдиз талукъ тир гъа са суалдиз жаваб

**доп.**


гузтай (вучар?) са жинсинин членар тир пуд дополнение (**къенфетар**,

**доп.      доп.**

**вафлияр, печенияр**) ава, абур запятойралди чара авунва.

Са жинсинин членар квай предложенияр схемайрин күмекдалди разбор авун хъсан я.

**Месела: Аялри гатуз никIера, салара, багълара кIвалахзава.**



<sup>16</sup> Г.И. Магомедов Лезги чал. Педучилище патал учебник, Дагучпедгиз. 1985й.

Са жинсинин членар чирунин карда аялрин фикир абур квай предложенидин интонацидин күмекдалди алакъаламишда. Винидихъ разбор авур предложенийра са жинсинин членриз эзберунин интонация хас я.

Чирвилер мягъкемарун ва деринарун патал ихтын тапшуругъар тамамарда: са жинсинин членар кухтуна, предложенияр гегъеншарун; са жинсинин членар квай предложенияр членриз разбор авун; ганвай гафар ишлемишна, са жинсинин членар квай предложенияр түкіурун; текстина ганвай предложенийрай са жинсинин членар жагъурун ва мсб.

Са жинсинин членар — **ни**, **ва**, **амма** ва маса союзрин күмекдалди алакъалу ийиз жеда. **Месела:** *Зунни, Мусани, Велини, Мустафани* ғатуз *Москвадиз фида. Майдандал автобусар ва гъвечі машинар акъвазнавай. (Я. Я.). Вацра ишигъ гуда, амма чими иийидач.*

Предложенияр анализ авунин бинедаллаз муаллимди союзрин мана-метлебдиз талукъ тир са бязи баянар гуда. **Месела**, — **ни**, **ва** союзар предложенида чпихъ сад хытин мана-метлеб авай са жинсинин членар галкіурун патал ишлемишда. (*Дидени буба шегъердиз фена. Школадиз ңийи партаяр ва стулар хкана*). Союз **амма** са жинсинин са член мұйқудаң къаншар, акси әцигун къалурдайла, ишлемишда. (*Вацра ишигъ гуда, амма чими иийидач*).

Са жинсинин членар **амма** союзды алакъа авунвайла, — ни, ва союзрилай алава яз, сад лагъай жинсинин члендал ван хкажда, яни ина перечислильный (гъисабунин) интонация амукъдач:

*Ахъегъ ваңын къерехдал атай*  
↑                      ↑  
*Хүрел чими, амма зеррени зегъем тушир разъ ала. (Къ. М.)*

Къейд авун лазим я хыи, предложенидиз ва предложенидин членриз талукъ чирвилер гунин ва гъакіни предложенияр дуыз кіелунин вердишивилер кутунин ківалах гъа са вахтунда, сад-садаҳъ галаз алакъада аваз тухун герек я.

Са жинсинин членрин арада запятой ишлемишун предложенияр разбор авунин рекьелди чирда. Аялриз агъадихъ галай предложенияр кіелда, абура

соузар, са жинсинин членрин арада эцигнавай пунктуацидин лишанар гүзетда.

*Дүстүрикайни, гүйриметдикайни, зөгөмөтдикайни раҳазва зун. Зенг янава, амма муаллим атанвач. Диңгиз руши базардай хтана. Етим Эмин ва Стәл Сүлейман лезги халқын шаирар я. Фариғи Мурад стхаяр я. Аялар көреңар ва шұмыяғъар құватыз тамуз фена. Няни хъанва, амма нехир хтандай. Сиктіни, севни чакъал ахмак яңырал хъуырена.*

Ганвай предложенияр кіелдайла муаллимди аялриз союзралди алакъала-мишнавай са жинсинин членар запятойралди чара авунин жигъетдай чпин фикирар лугъун теклифда. Аялар ихътин фикирдал къведа:

- 1) **Амма** союздин вилик гъамиша запятой эцигда;
- 2) **-Ни** союздалди алакъаламишнавай къве са жинсинин член запятой-далди чара ийидач. Эгер са жинсинин членар тикрап жезвай **- ни** союздалди галқырнаваз хъайитіа, абурун арада запятой эцигда.
- 3) **Ва** союздин вилик са вахтундани запятой эцигдач.

Соузар галачир, анжак ванцин күмекталди алакъаламишнавай са жинсинин членар гъамиша запятойдалди чара ийида [18].

**Месела: Никтер, салара, бағылара құвалашзала инсанри.**

Аялри досқадал ва тетрадра *Исятда бағылар, никтер ва векъер къацу хъанва* — предложение разбор ийида ва къатыда: предложенида са жинсинин членар къведалай гзаф тир چавуз **ва** союз ишлемишдайла ам анжак эхиримжи члендин вилик эцигда.

Са жинсинин членар умумиламишдай гафар ва абуру талукъ пунктуацидин лишанар чирун патал таблицаяр, схемаяр ишлемишун қарасуз я. Муаллимди герек таблицаяр виликамаз досқадилай куырсаңда.

Аялри фикир ихътин предложенидал желб ийида: *Чи چүллера ихътин къушар жеда: ачкарап, лифер, къарғыяяр, керекулар, چұлав нұсьқівер. (М. Ш.)* Ганвай предложенидай муаллимди аялриз са жинсинин членар жагъуринин тапшуругъ гуда. Аялри **ачкарап, лифер, къарғыяяр, керекулар, چұлав нұсьқівер** жагъурда ва регъятдиз и гафариз (ачкарап, лифер, къарғыяяр, кере-

кулар, чIулав нүүкIвер) са гафуналди къушар тирди лугъуда. Муаллимди и гаф (къушар) са жинсинин членар умумиламишдай гаф тирди малумарда. Муаллимди са жинсинин члениз умумиламишдай гафар жагъурда ва абур кваз предложенияр түкIуьрда:

*Суван яцар, чIуру цIегъер, или — къунар, гавар — гъайванар.*

*Дагълар, дереяр, кIамар — маканар.*

*Мих, кIута, мишер, наjsах — алатар.*

Аялри ихътин предложенияр түкIуьрда:

*Суван яцар, чIуру цIегъер, или — къунар, гавар — вагъши гъайванар я.*

*Арвандашдин дагълар, дереяр, кIамар — гузел маканар я зинни Авчи халудин. Чатун устIардин алатар ибур я: мих, кIута, мишер, наjsах.*

И предложенияр анализ авурла, аялар ихътин фикирдал къведа:

- 1) умумиламишдай гаф предложенияса жинсинин членрилай вилик ва я къулухъ хъун мумкин я;
- 2) умумиламишдай гафуни са жинсинин членри гъи суалдиз жаваб гузватIа, гъа суалдиз жаваб гуда;
- 3) предложенияса жинсинин членар гъи член ятIа, умумиламишдай гафни гъа член жеда;
- 4) умумиламишдай гафунилай къулухъ, са жинсинин членрин вилик, къве точка эцигда;
- 5) умумиламишдай гафунилай вилик, са жинсинин членрилай гуьгъульиз, тире эцигда.

Са жинсинин членар ва абур умумиламишдай гаф квай предложение схемадин бинедаллаз разбор ийида. **Месела:**

*Багълара, никIера, салара, заводра — виринра аялри кIалахзава.*

*ни?*

*(вуч иийизва?)*

*Аялри*

*кIалахзава*

*(гъина?)*

багълара никIера салара  
(чк. обст.) (чк. обст.) (чк. обст.)  
заводра — виринра  
(чк. обст.) (чк. обст.)

Са жинсинин членар квай предложенида умумиламишдай гафар ишлемишиз ва абур талукъ пунктуацидин лишанар дувъз эцигиз вердишарун патал ихътин тапшуругъар тамамарда: текстинай са жинсинин членар умумиламишзавай гафарин кIаникай цIар чIугун; вири классдин иштираквал аваз предложенияр членриз разбор авун; текстинай умумиламишзавай гафар галай са жинсинин членар ва абуруз талукъ препинанидин лишанар гузетун; са жинсинин членриз умумиламишдай гафар ва гъакIни умумиламишдай гафариз са жинсинин членар жагъурун – абур кваз предложенияр түкIурун ва мсб.

Программади IV классда сложный предложенидин лап асант жуъре къве простой предложенидикай түкIуър хъанвай *сложный предложенидикай* малуматар гун истемишава. КIелзавай аялриз им четин темайрикай сад я. Аялриз им четин хъун подлежащими сказуемое простой предложенидин къурулушда къилин членар тирди бегъем гъавурда тахъунивай я. Гъаниз килигна муаллимди мад ва мад подлежащими сказуемоепредложенидин къилин членар тирдал кIалахда.

Лап асант мисалрин бинедал алаз муаллимди аялриз сложный предложение простойдалай вичин түкIуър хъunalди тафаватлу жедайди къалурда: сложный предложенидин паяр простой предложенидикай хъун, сложный предложенида подлежащидинни сказуемидин са-са кIватIалар тахъана, къвед ва я гзафбур хъун. Месела: *Югъ няни хъана. Нехир хтана.* И предложенияр разбор авуна, аялриз абур анжакъ подлежащидикайнни сказуемидикай түкIуър хъанвай простойбур тирди ачухарда. И предложенийра гъар сада са-са подлежащими сказуемое ава. Амма *Югъ няни хъана, нехирни хтана* предложенида къве-къве подлежащими сказуемое ава. Яни им сложный предложение я. Идалай къулухъ аялрин фикир гъам

простой, гъам сложный предложенийрин интонациядал желб ийида ва интонациядал желб ийида ва интонациядин жигъетдай абурун арада авай тафават къалурда.

## МОРФОЛОГИЯ ЧИРУНИН МЕТОДИКА

Лезги чалан программадин бинедал алаз 4-классда келзаявай аялриз существительнидикай, прилагательнидикай, тварициэвездикай ва глаголдикай са къадар тамам малуматар гузва. И классда абурун манаметлебар ва грамматикадиз талукъ лишанар, предложенида абуру тамамарзавай везифаяр чирзава.

Муаллимрин тежрибади къалурзаявал, и къуд чалан паюнис талукъ чирвилер, месэлайр дериндай гъавурдик кваз чирунин карда са бязи четинвилер гъалтзава. Ибурни сифтени-сифте лезги чалан существительнидин ва глаголдин асул къетенвилерилай аслу я<sup>17</sup>. Месела, гзаф душушра аялри гъалатI яз, чан алай вири предметиз вуж? суал эцигда (лезги чала вуж? суал тек са инсанриз хас я). Ихътин гъалатI арадай акъудун патал муаллимди анализ ийизвай гафариз къvezvay суалар датана тикрарун лазим я, яни чалан фактар чирун аялрик абур истемишунихъ галаз алакъалу вердишвилер кутунин рекъелди къиле тухуда.

Чи чал гзаф падежрин склонение авай чаларикай сад я. Существительнидиз вири 18 падеж ава. 4-классдин аялриз абур дериндай анамишдай ва рикел хульдай къатIунар гъеле хъанвач. И делилар фикирда къуна, программа-ди и классда аялриз существительният анжах дидин падежклиз дегишари чирун, амай чкадинI4 падеждикай анжах умуни малуматар гун истемишзава.

Грамматикадин гъар са категория ва глаголдин формаяр чирдайла гафартукIуър хъуниз чехи фикир гуда. Лезги чала лагъайтIа, маналу глаголрин чехи пай сложный ва я составной глаголар я. Глаголрин паяр дувз къатIун, къумекчи глаголрин везифаяр чирун аялриз четин месэлайр хъуниз килигна,

---

<sup>17</sup> Р.И. Гайдаров. «Морфология лезгинского языка», Махачкала, 1987г.

муаллимди теориядин малуматар гъавурда гъатдайвал, методикадин чалан илимдал аласлу хъана ачухарун герек я.

### *Существительное* *(Существительнидин мана-метлеб)*

Существительният, малум тирвал, затIар къулурдай, къадардинни падежрин категорият хас тир гафариз лугъуда. Существительнидин къилин лишен ада затI, шей къалурун лазим я. Существительният затIарин тIварар тирди аялриз гъеле алатай классра амаз чизва, амма бязи отвлеченный тIварар къалурдай существительният абууз гъеле чехи классрани четиндиз чир жеда. Гъавиляй метлебдиз килигна, существительният гъихътин кIватIалриз пай жедатIа, аялриз къалурун лазим я. Шей, затI гегъеншдиз гъавурда хъун лазим я. ЗатIарик гъам инсанрин (нехирбан, гада, руш), гъамни гъайванрин (кицI, кац), къушарин (нуыкI, лиф), гъашаратрин (ветI, пепе, чIиж), чан алачир затIарин (векъ, кIвал), тIебиатдин ва яшайишдин гъерекатрин (цIайлапан, жив, гъава, дяве), предметламишнавай еридин (ярувал, викIегъвал), лишенрин ва мсб. тIварар акатзава. Яни *вуж? вуч?* суалар къведай вири гафар существительниик акатзава.

Существительнидикай умуми малуматар гудай тарс аялриз алатаи классра къачунвай чирвилерин бинедал алаz, абур тикрап хъувуна тухуда<sup>18</sup>. Муаллимди существительният кvez лугъудатIа, хабар къада. Существительнидин тариф аялри гайидалай къулухъ, лазим атайтIа, муаллимди ам дуъзар хъувуна, существительниди къалурзавай затI, шей вувч ятIа ачухардай мисалрин ва я алакъалу текстинин винел кIалах тешкилда. Мисалрин гъам инсанрин, гъамни гъайванрин, къушарин, гъашаратрин, тIебиатдинни яшайишдин гъаларин, чан алачир маса затIарин, предметламишнавай лишенрин ва я еридин тIварар, яни *вуж? вуч?* суалриз жавабар гузвой гафар хъун лазим я<sup>19</sup>.

<sup>18</sup> Лезги ч1ал чирунин методика. IV-VI классар. Махачкъала, Дагучпедгиз, 1977

<sup>19</sup> Къалурай ктаб.

А мисалар чна литературадай кІелзаяй эсеррай къачун меслятзана.

Месела:

Чарпайдин къвалав гвай кІвалин рак ахъайна, са къузузы къари экъечіна.

(А.Ф.) Абаса вичив гвай данаяр хъсандиз хузвай (Ф.) Югъ нисини хъанмазди, пуд лиф атана. (Ф.) Ихътин ва маса предложенияр рабор авуна, существительнири къалурзаяй затІар ачухарда ва абууз къвезвай суалар, суалрин күмекдалди а существительният предложенида гыи член ятІа, тайинарда.

Существительниди гъар са предложенида вуч затІ къалурзатІа, ихътин схемада кхъида. (Таблицадиз килиг)

Вуж?			Вуч?														
Инсанар			Гъайванар			къушар			гъашаратар			набататар			тебиатдин яшайишдин гъалар		
Гафар	къадар ва падеж	Предл. член	Гафар	Къадар ва падеж	Предл. член	Гафар	Къадар ва падеж	Предл. член	Гафар	Къадар ва падеж	Предл. член	Гафар	Къадар ва падеж	Предл. член	Гафар	Къадар ва падеж	Предл. член
къари	т. къ. ас. п.	подле ж.	даная р	Гз.къ. ас.п.	доп олн ени е	лиф	т. къ. ас. п.	Под леж.	Чи ж	т. къ. ас. п.	Подле ж.	цуь к	т. къ. ас. п.	допол нение	ийф	Т.къ. Ас. п.	Под леж. доп олн ени е
Абас		подле ж.														Т. къ. Ас. п.	

И схемадин бинедал алаз существительнидин умуми метлебдин къейд ийида. Ахпа шей, затІ вуч ятІа ачухарда. И таблицади гъакІни *вуж?* суалдиз жаваб гузайсуществительнирик гыи гафар, *вуч?* суал къвезвайбурук гъибур акатзатІа, тайинариз күмек гузва. Идалай къулухъ существительнилиз къадардин ва падеждин категорияр хас тирди къейд ийида. Эхирдай мисалрин ва таблицадин бинедал алаз предложенида существительнири подлежащидинни дополнениидин везифаяр кыиле тухузвайди къалурда.

Гъа ихътин предложенияр разбор авуна, предложенида существительнирикай определение, подлежащее ва составной

сказуемидин тІвар тир пайни жедайди къалурда. Существительнидикай обращение жедайдахъ галаз танишарун патал предложенияр разбор ийида: *Юлдашар, им ажеб зурба мусибатдин къульд хъана (С.С.) Юлдашар гъеле накъ рекъе гъатнавай.*

Эхирдай аялри къачур вири чирвилер умумиламиш хъийида.

*Существительният дидин падежриз дегиши хъун.* Лезги чала существительният падежриз дегиши хъун четин темайрикай сад я. Идан себебни чи чала падежрин къадар ва абурун эхирар гзаф хъун я. Гъаниз килигна, программайри школада и тема чи runизни артух фикир ва вахт гузва.

Лезги чала существительният падежриз дегиши хъункай аялриз «Существительнидин падежар» сифтегъан малуматар 3-классда гузва. 4-классдин программади аялривай рахун физвай темадай ихътин чирвилер къачун къанарзава: «Существительният дидин падежриз дегиши хъун. Дидин падежрин тІварар ва суалар. Са слогдин существительният падежриз дегиши хъун». Идалайни гъейри, 4-классдин программади падежрин эхирар дуъз кхъидай къайдаяр аялриз чи run истемишзава. Яни сифтегъан классра и темада къачуна къанзавай чирвилер анжах дидин падежар, абурун суалар ва актив падеждин эхирар дуъз кхъиз чи runал сергъятламиш жезва. Амай вири чирвилер чехи классра гузва.

Лезги чала существительният падежриз дегиши хъун чи run четин тирди, винидихъ чна къалурайбурулай гъейри, мад са хейлин делилри тестикъарзава. Идан гъакъиндай лезги чалан методикадал машгъул тир алимри ва муаллимри шагъидвалзава. Школадин сифтегъан классриз къvezvay аялриз гаф падежриз дегишариз чизва. Амма абуруз гаф падежриз дегиши хъун вуч лагъай гаф ятІа, идакай хабар авач.

Лезги чала существительният падежриз дегиши хъун чи runин гъакъиндай илимдин ахтармишунар ва я къвенкъвечи тежрибадикай кхъенвай

кІвалахар гъеле авач. И темадай бязи фикирар «Лезги чІал чирунин методика», адан автор Г.Р. Рамалданован пособида ганва<sup>20</sup>.

4-классда кІелзавай аялриз существительният падежиз дегиш хъун вуч лагъай гаф ятІа чизва. Гъаниз килигна падежрикай малуматар гун гаф падежиз дегиш хъун тикратуилай эгечІда. И кІвалах существительният падежиз дегиш хъуниз талукъ текст разбор авуна, анай суалрин күмекдалди гафар чара ийида:

*Зи буба чатун устIар я. Бубади чад гатадай цехда кІвалахзава. Зи бубадин юлдашарни хъсан устIарар я. Хъсандин кІвалах авунай бубадиз медаль гана.*

Суалрин күмекдалди текстинай *буба* гаф чара авуна, гафунин жуъреба-жуъре эхирар (*-ди, дин, диз*) гекъигунин рекъелди ам (существительное буба) дегиш жезвайди гуъзетда.

Келзавайбуру къатIуда: предложенида существительнийрин эхирар абу-рухъ галаз алакъада авай гафарилай аслу я (*устIар я вуж?* — *буба, кІвалахзава ни?* — *бубади, юлдашарни нин?* — *бубадин, гана низ?* — *бубадиз*). Нетижада аялар ихътин фикирдал къведа: предложенида авай гафарихъ галаз алакъада хъун патал существительнийрихъ жуъреба-жуъре эхирар акал хъуниз падежиз дегиш хъун лугъуда.

Муаллимди аялриз сифтегъан классрай дибдин падежрикай авай чирви-лер рикIел хкида. И мураддалди чи чІала шумуд падеж ава? Абур гъи падежар я? Падежри гъихътин суалриз жавабар гуда? суалар теклифда.

Лезги чІала вири 18 падеж ава. Ибурукай къуд падеж (асул, актив, талукъвилин, гунугин) дибдин падежар, амай цукъуд падеждиз чқадинбур лугъуда. Чқадин падежар пуд группадиз пай жезва: секинвилин вад падеж, къакъатунин вад падеж ва арачивилин къуд падеж.

---

<sup>20</sup> «Лезги чІал чирунин методика», Г.Р. Рамалданов, Махачкъала, 1982ий.

Муаллимди теквилин ва гзафвилин къадарра существительнияр падежиз дегиши хъун таблицадин винел классдин гузетунар тешкилна, ачухарда.

Предложенияр членриз разбор ийидайла аялрин фикир актив падежда авай существительное предложенида гъамиша подлежащее жедайдал желбда. Чи чала актив падеждиз подлежащидин падеж лугъуда. Эгер предложенида ихтигин гаф авачтIа, подлежащее асул падежда авай существительнидикай жеда.

*акт. н.      ас. н.*

*Месела: Игитвили инсан гуърчегарда.*

Существительнияр дубдин падежиз дегишаруна аялрин чирвилер ва алакъунар мягъкемарун патал ихтигин тапшуругъар тамамарда: ганвай существительнияр теквилин ва гзафвилин къадарра падежиз дегишарун; предложенияр членриз разбор авун ва абура подлежащидин падеж тайинарун; текстинай существительнияр жагъуриз, суалрин куъмекдалди абурун падежар тайинарун; существительнияр морфологиядин разбор авун; ганвай гафар гзафвилин къадарда аваз падежиз дегишарна, кхиз ва мсб.

Падеждин формайра авай гафарин винел гузетунар тешкилунин къайдада аялрин рикIел хкида, алатай классра абуруз итемадай авай чирвилер тикрап хъийида, Месела, хъяновай (выборочный) диктант тухуда. Аялри кIелзавай текстинай анжах, асул, актив, талукъвилин ва гунугин падежра авай гафар, абуруз къvezvay суалар скобкайриз къачуна кхида. Муаллимди ихтигин тапшуругъдин винел кIвалах авуна, аялриз 4-классда чизвайбур тикрапунихъ галаз сад хъиз, гъар жуъре падежра авай, гъар жуъре эхирар акал хъяновай гафарин арада авай алакъаяр тайинарда ва икI предложенида авай маса гафарихъ галаз алакъада гъатун патал существительнирихъ жуъреба-жуъре эхирар акал жеввайди ва ихтигин дегиши хъуниз гафар падежиз дегиши хъун лугъудай нетижадал гъида. Ахпа муаллимди лезги чаланI8 падеждикай дубдинбур ва чкадин гъибур ятIа, абурун метлебар чирда. И кIвалахни алакъалу текстинин винел

ахтармишунар тешкилна тухуда. Месела, интерактивный доскадал фадамаз кхъена ихътин текст гъазурда.

### **Чи школа**

*Чи школа хуърун къерехда ава. Школадин вилик цульвер цана раснавай гуърчег гъаят ква. Школдихъ са гъвечи багъни гала. Гъар пакамахъ хуърун гъар патахъай гадайри ва рушари школадиз гъерекатда. Чи школада үюд класс ава. Школади чи хуърун жесгыллиз тербия гана, абурукай чи уълкведиз менфятул инсанар авуна. абуру чи школа са чавузни рикелай ракъурзувач.*

Текст келиз, анай *школа* гаф адаз къvezvai суаларни галаз тетрадлиз акъудда ва ихътин гуъзетунрин бинедал алаз амай вири падежар ва абурун суалар тайинарда. Гъа икI, келзувай аялрин тетрадра ихътин кхъинар хъун лазим я:

- |                 |                           |
|-----------------|---------------------------|
| 1. Асул падежс  | вуж? вуч? гада, школа     |
| 2. Актив падежс | ни? куъ? гадади, руша     |
| 3. Талукъвилин  | нин? куън? гададин, рушан |
| 4. Гунугин      | низ? квез? гададиз, рушаз |

Тарсuna муаллимди существительният, падежриз дегиши жедайла, кхъинринни сивий лугъунин арада авай тафаватлувилен аялрин фикир желб ийида, маса гафарихъ галаз алакъада авайла, актив ва талукъвилин падежра авай гафар чпин эхирап *гадад(ин) ктаб, школад(ин) багъ* куърув авуна лугъудайдал аялрин фикир авун чарасуз я.

*Существителнидин къадар.* Келзувайбуруз теквилин къадарда авай существительниди кылдин са затI (предмет) ва гзафвилин къадарда существительниди гзаф затIар (предметар) къалурзувайди чизва. Муаллимди суалрин куъмекдалди аялрин сифтегъан классрай авай и чирвилер тикрарда. Аялрив са шумуд теквилин къадарда авай существительное гзафвилин къадарда эцигиз тада. Месела: *мектеб — мектебар, куъче — куъчеяр, емии — емиишар, хуър — хуърер.*

Мисалар доскадал кхьида, аялрин фикир гзафвилиин къадарда авай существительнийрин эхиррал желбда. Нетижада ихтигин фикирдал къведа: Теквилин къадарда авай существительнийрихъ **-ар**, **-ер**, **-яр-**. Эхиррикай сад акална, гзафвилиин къадар арадиз гъида.

Существительнидиз гзафвилиин къадарда эхиррикай (**ар**, **ер**, **яр**) сад атун гафунин къурулушдилай: гафунин эхирда авай сесинилай, гафуна авай слогрин къадардилай, адан дибда авай ачух сесинилай аслу я [5]. Ихтигин алана чирвилер аялриз таблицадикай менфят къачуна ва гафар разбор авуна гуда.

Эпидиаскопдай экрандиз акъудда:

- ар** аял — аялар, марф — марфар, руш — рушар, ктаб — ктабар.
- ер** кІвач — кІвачер, кац — кацер, къуыл — къульер, цук — цуквер.
- яр** піни — пінияр, стха — стхаяр, парта — партаяр, буба — бубаяр.
- лар, -лер** дагъ — дагълар, сел — селлер, чуыл — чуыллар.

Гафар разбор ийида ва аялар ихтигин фикирдал къведа:

а) къвед *ва я гзаф слогрин, чеб ачух тушир сесиналди күтаягъ жезвай ва са слогдин, чин дибда а, у, сесер авай существительнийрихъ гзафвилиин къадарда -ар эхир алал жеда (гъал — гъалар, гъуд — гъутар);*

б) ачух сесиналди акъалтІзавай вири существительнийриз гзафвилиин къадарда **-яр** эхир къведа (*бубу — бубаяр, неки — некияр*);

в) дибда вилик жергедин сес авай са слогдин существительнийрихъ гзафвилиин къадарда **-ер** эхир акал жеда (*къеб — къенлер, векь — векъер*);

г) чеб маса чаларай атанвай са къадар существительнийрихъ гзафвилиин къадарда **-лар, -лер, -ияр** эхирар акал жеда (*дагъ — дагълар, сел — селлер, комбайн — комбайняр*).

Существительнидин къадаррикай аялрин чирвилер тикрарун ва алана чирвилер мягъкемарун патал жуъреба-жуъре тапшуругъар тешкилда: текстина ганвай существительнияр гзафвилиин къадарда эцигиз ва абурун эхирар гуъзетун; текст кхъин, скобкада авай существительнияр гзафвилиин къадарда

ва лазим тир падежда эцигна, кхъин; маса чIаларай атанвай существительнийрикай гзафвилин къадарда эцигна, кхъин ва мсб. Ихътин тапшуругъри кIелзавай аялрин къатIунар вилик тухуда, фагъум-фикир, чIал гегъеншарда.

### **Прилагательният чирун**

Прилагательнидикай чIалан паюникай хъиз сифте чирвилер 2-классда гузва. 4-классда прилагательнидикай программади ихътин чирвилер гун кIанаrzава: прилагательнийрин метлеб, къадарриз ва дибин падежриз дегиш хъун, прилагательнийрин эхирар дуъз кхъин. И классда прилагательнийрикай тухузвай вири тарсар аялриз алтай классрай чизвай материалдихъ галаз алақъаламишуни хъсан нетижаяр гуда. 4-классда прилагательният чирун ихътин къве месэладиз талукъарда: 1) прилагательнидин умуми метлеб ва адан грамматикадин лишанар; 2) прилагательният падежриз дегиш хъун ва абур дуъз кхъин.

И тема чирунин четинвал сифтени-сифте аялрин рахунар, чIал прилагательният ишлемешунин жигъетдай кесиб хъундикай ибарат я.

Прилагательният чирунин карда муаллимди ихътин илимда малум месэлаяр фикирда къун лазим я.

1. Прилагательнийри гъамиша затIар (существительният)  
лишанламишда, яни абуру затIунин лишан къалурда, абур анжак существительнидихъ галаз санал ишлемешда. Иллаки лезги чIала абур къилди ишлемешдач, къилди ишлемешуник кваз абур субстантивировать жеда, чеб существительнийриз элкъведа, яни существительнийриз хас тир вири лишанар (предложенида существительнидикай гъи член жедатIа гъам хъун, къадарриз, падежриз дегиш хъун, вичи затI, шей къалурун, существительнидин суалриз жаваб гун) акатда. ИкI предметламиш хъун паталай адахъ вичин маxсус форматарни (теквилин къадарда **-ди**, гзафвилин къадарда **-бур**) акал жеда. Анжак ихътин душушында ам къадарриз ва падежриз дегиш жеда.

Прилагательният падежиз теквилин къадарда II жуъредай, яни актив ва секинвилин I падежра сад хътин эхирар къабулна, гзафвилин къадарда I жуъредай дегиш жеда. И чавуз подлежащето тир существительное гъи числода хъайитIа, сказуемое тир прилагательнини гъа числода жеда. Месела: *И къче михъиди я. Чи хуърун къчеяр михъибур я.* Гъаниз килигна муаллимди аялриз прилагательнини существительнинихъ галаз сих алакъаяр ачухарун лазим я.

2. Морфология синтаксисдин бинедал алаз чиран лазим тирди фикирда къуна, прилагательнини синтаксисда (предложенида) къиле тухувтай везифаяр ачухарунихъ ва тайинаруннихъ къетIен метлеб ава. Предложенида прилагательнини къилин везифа определение хъунухъ я. Гзаф вахтара прилагательное вич глаголдихъ галаз ишлемишдайла, составной сказуемидин тIвар тир пай жеда.

Прилагательният предложенида авай маса гафарихъ галаз винелай аквадай са гъихътин ятIани маса къетIен форма (эхирар ва мсб.) къабулна алакъаламиш жедач, абур а гафарихъ галаз манадин жигъетдай алакъада жеда<sup>21</sup>. Ихътин дуьшушра прилагательнини вичи сифетламишзвай гафунин я падеждин, я къадардин формаяр къабулдач, яни кIусни дегиш тахъана теквилин къадардин асул падежда ишлемишда. Месела, *яру пайдах, яру пайдахди* ибайра *яру* определение-прилагательное вичи сифетламишзвай *пайдах, пайдахар, пайдахди* гафар дегиш жевватIани, вич дегиш тахъана, анжак теквилин къадардин асул падежда ишлемишнава. Им лезги чIала прилагательнинидин къилин лишан я. Аялри прилагательнийрикай къачувтай чирвилер предложенияр разбор авунин бинедал алаз къиле тухун важибу я.

3. Прилагательнийри рахунар, чIал гуърчегардайди фикирда къуна, муаллимди аялар прилагательният ишлемишиз вердишарунихъ еке метлеб ава. Гъавиляй муаллимди аялрин чIал девлетлуди, чIагайди хъуниз къетIен фикир гун лазим я. Гъаниз килигна муаллимди тайнин тир текстинин бинедал

---

<sup>21</sup> Р.И. Гайдаров. «Морфология лезгинского языка», Махачкала, 1987г.

алаз а чалан паюнин художественный чал гуърчегардай мумкинвилер ишлемиша.

Прилагательнидикай умуми малуматар гудай тарсuna муаллимди вичин вилик ихътин мурадар эцигда: 1) аялриз алттай классрай авай чирвилер тикрап хъувун; 2) прилагательнийрин метлеб, морфологиядин лишанар ва синтаксисда абурун везифаяр тайинариз чиран; 3) затIарин жуъреба-жуъре лишанар (дад, ери, лишан ва мсб.) къалурунин жигъетдай прилагательнияр къилдин кIватIалриз чара ийиз чиран; 4) существительнийрин грамматикадиз талукъ лишанар тикрапарун; 5) аялри рахунра прилагательнияр ишлемишиз вердишарун. Щийи тема Д. Ашурбековадин шиир анализ авунилай башламиша. Шиирдай *гъихътин?* суалдиз жаваб гудай жагъурда ва гафар гъи чалан паюник акатдатIа тайнарда.

Разбор авунин карда аялрин фикир Каспи гъульел михъи гъавадин шикил гъикI ганватIа, гъадал желб ийида, шаирди неинки гъава ва маса затIар гъакI къалурзавайди, абурун тIварар къазвайди, гъакIни вичин рикIин мурадар гъихътинбур ятIа, абурун лишанар, гузел шикилар чIугзвзвайтегъердал фикир мад сеферда желбда ва ва и шикил гуърчегарун патал *гъи?* *гъихътин?* суалриз жаваб гузвой гафарикай, яни прилагательнийрикай менфят къачузвайди къалурда. ИкI разбор авурдалай къулухъ прилагательное вуч ятIа, адан метлеб, чи рахунра адан везифаяр къейд авун асант жеда. «Чпи затIарин, шейэрин лишан къалурдай ва *гъи?* *гъихътин?* суалриз жаваб гудай гафариз прилагательнияр лугъуда». Ахпа затIарин лишанар къалурдайла, прилагательнияр абурухъ галаз сих алакъада жедайди, яни адап анжак шейинин затIунин лишан къалурдайди, затI галачиз прилагательниди вичи-вичиз са лишанин къалур тийидайди ачуҳарда. «Лишандикай къилди къачур лишандикай хъиз ваъ, затIунихъ галаз алакъалу лишандикай хъиз лугъун лазим я<sup>22</sup>». Художественный эсера эпитетрин эсерар тамамариз прилагательнийри чи рахунар гуърчегарда, гъиссерив ацIурда.

---

<sup>22</sup> В.О. Афанасьев. Методика русского языка в начальной школе. Учпедгиз, М., 1974, 98-чин.

Прилагательнийиз талукъ грамматикадин лишанар гъибурун ята къалурун патал предложенийра авай прилагательнийрин къадаринни падежрин формайрал аялрин фикир жедб авун бес я. Амма сифте аялриз прилагательнияр анжах кыилди авайла, чпиҳъ существительное галачирла, яни абур чеб предметламиш хъанвайла, дегиши жедайди чирда: *гүзел уъмуър, гегъени рекъер*. И ибараира существительнияр *уъмуър* теквилин къадарда, рекъер теквилин къадарда ава, амма прилагательнияр гъа са формада ава. Яни существительниихъ галайла, прилагательнияр я къадарриз, я падежриз дегиши жедач. Им къейд авурдалай къулухъ маса мисалар къачуда. *Са вахтар тир, гужлудаз кIанзавай нез ажузди (Б.С.) Мягъкембур я гъулдандилай жегъил матрос, капитан (Ш.-Э. М.) И предложенийра гужлудаказ, ажузди* прилагательнияр теквилин къадарда ва гунугинни асул падежра, **мягъкембур** гзафвилин гзафвилин къадарда ва асул падежда авайди тайинарда ва кыилди авайла прилагательнияр гъам къадарриз, гъам падежриз дегиши жедайдан фикирдал гъида.

И тема мягъкемарун паталкIелунин тарсара эсеррин винел гузетунар тухуда. И темадай ишлемишун патал хъсан материал и классда литературадай кIелзавай «Гъульувн шив», «Къванцин гада», «Шарвили» ва мсб. ква ва, чи гузетунри ва муаллимрин тежрибади къалурзавайвал, ихътин литературадин чIалан тарсар алакъаламишуни хъсан нетижаяр гузва. Прилагательнияр дегиши хъун алтатай тарс тикрат хъувун хъиз гуда.

Амма лезги чIала существительниихъ галачирла, прилагательнияр падежриз дегиши жеда лугъун шартI алаз фикирда къун лазим я. Кыилди ишлемишдайла, лезги чIалан прилагательнияр существительнийиз элкъведа. Идан гъакъиндай абур субстантировать жедайла, абуру къабулзвай маҳсус формантрини шагыидвалзана (-ди теквилин, -бур гзафвилин къадарда). Ихътин прилагательнияр падежриз дегиши хъун существительнияр падежриз дегиши хъунилай са куналдини тафаватлу туш. Гъаниз килигна учебный пособида прилагательнияр падежриз дегиши хъун ихътин жуъреда гунн меслятзана: «Лезги чIала прилагательнаяр, кыилди авайла,

существительнийрин метлебда ишлемишда. Ихътин дуьшушда абур, существительният хыз, падежиз дегиш жеда».

Прилагательният дувъз кхынин къайдаяр таблицадикай менфят къачуна чириз жеда: гзафвилин къадардин актив падежда ва гъадакай арадал къвевтай амай падежра –*p*-дилай вилик ва къулухъ у хвена кхъида.

Сад лагъай слогда ачухдиз уъ сесинин ван къведай прилагательният къве слогдани уъ гъарфуналди кхъидай къайдаяр аялриз IV классда чирда.

Падежар	Теквилин къадар	Гзафвилин къадар
Асул	чимиди	чимибур
Актив	чимида	чимибуру
Талукъвилин	чимидан	чимибурун
Гунугин	чимидаz	чимибуруз

Вири тема мягъкемарун ва тикрарун патал художественный эсера синонимрин, антонимрин винел тапшуругъар тешкилда. Ганвай прилагательнийриз синонимар, антонимар жагъурдай тапшуругъар гуда.

### ТіварцIиэвезар чиrun

Маса чалара хыз, лезги чалани чеб тIимил аватIани, ТіварцIиэвезрихъ ишлемишунал гъалтайла еке метлеб ava. Абур кхынрин, гъакIни рахунрин чала лап мукувал-мукувал ишлемишдай гафар я.

Муаллимдин вилик ТіварцIиэвезрикай затIар, лишанар, къадарар чеб къалур тийиз, абурун тIварар лугъун тийиз, анжак абуруз ишара ийидай ва абурун гъакъиндай суалар гун патхъай ишлемишдай гафарикай хыз чирвал гунин месэла акъвазнава. ТіварцIиэвезар существительнийрин, прилагательнийрин, числительнийрин чкадал ишлемишиз жедайдан аялар гъавурда тваз жеда, амма гъар са ТіварцIиэвезди са квез ятIани ишара ийидайди (затIунин еридиз, къадардиз) ва им кылини лишан тирди ачухарун важиблу я. И месэладив къадайвал сад лагъай тарсни түкIуьрда.

ТіварцІиэвэзрикай умуми малумат гун патал абурун лишанрин системадал кІвалах<sup>23</sup> тешкилун хийирлу я.

Фадамаз түкІуърнавай ва я хкяnavай мисалрин бинедал алаз умуми малуматар гуда. А мисалар ихътин къайдада хъун лазим я: сифте суалдин тІварцІиэвэзар квай предложение разбор ийида, ахпа къалурунин.

Муаллимди къве предложенияя түкІуърда, я художественный эсердай къачуда: сад лагъай предложенида подлежащее существительнидалди, къвед лагъайда кас къалурдай тІварцІиэвездадлди лагъанвайбур. Месела: Эхирдай умудсуз хъайи чакъал хуърун къерехда авай са кІвалин къавал акъатна ва сифте кам къачунмазди, ам гурмагъдай тIуз къурак квай куъпдиз аватна. (Ф.)

И сложный предложенида авай простой предложенияр гекъигна, аялри сад лагъай предложенида авай чакъал гафуни тайин предмет, гъайван къалурзавайди, адаz тІвар язавайди къейд ийида. Амма ам гурмагъдай тIуз къурак квай куъпдиз аватна предложенида ам гафуни затI вич къалурзавач, адан тІвар къазвач. Эгер и предложение мульку пай галачиз кІелайтІа ва я лагъайтІа, чаз ам тІварцІиэвездадлди вуч предмет къалурзватІа, рахун никай физватІа, чир жедач. Амма къве предложенинни санал лагъайла, сад лагъай предложенидин манадин бинедал алаз чавай къвед лагъай предложенида рахун физвай ам са гъихътин ятІани затІуниз талукъ тирди тайинариз жеда<sup>24</sup>.

Ихътин мисалар мадни гъида. Абурай аялриз существительнири тайин затІариз тІварар язавайди ва тІварцІиэвэри затІариз тІварар тагана, абур чеб лугъун тавуна, анжах са гъихътин ятІаниз затI авайди ишара ийизвайди аквада. Ахпа муаллим ихътин нетижадал къведа: чпи предметрин тІварар лугъун тийиз, анжах абуруз ишара ийидай гафариз тІварцІиэвэзар лугъуда. Идалай къулухъ тІварцІиэвэзар-прилагательнияр, яни лишанриз ишара ийидай тІварцІиэвэзар квай предложенияр разбор ийида.

<sup>23</sup> С. Ф. Жуков. Психология усвоения грамматики в начальных классах. Изд-во «Просвещение», М., 1964, 247-ч.

<sup>24</sup> Р.И. Гайдаров. «Морфология лезгинского языка», Махачкала, 1987г.

Тіварціїзвезрикай малуматар гайдалай күлухъ, кылди-кылди тіварціїзвезрин метлебдиз килигна жуъреяр чиранал элячІда: суалдин ва ксарин.

Сифте **ксарин тіварціїзвезар** чирда. Ксаринбурук акатзавай тіварціїзвезар гъибур ятІа, гъабур гъисабна, муаллим абурун метлеб ачухарунив эгечІда. И ківалах I ва 2 ксариз талукъ тіварціїзвезар разбор авунилай башламишда.

«*Я хва, вун ви гъавурда авайди яни? Накъ за ахтармишайла, бухгалтерди масакІа лугъузвай*», - лагъана *Магъмуд бубади*. (Г.М.)

И предложендай ксар къалурдай *вун*, за тіварціїзвезар чара ийида ва рахазвайди вуж ятІа, мисалдай аквазвайвал, *Магъмуд* тирди тайинарда. Ахпа ам нихъ элкъвена рахазватІа (*хва*), гъам тайинарда. Идалай күлухъ рахазвай касди за (зун) тіварціїзвездалди вичиз ишара ийизвайдииайинарда. Ахпа предложенида *Магъмуд бубадин* ва *хва тіварар* күн тавуна анжах *вун*, за тіварціїзвезар ишлемишайтІа, чун никай рахазватІа, гъавурда акъун мумкин тирни лагъана, суал эцигда. Гъелбетда, гъавурда гъатдашир. Яни *вун*, зун тіварціїзвезри затІарин, я ксарин тіварар лугъузвач, абуру анжах ксариз ишара ийизва. Гъар са рахазвай касдиз вичиз зун, нихъ элкъвена рахазватІа, гъадаз *вун* лугъуда, чни ксарин тіварціїзвезар сад лагъай касдиз ва 2 касдиз талукъ жеда. Абуру анжах инсанриз ишара ийида.

Ахпа кьетІен шартІара (махара, баснийра) ксарин тіварціїзвезар зун, *вун* гъайванриз ва чан алачир маса затІариз талукъ яз ишлемишдайди къалурда.

Месела:

*Каивай хабар күуна асланди:*

*«Эй гъайван! Акунрай вун лап чакай хъиз*

*Аквазва, ви жендер күвэз гъвечІи я акъван?»*

Идалай күлухъ ксарин тіварціїзвезар падежлиз дегиши хъун ва дульз кхъинин къайдаяр чирда. Ам ихътин таблицадин күмекдалди къалурда.

Падежар	Теквилин къадар	Гзафвилин къадар
Асул падеж	зун, вун, ам	чун, күн, абур
Актив падеж	за, вуна, ада	чна, күне, абуру
Талукъвилин падеж	зи, ви, адан	чи, кү, абурун
Гунугин падеж	заз, ваз, ада	чаз, квэз, абуруз

И таблицадай падежрин эхиррин винел гузетунартешкилна, тIварцIиэвэзар падежриз дегиш хуунин къетIенвилерикай вывод ийида ва падежрин эхирар дуьз кхьиз чирда: 1) *вун, күн, чун* тIварцIиэвэзар I жуьредай дегиш жеда, яни актив ва секинвилин I падежриз къилди-къилди эхирар жеда; 2) I ва II ксариз талукъ тIварцIиэвэзар, талукъвилин падеж актив падеждикай тахъана, къетIен жуьреда арадиз къведа (*за, чна, күнне, амма зи, чи, кү*); 3) З-касдиз талукъ *ам, абур* тIварцIиэвэзар прилагательният хьиз дегиш жеда; 4) *зун* тIварцIиэвэздин актив ва секинвилин I падежар сад жеда<sup>25</sup>.

**Суалдин тIварцIиэвэзар** аялриз практикадин рекъяй чизва. Амма абуруз суалдин тIварцIиэвэзар предложенида алакъа патал ишлемишдайла, абурукай алакъадинбур жедайди чирун четин я. Гъаниз килигна сифте суалдин тIварцIиэвэзар рикIел хкида *вуж? гъи? шумуд?* Абур мисалра – предложенийира гуда.

- 1) Буба вуж я? Лугъуз тежедайди. Диде вуж я? Къалуз тежедайди (Ф.)
- 2) «Вуч хабар я?» - жузуна Масан мумади (Р.Гъ.)
- 3) «АкI ятIа гафар гъахъбур я хьи!» - мягътел хъана Масан мума. «Гъи гафар» - жузуна за. (Р.Гъ.)
- 4) Куль классда шумуд аял ава?

*Вуж?* тIварцIиэвэз анжах инсанриз, *вуч?* Инсан квачиз амай вири затIариз талукъ тирдини предложенияр разбор ийидайла, къалурда.

Суалдиз тIварцIиэвэзар падежриз дегиш хъун аялриз чизва, абур падежрин суалар я, анжах *вуж? вуч?* тIварцIиэвэзар гзафвилин къадарда падежриз дегиш тежедайди лугъуда.

ТIварцIиэвэзар чIала ишлемишунин четинвал, къетIенвилер фикирда къуна, гъам грамматикадин, гъам дуьз кхъинин, гъам чIал гегъеншарунин тапшуругъар квай упражненийрин къадарартухарун меслятзава. Учебный пособида ганвай упражненияр и мурад кылиз акъудун патал бес туш. Гъаниз

---

<sup>25</sup> Р.И. Гайдаров. «Морфология лезгинского языка», Махачкала, 1987г.

килигна и темадин эхирдай ам мягъкемарун патал ихтиин жуърейрин упражненияр меслят къалурзава.

1. Текст анализ авуна, ана гъалтзавай тIварцIиэвезар чара авун ва метлебдиз килигна абур кIватIалриз паюн;
2. ТIварцIиэвезар дувз ишлемишун къалурун патал текст анализ авун;
3. Тикрап жезвай существительнияр, прилагательныйяр, числительныйяр тIварцIиэвэзралди эвэз авун;
4. Ксарин тIварцIиэвезар дегишарун;
5. I-касдиз талукъ тIварцIиэвезар 3-касдиз талукъарнавайбураалди ва 3-касдиз талукъбур I-касдинбураал эвездай тектерай изложенияр кхьин;
6. Аялрин рахунра тIварцIиэвезар дувз ишлемишун.

### Глагол чиrun

Лезги чалан грамматика дериндай чиrun, аялрин чал гегъеншарун, аялривай чпин рахунра гафар дувз ишлемишиз, предложенияр түкIуьриз, савадлуз, гъалатIар квачиз кхьиз вердишарун патал глаголдихъ зурба метлеб ава. Иниз килигна глагол чиrunиз школада гзаф вахт харжни ийизва.

Аялриз глаголдикай дерин ва ъавурдик квай чирвилер гун патал муаллимди адан гъар са темадин методика фадамаз фагъумун лазим я. IV классда аялар глаголдин асул формадихъ, глаголдин асул форма падежриз дегиш хъунихъ, асул формада авай глаголрин эхирар дувз кхьинин къайдайрихъ, глаголдин мурадвилин ва инкарвилин формайрихъ ва куьмекчи глаголрихъ галаз танишарда.

**Глаголдин асул формадиз** литературада ва школаял патал учебный пособийра гагъ асул, гагъ тIварцIин формани лугъузва. П.К. Услара вичин «Куъре чал» ктабда ва Л. И. Жиркова<sup>26</sup> вичин «Лезги чалан грамматикада» асул форма лугъузва.

Глаголдин асул формади кар, гъерекат кыле физвай, затI авай гъал къалурда, абур мус жезватIа, вахт, тамамарзавай кас, а гъерекатдихъ галаз рахазвайдан

<sup>26</sup> Л.И. Жирков. Грамматика лезгинского языка. Махачкала, 1941, 89-стр.

рафтарвал къалурдач, яни и формади гъерекатдиз, гъалдиз анжах тъвар яда. Глаголдин асул формади *вуч авун?* *вуч хъун?* суалриз жаваб гуда, ва ам –н суффиксдин күймекдалдиарадиз къведа: *кIелун*, *фин.* Анжах бязи простойбур абурун сифте кыиле авайачух тушир сес тикрар хъхьана арадиз къведа: *фи-и-ин, хъу-н-ухъ.*

Глаголдин асул форма вичин хесетрал гъалтайла, существительнидиз ухшар я: существительнияр хъиз ам къадарриз ва падежриз дегиш жеда ва предложенида ада подлежащидин, къвед лагъай дережадин членрин ва составной сказуемидин везифаяр тамамарда. Месела: *КIелун виридаз герек я. КIелуни инсандин вилер ачух ийида. Чи мурад кIелун я. КIелункай чаз гзаф менфят ава. Къе чна гзаф кхъинар авуна.*

Глаголдин асул формади и хесет фикирда къуна, *финиф*, *хъунухъ* хътин глаголризЛ. И. Жиркова глаголдикай хъанвайсуществительнияр лугъузва. И форма I жуъредай падежриз дегиш жеда:

### **Глаголдин асул форма падежриз дегиш хъун**

Падежар	Теквилин къадар	Гзафвилин къадар
Асул	тъун, кIелун	тъуна, кIелунар
Актив	тъуни, кIелуни	тъунри, кIелунри
Талукъилин	тъунин, кIелунин	тъунрин, кIелунрин
Гунугин	тъуниз, кIелуниз	тъунриз, кIелунриз

Гзафвилин къадарда асул форма падежриз дегиш жедайла эхирдик квай (-ар) а гадар жеда.

Глагодин асул формадикай чирвилер гудай тарс предложенияр разбор авуна, ана и формади предложенида кыиле тухувай везифаяр тайинарна, ада вахт, ксар къалурзавани-авачни гүзетда, кыиле физвай вахт, ам тамамарзавай кас къалур тийизвайди тайинарда. Месела: *Къиникъни хунух дульядин адем я* предложенидай *къиникъ*, *хунух* глаголар чара ийида, ахпа аялривай и глаголдин вахт къалурзвани-авачни хабар къада. Гъелбетда, абуру кар кыиле физвай вахтунин жигъетдай затIни лугъузвач. Ахпа и предложенида къиникъни хунух глаголralди лагъайнвай гъерекат кыиле тухувайди рахазвайдахъ галаз алакъалу яз къалур тийизвайди лугъуда: я рахазвай кас

вич туш, я ам нихъ галаз рахазват<sup>Ia</sup>, гъам туш, я инал алай ва я алачир пуд лагъай кас туш. И глаголди анжах кардиз, гъерекатдиз, зат<sup>I</sup> авай гъалдиз т<sup>I</sup>вар язава.

Предложенияр разбор ийидайла, асул формада авай глаголрал суалар эцигна, абуру *вуч авун? вуч хъун?* суалриз жаваб гузвойди тайинарда. А глаголар жуъреба-жуъре падежра авайди, абур гъи падежар ят<sup>Ia</sup>, тайинарна, глаголдин асул форма падежриз дегиш жедайди къалурда, яни существительнидиз ухшар тирди къейд ийида. Гъа ик<sup>I</sup> аялар глаголдин асул формадин ктабда ганвай тарифдал гъида: «Глаголдин асул форма глаголдин существительнидиз ухшар тир, вичи я вахт, я кас, я наклонение къалур тийидай *вуч авун? вуч хъун?* сулриз жаваб гудай формадиз лугъуда».

Идалай къулухъ масдардин түк<sup>I</sup>уър хъунал эляч<sup>I</sup>да. Мисалрай асул формада авай глаголар къилди кхъида. А гафар чпин түк<sup>I</sup>уър хъуниз разбор авуна –ун глаголдин асул формадин суффикс тирди къалурда, ахпа, месела, **къиникъ, хунух** гафара эхирда дувулдин сифте кыле авай паяр тикрап хъжезвайди къалурда. Идалай къулухъ дувулдик жуъреба-жуъре ачух сесер квай глаголрай (**хъун, гатун, фин**) асул формадин суффиксдиз мад гъихътин сесер къвзвват<sup>Ia</sup>, ахтармишна нетижа хкудда: глаголдин асул формадиз **н** суффикс жедай бязи вахтара масдар, кыле авай ачух тушир сесер эхирда тикрап хъана, арадал къведа<sup>27</sup>.

И тема мягъкемарун патал неинки са формайра авай глаголар масдар формада эцигунин, гъак<sup>I</sup>ни предложенида адан везифаяр тайинардай тапшуругъар тухуда.

**Глаголдин мурадвилин форма.** Школаяр патал программади глаголдин мурадвилин форма чирун къалурзава. Амма учебный пособийра и форма чара авунвач. Идан себеб чалакай илимда сад хъиз фикирар тахъун я. Ик<sup>I</sup> П.К. Услара, М.М. Гъажиева, Б. Б. Талибова мурадвилин форма, У.А. Мейлановади мурадвилин наклонение чара ийизва<sup>28</sup>. Р. И. Гъайдарова

<sup>27</sup> Л.И. Жирков. Грамматика лезгинского языка. Махачкала, 1941, 89-стр.

<sup>28</sup> И алимрин винидихъ т<sup>I</sup>вар къур ктабра.

мурадвилин формани деепричастие чара тавуна санал гузва<sup>29</sup>. Амма педучилище патал учебника<sup>30</sup> абур неинки чара-чараз, гъакIни абурун арада авай тафават къалурна, мурадвилин формани деепричастие къилди-къилдин категорияр тирди къалурзава. Л.И. Жиркова ам анжах деепричастие яз гузва.

М.М. Гъажиева гъам мурадвилин форма, гъамни деепричастие къилди гузва, амма ада абурун арада авай тафаватлувал тайинарзавач.

Г.В. Топуриади<sup>31</sup> я мурадвилин форма, я деепричастие къилди гузвач, ада им глаголдин дибикай сад яз чара авуна адан метлеб ачухариз чалишмиш жезва.

Инай аквазвайвал, лезги чала глаголдин мурадвилин формани деепричастие чpin дерин ахтармишунгувзлемишзавай месэлайяр я.

Глаголдин мурадвилин формади маса глаголдалди лагъанвай кардин, гъерекатдин мурад, себеб ва я а кардихъ галаз санал къилн физвай маса кар, гъерекат къалурда.

Мурадвилин форма дегиш тежедай, глаголдин маса формаяр арадал гъизвай дибрикай сад я. Адакай вахтунин формаярни арадиз къведа. Предложенида адакай мураддин обстоятельство, составной сказуемидин пай жеда.

Глаголдин мурадвилин форма –з суффиксди арадиз гъида. Гзаф душушьра и суффикс ачух сесер галаз жеда: (-аз, -ез, -уз, -уъз). Суффиксда и ачух сесерикай гъим гъи душушьда къведатIа, гзаф вахтара дувулда авай ачух сесерилай аслу я, яни ачухбурун чеб-чпихъ галаз къунин закон майдандиз акъатзава.

Глаголдин мурадвилин формадин метлебни предложение разбор авуна, ачухарда. Месела: «Жейран, куынра икъван гагъда масадавай гафунал тухуз тахъай жейран авалда. Зун адахъ галаз гъульжетариз атанвайди я», лагъана севре. (Ф.)

<sup>29</sup> Р. Гайдаров. Ахтынский диалект лезгинского языка. Дагучпедгиз, Махачкала, 1961.

<sup>30</sup> Г.И. Магомедов. Лезги чал. Педучилище патал учебник, Дагучпедгиз, Махачкала, 1984.

<sup>31</sup> Г.В. Топуриа. Основные морфологические категории лезгинского языка. Изд-во АН Груз. ССР, Тбилиси, 1959.

Зун адахъ галаз гъувъжетариз атанвайди я предложение разбор ийида: вуч авунвайди я? (*атанвайди я*), вуч мураддалди атанвайди я? (*гъувъжетариз*). ИкI гъувъжетариз глаголди кардин гъерекатдин и предложенида *атанвайди я* глаголдин мурад къалурзавайди ачухарда. Ахпа гъувъжетариз глаголди къалурзавай кар, гъерекат предложенида къилин глаголди (*атанвайди я*) къалурзавай кардихъ, гъерекатдихъ галаз санал, гъа са вахтунда къиле физвайди къалурда.

Идалай къулухъ аялар мурадвилин формадин метлебдал гъида: «Маса глаголдалди лагъанвай кардин, гъерекатдин, гъалдин мурад, себеб ва я гъа кардихъ галаз санал къиле физвай маса кар, гъерекат, гъал къалурдай глаголдин формадиз мурадвилин форма лугъуда».

Гъа и предложенида авай *гъувъжетариз* глаголдин винел гуъзлемишунар тешкилна, глаголдин мурадвилин форма я вахтари, я къадарриз, я наклоненийриз, я ксариз дегиши тежедайди я. Ахпа мурадвилин форма арадиз атун чирунал элячIда ва адап дибдикай бязи маса формаяр түкIуър жедайди ихътин таблицадай къалурда:

Асул форма	Адан суффикс	Мурадвилин формадин суффикс	Мурадвилин форма
Къачун	-ун	-уз	къачуз
Фин	-н	-з	физ
Хуль	-уль	-ульз	хульз
гатун	-ун	-аз	гатаз

Мурадвилин формадикай арадиз къведай маса формаяр аялрин вилик алатай тарсарай чизва. И тема кIелдайла, абур анжах тикрап хъийида ва къайдада твада.

**Глаголдин инкарвилин формаляр лезги чIала д, т (та, те, ту, тув)** префиксрие куъмекдалди арадиз къведа. Месела: **фин-тефин, гун-тагун, къин-декъин, авун-тавун** ва масабур.

Префиксрилай гъейри, инкарвилин формаляр арадал атун патал куъмекчи глаголрин инкарвилин формани ишлемишка: **хъуль-тавун**. Анжах префиксрин куъмекдалди инкарвилин формаляр тIварцIин, мурадвилин формайрикай жеда.

Гилан, къвемай, акъалтай алатай вахтарикий –ч суффиксдин, чин эхирда яргъалди чугур а авай, кхъинра й гъарфуналди къалурдай глаголрикий –чир суффиксдин куьмекдалди инкарвилин формаяр жеда. Месела:

фена – фена + ч	физвай – физва +чир
фида – фида + ч	фидай – фид + чир
физва – физва +ч	фенай – фена + чир
фенва – фенва + ч	фенвай – фенва +чир

Амма –чир суффиксдин вилик квай й сес квахъда.

Масдардин дибдикай –ч суффиксдин куьмекдалди арадиз инкарвилин формадин глаголриз умуни инкарвилелай гъейри, мад шартIунин, гиманлувилин, хъайи кардин гъайифвилин метлебни жеда. Гзаф вахтара абур междометияр (**хъи!** **гъя!**) галаз ишлемишда. Месела: **фенч,** **лагъанч,** **акъатанч** ва мсб.

Школада анжах учебный пособида ганвай глаголдин инкарвилин формаяр чирда. Ам вахтарин формайра авай кылди-кылди глаголар түкIуър хуниз разбор авунин къайдада чирда. Доскадал гилан, къвемай, акъалтай алатай формайра авай глаголар кхъида ва къаншарда абурун инкарвилин формаяр кхъида. Месела:

кхъизва + ч	кхъизвач
кхъизма + ч	кхъизмач
кхъена + ч	кхъенач
кхъенва + ч	кхъенвач
кхъениа + ч	кхъенмач
кхъида + ч	кхъидач

Акъалтай алатай вахтунин формадикай префиксрин куьмекдалди инкарвилин форма арадал къведайдини икI къалурда. Месела: **фея – тефея,** **къура – такъура** ва мсб. Амай вахтарикий суффикс –чир акал хъана инкарвилин формаяр арадал къведайдини мисалрин куьмекдалди къалурда.

Месела: **кхъеначир, кхъенмачир, кхъидачир** ва мсб. Эхирдай вири тема ихътин таблицадалди умумиламишда.

Глаголар	Суффиксар	Префиксар	Инкарвилин глаголар
Кхъизва	ч	-	кхъизвач
Кхъизма	ч	-	кхъизмач
Кхъида	ч	-	кхъидач
Кхъиди	ч	-	кхъидич
Кхъена	ч	-	кхъенач
Кхъенва	ч	-	кхъенвач
Кхъенма	ч	-	кхъенмач
Фея, гая	ч	T- (те, та, ту, тув)	тефея, тагая
Туъра, турा			туътуъра, тутура
Кхъенай	-чир		кхъеначир
Кхъенвай	-чир		кхъенвачир
Кхъенмай	-чир		кхъенмачир
Кхъизвай	-чир		кхъизвачир
Кхъизмай	-чир		кхъизмачир
кхъидай	-чир		кхъидачир

Глаголдин вири вахтар ва абурун инкарвилин формаяр мягъкемарун патал, вахтарин формаярадал атунин таблица гуда. Ахътин таблица учебникра ава, амма аялтив а таблицада авай глаголар масабурал эvez авун тапшурмишда.

Вахтарин формаяр глаголдиз гзаф хъуниз килигна ва бязи вахтарин метлебар (месела, давамлу ва фад алатай вахтарин) чеб-чпивай чара авун аялтиз четин хъун фикирда къуна, муаллимди еке фикир и тема неинки гъар са вахтунин метлеб ачуҳардай тарсара, гъакIни эхирдай мягъкемардай тапшуругъриз гун чарасуз я. А тапшуругъар чна тарсара ихътинбур тешкилун месятзава:

1. Текстинай глаголар жагъурун, абурун метлебар ва вахтар тайинарун.
2. Текстинай глаголрин вахтарин формаяр тайинарун.
3. Кылди-кылди глаголар вахтарин формайра эцигун.
4. Инкарвилин суффиксар кухтах кхъидай тапшуругъар.
5. Скобкойра ганвай күмекчи глаголар (**ава, ама**) кухтаз вахтарин формаяр, предложенияр туткIутрун.
6. Гъавурда твадай ва предупредительный диктантар кхъин.

7. Глаголдин алатай вахтарин эхирар дуъз лгъунин ва кхьинин винел тапшуругъар.

8. Глаголдин вахтарин формаяр дуъз ишлемишун мягъкемарун патал изложение.

**Къумекчи глаголар.** Са къадар глаголрихъ чеб къилди къачурла, тайин тир са мана-метлеб жедач, абуру гъерекатар ва я гъалар къалурдач. Абуру цийи глаголар, формаяр арадиз гъунин ва я предложенида гафар чеб-чпихъ галаз алакъада тунин карда иштиракда. Ихътин, чпи тайин тир мана-метлеб авачир, чеб цийи глагола рва я абурун жуъреба-жуъре формаяр арадиз гъун патал ва я предложенидин членрин арада алакъа тун патал ишлемишзавай глаголиз къумекчи глаголар лугъуда. Л.И. Жиркова цусад къумекчи глагол къалурзава: *авун, хъун, ала, ава, гала, гва, ква, ама, я, тир, да*. Ибурукай Л. И. Жиркова къумекчи глагол я лугъузвой –да М.М. Гъажиева глаголдинни тіварцін арадал алай, глаолдихъ гзаф ялзавай гафар арадал гъун патал ишлемишзавай алакъачи гаф тирдитестикъарзава<sup>32</sup>. Г.В. Топуриадини Р.И. Гъайдарова –да алакъачи глагол тирди ва ана авай д сес грамматический класс къалурдай куыгъне формант тирди лугъузва<sup>33</sup>. Школадин учебный пособийра –да ерли къумекчи глаголрин арада къалурнавач. И карда бязи глаголар арадал атун ачухаруниз манийвал гуда. Гъаниз килигна и къумекчини школада чирун чна меслят къалурзава. Чала чпин тамамарзвой везифайрал гъалтайла, къумекчи глаголарса шумуд чкадал пай жеда:

1. Глаголар **авун** ва **хъун**. И къумекчи глаголар бязи вахтара маналу глаголар хъиз ишлемишда ва предложенида абурукай и душушьшда сказуемое жеда. Месела: *Стхади вичиз кІвалер авуна. Адакай инженер хъана*.

И глаголри цийи глаголар ради гъида: *кІелун – кІел + авун – кІел + ун; кІвалахун – кІвалах + авун – кІвалах + ун; чими хъун, яру хъун*.

<sup>32</sup> М.М. Гъажиев. Винидихъ тівар къур ктаб. 48-чин.

<sup>33</sup> Г.В. Топуриа. Основные морфологические категории лезгинского языка. (По данным кюринского диалекта). Изд-во АН Грузинской ССР. Тбилиси, 1959, 122-чин.

Абуруз, маналу глаголиз хъиз, вири грамматический формаяр жеда: вахт, тІварцІн, мурадвилин, инкарвилин формаяр. **Авун** күмекчи глаголди вич галаз ишлемишзавай глаголдикайкечмиш жериidi ийида, **хъун** күмекчилихъ галай маналу глагол гъамиша кечмиш тежерди жеда. Г. В. Тапуаридинни Б.Б. Талибован фикирдалди<sup>34</sup>, им **авун** ва **хъун** глаголрин чпин хесетрилай аслу я, яни **авун** гъамиша кечмиш жериidi, **хъун** – тежерди я.

2. Глаголар **ава, ала, ама, гала, гва, ква, кума**. Абурукай –вал суффикс акал хъанасуществительнияр жеда: **авайвал** ва икІ мад.

**Ава, ама** күмекчи глаголрин күмекдалди глаголрин формаяр арадиз къведа: **нез + ава – незва, нез + ама – незама**.

**Авун** глагол хъиз, **ава, ама** күмекчиярни маса глаголрин формаяр арадал гъидайла, лап куьруь жеда ва вилик квай глаголдихъ галаз адан суффикс – кІус хъиз сад жеда.

Рахазвай макъамда къиле физвай кардин нетижа къалурун патал **ава, ама** глаголар амай вири тамамсуз күмекчийрин мурадвилин формайрихъ галаз сад жеда: **авазва (аваз+ава), алазва (алаз+ава)** ва мсб.

И күмекчи глаголиз чпин метлебар жеда. ИкІ, **ала** глаголди затІ, шейса куьнин винел, **гва** глаголдин патав, **ква** глаголдин – кІаник, **гала** глаголдин – къулухъ, **ама** глаголди – амайди къалурда. Ава глаголдиз затІ гъам маса затІунин къене хъунин, гъакІничка тайин къалур тавунин метлеб ава.

Л.И. Жиркова **ава** глаголдин и къве метлебдикай анжах сад (маса затІунин къене) къалурзава<sup>35</sup>. Г.В. Тобуриади, акси яз, и глаголдин чка тайин къалур тавунин метлеб къейд ийизва<sup>36</sup>. Гъа и ктабда Г.В. Тобуриади **ава, ама, ала** глаголар простойбур, **гва, ква, гала** превербрин күмекдалди түкІуьр хъанвай сложный глаголар тирди тестикъарзава.

<sup>34</sup> Г.В. Топуриа. Винидихъ тІвар къур ктаб I23-чин.

<sup>35</sup> Л. И. Жирков. Грамматика лезгинского языка. Махачкала, 1941, 89-чин.

<sup>36</sup> Г.В. Топуриа. Основные морфологические категории лезгинского языка. (По данным кюринского диалекта). Изд-во АН Грузинской ССР. Тбилиси, 1959, I22-чин.

Глаголар **я**, **түш**, **тир**. И күмекчи глаголрин везифа предложенида подлежащины сказуемое алакъаламишун я. Месела: *Ватан чан я инсандин; Ватан, шаксуз, женнет я; Ватан руъгъ я чи чандин. (Х.Т.) Ам хъсан юлдаш тир. Адаз гъич садраны масадаз зиян хъана кIандайди тушир.*

И глаголриз алакъачи глаголар лугъуда. Алакъачи глаголрикай кыилди сказуемое ва предложенидин маса член жедач. Чин дегиши хъунал гъалтайла, абуруз анжах са шумуд форма жеда: я – яз, ят $Ia$ , ят $Iani$ , яни? Тир – тирт $Ia$ , тирт $Iani$ , тирни? Түш – тушир, туширт $Ia$ , тушиз.

Чиз кыилди ишлемишдайла метлеб авачир, чпи маса глаголар арадал гъизвай ва подлежащидинни сказемидин арада алакъа тун патал ишлемишдай глаголриз күмекчи глаголар лугъуда.

Талукъ тир тапшуругърин күмекдалди и тема мягъкемарайдалай къулухъ, муаллимди предложенияр разбор ийида ва күмекчи глаголар гъам кыилди ишлемишдайди, гъам абуру цийи глагол арадал гъидайди къалурда.

*Месела: Къеңел исятда гъава гзаф секин тир. Селим хъсан гада я.* И предложениира **тир**, **я** гафар кыилди ишлемиш тийидайди, абуру **гъава секин** (подлежащины, сказуемое) **Селим ва гада** гафар (подлежащины сказуемое) алакъаламишзавайди ачухарда.

Күмекчи глаголрин мана-метлебар ачухарун абуруз талукъ таблицадин винел гүзетунар тешкилна кыле тухвайт $Ia$  хъсан нетижаяр гуда. Глаголдикай чирвилерни вердишвилер мягъкемарун патал жуъреба-жуъре тапшуругъар кыле тухуда. Амма абурун арада аялрин чал гегъеншардай тапшуругъри килин чка къада, вучиз лагъайт $Ia$ , лезги чала предложение тешкилунин карда глаголди килин чка къазва, ам метлеблу я.

# ТАРСАРИН ГЪАЗУРУНИН ПЛАНАР

## 1-ТАРС

**Тарсунин тема:** Гаф. Предложение. Текст (тикрагун).

**Мурад-метлеб:** алтаян классра гафуникай, предложенидикай ва текстиникай кіелай материал тиқрагун; гафарин винел ківалах тухун; гафар сивяй дүз акъуддай вердишвилер кутун ва гөгөншарун; Чалал рикіл алаң вердишарун.

**Тадаракар:** интерактивный доска, 4-классдин «Лезги чал» ктаб.

### Тарсунин финиф

#### I. Тарс тешкилун.

-Аялар, 4-классда чна лезги чалай чирвилер къачунин ківалах давамарда.

(Муаллимди аялар 4-классдин «Лезги чал» ктабдихъ галаз танишарда.)

#### II. Гафарин диктант тухун.

(Четин гафарин мана муаллимди ачухарда.)

Меслят, меркез, хаталу, тапшуругъ, гъикая, яшлу, зарбдиз, магъар, гъелер, магъара, уълкве, чим.

#### III. Чирвилерин важиблувал (актуализация).

- Аялар, гъарфар квекай ибарат я?

-Гафар квекай ибарат я?

-Сесеринни гъарфарин арада гъихътин тафават ава?

-Предложенияр квекай ибарат я?

-Текст квекай ибарат я?

-Лезги чала туъкъуър хъанвай шумуд гъарф ава?

#### IV. Аялар цийи тарс къатынан гъазурин.

Яңу ктаб, хъили пеш, чыру ич, дидедин гъилер, рехи чарар.

-Аялар доскадал алай гафарин жүтериз килиг. Жүтера ганвай гафарин арада вуч тафават ава?

-Квездиз, чун къе тарсунан квекай рахада?

#### V. Тарсунин темадай ківалах.

## **Ктабдай кІвалах.**

*1,3-тапшуругъар (5-чин). (Тапшуругъар тамамардайла, аялрин фикир туыкIуыр хъанвай гъарфарал, гафара авай сесеринни гъарфарин къадардал желб ийида.)*

## **VI. Физкультминутка.**

## **VII. Тарсунин темадай кІвалах давамарун.**

*2-тапшуругъ (5-чин).*

*14-тапшуругъ (8-чин). (14-тапшуругъ тамамардайла, аялрин фикир манаметлебдиз килигна предложенийрин жуыреяр тайинарда.)*

## **VIII. Цийи тарс мягъкемарун.**

I. Цийи тарс мягъкемардай тапшуругъар тамамарун.

*4-тапшуругъ (5-чин). (Слогрикай гафар туыкIуырна кхында. Цийи гафар кваз пуд предложение туыкIуырда).*

## **VIII. Рефлексия.**

-Доскадал ганвай гафариқай лабиал сесер квай гафар са столбикда, квачирбур маса столбиқда кхыхъ.

*Дүствал, инсан, чуьхвер, машмаш, шалвар, пIини, хват, хъвехъ, чувал, эквер, гъанва, сувар, тIвал, атун, легъв, цваз, къвал, ахвар, аваз, варар, мукъвал.*

*(Аялри чин кІвалахдиз къимет гуда.)*

## **IX. Тарсунин нетижаяр къун.**

-Аялар, чун къе тарсuna квекай рахана?

-Квез тарсuna цийи вуч чир хъана?

## **X. КІвализ кІвалах гун.**

*16-тапшуругъ (8-чин) – суалриз жавабар це ва тетрадра кхыхъ.*

*23-тапшуругъ (10-чин) – «Зул» къил гана сочинение кхыхъ.*

## **2-ТАРС**

**Тарсунин тема:** Сесер ва гъарфар (тикрагун).

**Мурад-метлеб:** алатай классра сесерикай ва гъарфариқай келей материал тикрагун; лабиал сесер ва туыкIуыр хъанвай гъарфар квай гафарин винел

ківалах давамарун; гафар дегиши хъайила, дибда авай ачух сесер дегиши жедай ва абур арадай акъатдай дүшшуашар тикрап хъувун; лабиал сесер ва туыкIуыр хъанвай гъарфар квай гафар сивай дүз акъуддай вердишвилер кутун ва гегъеншарун; чIалал рикI алаз вердишарун.

**Тадаракар:** интерактивный доска, 4-классдин «Лезги чIал» ктаб.

## Тарсунин финиф

### I. Тарс тешкилун.

-Аялар, 4-классда чна лезги чIалай чирвилер къачунин ківалах давамарда.

(Муаллимди аялар 4-классдин «Лезги чIал» ктабдихъ галаз танишарда.)

### II. Гафарин диктант тухун.

(Четин гафарин мана муаллимди ачухарда.)

Алим, илим, гъахъ, азаддиз, активилелди, буза, вик, гафарган, ягълу, мяден, мидя, игри.

### III. Чирвилерин важиблувал (актуализация).

-Аялар, гафар квекай ибарат я?

-Сесеринни гъарфарин арада гъихътин тафават ава?

-Квез лабиал сесерикай вуч чида?

-Нивай лабиал сесер квай гафарин мисалар гъиз жеда?

-Лезги чIала туыкIуыр хъанвай шумуд гъарф ава?

### IV. Аялар цIийи тарс къатIуниз гъазурун.

Тар-твар, къал-къвал, кар-квар, тIал-тIвал.

-Аялар доскадал алай гафарин жуьтериз килиг. Жуьтера ганвай гафарин арада вуч тафават ава?

-Квез чиз, чун къе тарсuna квекай рапада? (Сесерикай ва гъарфарикай, лабиал сесер квай гафарикай, туыкIуыр хъанвай гъарфарикай.)

### V. Тарсунин темадай ківалах.

Ктабдай ківалах.

25,26-тапшуругъар (10-чин). (Тапшуругъар тамамардайла, аялрин фикир туъкIуър хъанвай гъарфарал, гафара авай сесеринни гъарфарин къадардал желб ийида.)

## **VI. Физкультминутка.**

## **VII. Тарсунин темадай кIалах давамарун.**

27-тапшуругъ (11-чин).

28-тапшуругъ (11-чин), (тапшуругъ тамамардайла, аялрин фикир гъарфарин къетIенвилиерикай ракада).

## **VIII. Щийи тарс мягъемарун.**

1. Щийи тарс мягъемардай тапшуругъар тамамарун.

30-тапшуругъ (12-чин). (Тапшуругъ тамамардайла, аялрин фикир ачух ва ачух тушир сесерал желб ийида)

## **VIII. Рефлексия.**

-Доскадал ганвай гафарикий лабиал сесер квай гафар са столбикда, квачирбур маса столбикда кхъихъ.

*Дуствал, инсан, чуъхвер, машмаш, шалвар, пIини, хват, хъвехъ, чувал, эквер, гъанва, сувар, тIвал, атун, легъв, цваз, къвал, ахвар, аваз, варар, мукъвал.*

(Аялри чин кIалахдиз къимет гуда.)

## **IX. Тарсунин нетижаяр къун.**

-Аялар, чун къе тарсuna квекай ракана?

-Кvez тарсuna щийи вуч чир хъана?

## **X. КIвализ кIалах гун.**

32-тапшуругъ (12-чин) – чин къурлушидик вири туъкIуър хъанвай гъарфар квай гафар тетрадра кхъихъ.

## **3-ТАРС**

**Тарсунин тема:** Гафунин къатI маса цIарцIиз акъудун (тикрагун).

**Мурад-метлеб:** алтаяй классра слогдикай кIелай материал тикрагун; гафунин къатI маса цIарцIиз акъуддай къайдайрихъ галаз танишарун; лабиал

сесер квай гафар са цIарцIяй мулькуь цIарцIиз акъуддай вердишвилер кутун ва гегъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

### II. КIвалин кIвалах ахтармишун.

32-тапшуругъ (12-чин).

### III. Гафарин диктант тухун.

(*Четин гафарин мана муаллимди ачухарда.*)

Менфятылу, шагварди, меслятвал, хъалхъам, гъуърметун, сабурлувиелди, меслятвал, къезилдиз, тIямлу, къуватлу, яшлуди, балугъчи, берекатлу.

### IV. Чирвилерин важиблувал (актуализация).

-Аялар, чавай гафар квез пайиз жеда?

-Слог квез лугъуда?

### V. Аялар цIийи тарс къатПуниз гъазурун.

*Къалин, гуърчег, там, шагварди, гъуърметун, викIегъвал, ацуказава.*

-Аялар доскадал алай гафариз килиг. Вири гафара сад хътин слогар авани?

-Квез чиз, гафуна авай слогрин къадар квелай аслу я?

-Квез гаф са цIарцIяй мулькуь цIарцIиз акъуддай къайдаяр чидани?

-Чун къе тарсuna квекай рапада? (*Слогрикай, гафунин къатI маса цIарцIиз акъуддай къайдайрикай.*)

### VI. Тарсунин темадай кIвалах.

#### Ктабдай кIвалах.

33-тапшуругъ (12-чин).

Нетижа: Гафар слогриз пай жеда. Гафуна шумуд ачух сес аватIа, гъакъван слогар жеда.

### VII. Физкультминутка.

### VIII. Тарсунин темадай кIвалах давамарун.

*34-тапшуругъ (13-чин).*

Нетижа: Гафунин къатI са ҆арцIай маса ҆арцIиз слогралди акъудда. Къилди са гъарф ҆арцIе тадач ва маса ҆арцIизни акъуддач.

Нетижа: Лабиал сес къалурдай в гъарф квай гафунин къатI маса ҆арцIиз акъуддайлa, a гъарф вичелай вилик квай гъарфунихъай галуддач.

## **IX. Щийи тарс мягъкемарун.**

I. Щийи тарс мягъкемардай тапшуругъар тамамарун.

Яратмишунин кIвалах.

*37-тапшуругъ (14-чин).*

## **X. Рефлексия.**

-Аялар ктабдин 14-чина ганвай шикилдиз килиг, са гъвечIи сувьбет туукIура. Гафар кхыхъ, абур слогриз чара ая.

*(Аялри чин кIвалахдиз къимет гуда.)*

## **XI. Тарсунин нетижаяр къун.**

-Аялар, чун къе тарсuna квекай рахана?

-Гафуна слогрин къадар квелай аслу я?

-Гафунин къатI са ҆арцIай мульку ҆арцIиз гъикI акъудда?

-Лабиал сес квай гафунин къатI мульку ҆арцIиз гъикI акъудда?

## **XII. КIвализ кIвалах гун.**

41-тапшуругъ (15-чин) – шикилдай са гъвечIи гъикая кхыхъ.

## **4-ТАРС**

**Тарсунин тема:** Чал гегъеншарунин кIвалах.

**Сочинение. (Гатун каникулар.)**

**Мурад-метлеб:** фикирунин жигъетдай аялрин чалан дуъзгуынвал, галай-галайвал гегъеншарун; гафарин запас артухарун; аялрик фикир-фагъум, хиялар гегъеншардай вердишвилер кутун; чалал рикI алаз вердишарун.

**Тадаракар:** интерактивный доска.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. Щийи тарс малумарун ва адан винел тухудай кІвалах.**

1. Муаллимдин гъахъунин сувгъбет.
2. Сочиненидин темадин гъавурда тун.
3. Муаллимдин күмекдалди план түкІурун.
4. Пландикай менфят къачуна, сувгъбет түкІурун.
5. Жува-жува сочинение кхъин.

### **III. Тарсунин нетижаяр къун.**

## **5-ТАРС**

**Тарсунин тема:** Гафунин түкІуыр хъун (тиктарун).

**Мурад-метлеб:** I-II классра гафунин түкІуыр хъундай къачур чирвилер тиктапар хъувун; гафар түкІуыр хъунин винел разбор авунин кІвалах давамарун; сад хътин дувулрин гафар жагъурдай вердишвили кутун ва гегъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. КІвалин кІвалах ахтармишун.**

*49-тапшуругъ (16-чин).*

### **III. Гафарин диктант тухун.**

*(Четин гафарин мана муаллимди ачухарда.)*

*Ислягъвал, садвал, багъри, баҳтлувал, кефчи, кефсуз, намус, къуват, камаллу, сувгъбет, рамагбан, абурлу, чапла.*

### **IV. Чирвилерин важиблувал (актуализация).**

-Аялар, чавай гафар гъихътин паяриз пайиз жеда?

-Квез гафунин паярикай вуч чида?

## **V. Аялар ҆Ийи тарс къатынан гъазурун.**

*Къуватлууда.*

-Аялар доскадал алай гафуниз килиг. Ам чавай гъихътин паяриз пайиз жеда?

-А гафуна гъихътин пай авач? (*Префикс*)

-Квез гъихътин префиксар чида?

-Чун къе тарсuna квекай рахада? (*Гафунин паярикай, гафунин туъкIуър хъуникай.*)

## **VI. Тарсунин темадай кIалах.**

**Ктабдай кIалах.**

*51-тапшуругъ (17-чин).*

Нетижа: *Гафунин дегиши жедай ва предложенида гафарин арада алакъа патал герек тир паюниз эхир лугъуда.*

*52-тапшуругъ (18-чин).*

Нетижа: *Гафунин эхир галудайла, амукъдай паюниз дуб лугъуда.*

## **VII. Физкультминутка.**

## **VIII. Тарсунин темадай кIалах давамарун.**

*53-тапшуругъ (18-чин).*

Нетижа: *Мукъва гафарин виридан уртах паюниз дувул лугъуда.*

*54-тапшуругъ (18-чин).*

Нетижа: *Гафунин дувулдилай къулухъ галай паюниз суффикс лугъуда.*

*Суффиксрин куьмекдалди ҆Ийи гафар арадиз къведа.*

*55-тапшуругъ (19-чин).*

Нетижа: *Гафунин дувулдилай вилик квай паюниз префикс лугъуда.*

*Префиксрин куьмекдалди ҆Ийи гафар арадиз къведа.*

## **IX. Рефлексия.**

I. Гафунин гыи паюниз эхир лугъуда?

2. Диб ва дувул квез лугъуда?

3. Суффикс ва префикс квез лугъуда?

4. Гафунин гыи паяри ҆Ийи гафар арадал гъида?

## **X. Тарсунин нетижаяр къун.**

-Аялар, чун къе тарсuna квекай рахана?

-Квез гафарин паярикай гъихътин цийи малуматар чир хъана?

## **XI. КІвализ кІвалах гун.**

*56-тапшуругъ (19-чин) – ганвай гафарикай -лу, -вал, -чи, -бан, -хъан суффиксрин күмекдалди цийи гафар түкіура.*

## **6-ТАРС**

**Тарсунин тема:** Гафунин түкіуыр хъун (алатай тарсунин темадин давам).

**Мурад-метлеб:** алтай тарсuna гафунин түкіуыр хъункай къачур чирвилер мягъкемарун; гафар түкіуыр хъунин винел разбор авунин кІвалах давамарун; гафар паяриз пайдай вердишвилер кутун ва гегъеншарун; Чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. КІвалин кІвалах ахтармишун.**

*58-тапшуругъ (20-чин).*

### **III. Гафарин диктант тухун.**

*(Четин гафарин мана муаллимди ачухарда.)*

*Бейхабардиз, бейкефдиз, викIегъвал, акъуллудаказ, хъфена, зиянкарди, хатасуздаказ, регъуыхъбанар, тупчи.*

**Алава тапшуругъ:** гафара суффиксар ва префиксар чара ая.

### **IV. Чирвилерин важиблувал (актуализация).**

1. Гафунин гъи паюниз эхир лугъуда?
2. Диб ва дувул квез лугъуда?
3. Суффикс ва префикс квез лугъуда?

4. Гафунин гъи паяри цийи гафар арадал гъида?

#### **V. Тарсунин темадай ківалах.**

##### **Ктабдай ківалах.**

*60-тапшуругъ (20-чин).*

#### **VI. Физкультминутка.**

#### **VII. Тарсунин темадай ківалах давамарун.**

*61-тапшуругъ (20-чин).*

#### **VIII. Грамматикадин тапшуругъар.**

I. Гафарихъ суффиксар гилиг хъийиз, кхъихъ.

*Түквен..., къурух..., намус..., инсан..., келер... .*

2. Ганвай гафарин дувулар чара ийиз, кхъихъ.

*Нехирбанар, зегъметчияр, инсанвиледи, гъуърчехъандикай.*

#### **IX. Рефлексия.**

-Аялар, 19-чина ганвай шикилдиз килиг. Аялди вуч ийизва? Ам квел шад?

#### **X. Тарсунин нетижаяр къун.**

-Аялар, чна къе тарсuna гъихътин тапшуругъар тамамарна?

-Кvez виридалайни гзаф гъи тапшуругъ бегенмиш хъана?

#### **XI. Ківализ ківалах гун.**

*60-тапшуругъ (20-чин – ганвай дувулрикай префиксрин ва суффиксрин күмекдалди цийи гафар түкілура. Түкілурай 2-3 гаф күтұна, предложениядар тетрадра кхъихъ.*

## **7-ТАРС**

**Тарсунин тема:** Ахтармишунин диктант. (**Дельфинрин чухсагъул**)

**Мурад-метлеб:** аялрин орфографиядин ва пунктуациядин савадлувал ахтармишун.

**Тадаракар:** интерактивный доска, диктанtring ківатілал.

## **Тарсунин финиф**

#### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

## **II. Цийи тарс малумарун ва адан винел ківалах.**

1. Четин гафарин винел ківалах.

*Түр (балугъар къадай алам).*

2. Текст муаллимди кіелун.

*Дельфинрин чухсагъул.*

*Чна Кефер патан гъульяй балугъар къазвай. Садра чи туруна са дельфин гъатнай. Адан яргывал метрдилайни гзаф тир. Ам акваз-акваз такъатсуз хъана, балугъчийриз килигиз акъвазна. Ада чавай регымлувал тіалабзавай. Чнани ам турунай азадна, гъульувз ахъайна. Дельфинди са шумудра гимиidlай чарх яна, ахпа ам вилерикай квахъна. Пакад юкъуз дельфинрин юлдашар пайды хъана. Абуру, чи гимиidlай чарх ягъиз, чаз чухсагъул лугъузвай. («Кард» журналдай.)*

3. Текст муаллимди атпуз-атпуз кіелда, аялри кхъида.

4. Текст цийи кылелай кіел хъувун.

## **III. Тарсунин нетижаяр къун.**

### **ИБАРА (ГАФАРИН ЖУЛЬТЕР)**

#### **8 – ТАРС**

**Тарсунин тема:** Манадин жигъетдай ибараляр (гафарин жультер) чара авун.

**Мурад-метлеб:** манадин жигъетдай ибарарайрихъ (гафарин жультериҳ) галаз танишарун; манадин жигъетдай ибараляр (гафарин жультер) туықтуырдай алакъунар, вердишвилер кутун ва гегъеншарун; чалал рикI алаң вердишарун.

**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

#### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

#### **II. Ківалин ківалах ахтармишун.**

*Аялри туықтуырай предложенияр ахтармишида.*

### **III. Гафарин диктант тухун.**

(Гафар муаллимди вичин хушуналди хкяда ва четин гафарин мана ачухарда.)  
Ферма, завод, къаймах, таза, лавгъя, къени, тебрик, гурлу, межлис, серин,  
хатадай...

### **IV. Чирвилерин важиблувал (актуализация).**

Аялрин фикир доскадал ганвай тапшуругъдал желб ийида.  
Тапшуругъ: доскадал ганвай гафариз лазим тир прилагательният акал  
хъийиз, кхъихъ.

I. Там, вацI, ктаб, чар, вахт, емиш, дагъ, тарс, багълар.

### **V. Аялар цИйи тарс къатПуниз гъазурун.**

-Аялар, күнне гафарихъ прилагательният акал хъувурла, вуч арадал атана?  
-Чавай а жуьтера са гафунилай мульку гафунал суал эцигиз жедани?  
-Чун къе тарсuna манадин жигъетдай алакъалу гафарики, гафарин  
жуьтерикий рапада.

### **VI. Тарсунин темадай кІвалах.**

#### **Муаллимдин сұғыбет.**

-Гафарин жуьтер чеб-чиихъ галаз алакъада авай гафарикий жеда. **Месела:** Халкъдин тарих, кіевиз келун, къве дуст.

Гафарин жуьтер къве паюникай ибарат я: ибурукай са гаф кылинди,  
мулькуди аслуди (табийди) я.

#### **Ктабдай кІвалах.**

**Аялар** ктабдин 22-чина ганвай гафарин жуьтер разбор авунин  
чешнедихъ галаз танишарда.

65-тапшуругъ (22-чин)- доскадал тамамарда.

### **VII. Физкультминутка.**

### **VIII. Тарсунин темадай кІвалах давамарун.**

64-тапшуругъ (22-чин) – жува-жуваз тамамарун.

66-тапшуругъ (22-чин)- доскадал тамамарда.

### **Чал гегъеншарунин кІвалах.**

Ктабдин 23-чина ганвай шикилдай са гъвечIи гыккая түккүйүрун.

## **IX. Рефлексия.**

Аялрин фикир доскадал кхъенвай тапшуругъдал желб ийида.  
Тапшуругъ: *Скобкойра авай гафар лазим падежра эцигиз, гафарин жуытер туыкIуьра.*

(*Тарсар*) гъазур хъун; (*гъикая*) къимет гун; (*къагъриманвал*) манияр; (*халкъ, пад*) женг; (*женг*) эвер гун; (*цуьквер, юкъва*) хъун; яргъал (*шегъер*) акъатун; (*стха*) тапшуругъ.

## **X. Тарсунин нетижаяр къун.**

- Аялар, чун къе тарсuna квекай рахана?
- Квез гафарин жуытерикай вуч чир хъана?

## **XI. КIвализ кIвалах гун.**

*71-тапшуругъ (24-чин) – кыилин ва аслу гафар суалралди тайинара. Ибараирикай предложенияр туыкIуьра.*

## **9 - ТАРС**

**Тарсунин тема:** Предложенидин къвед лагъай дережадин членар.

**Мурад-метлеб:** алтай классра предложенидин къвед лагъай дережадин членрикай къачур чирвилер тикрарун; предложенидин къвед лагъай дережадин членар ишлемишдай ва абур предложенидай жагъурдай алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

**II. Ахтармишунин диктант анализ авун ва гъалатIрин винел кIвалах тухун.**

**III. Алтай тарсар тикрарун патал тапшуругъ гун.**

Доскадал ганвай халкъдин мисалрай существительнияр, прилагательнияр, тIварцIиэвезар, глаголар жагъурна кылди-кылди кхъихъ.

- I. Хъсан гафуни къван хъультуларда.*
- 2. Вири замIарилай шириндиге мез я, вири замIарилай түккүйлдини мез я.*
- 3. Духтур ийидай дармандалди, инсан сивай къведай келимайралди чир жеда.*
- 4. Гафуни тIар тийидайдаз лашунини тIардач.*

#### **IV. Гафарин диктант тухун.**

*(Гафар муаллимди вичин хушуналди хяды ва четин гафарин мана ачухарда.)*  
*Конференция, гъисс, лежбери, багъманчи, тумар, хаталувал...*

#### **V. Чирвилерин важиблувал (актуализация).**

Аялрин фикир доскадал кхъенвай кхъинрал желб ийида.

- I. Чирвал, суврем, ламувал, атун.*
- 2. Гатфарин гузел югъ, безетмишинавай школадин дарамат, шад макъамар.*
- 3. Велиди бубадиз салаз пер ягъиз күмек гана. Бубади Мустафадиз мукъвара цIийи чIагъан къачуна.*
- 4. Диде ацукъанава. Жегъил диде чIурал ацукъанава.*

#### **VI. Аялар цIийи тарс къатIуниз гъазурун.**

-Аялар, доскадал гафарин пуд жерге ганва. Абурун арада гъихътин тафават ава?

-Сад лагъай жергеда вуч ганва? Вучиз?

-Къед лагъай жергеда вуч ганва? Вучиз?

-Пуд лагъай жергеда вуч ганва? Вучиз?

-Къуд лагъай жергеда ганвай къве предложенидин арада гъихътин тафават ава?

-Чун къе тарсунан квекай рахада? (*Предложенидикай. Предложенидин къвед лагъай дережсадин членрикай.*)

#### **VII. Тарсунин темадай кIалах.**

##### **Муаллимдин сувьбет.**

-Аялар, предложение квез лугъудатIа, рикIел хкваш.

-Предложенияр гъихътинбур жеда?

-Квез кыилин членрикай вуч чида?

-АкъалтIай са фикир лугъузвай, сад-садахъ галаз алакъада авай гафарин кIаватIалдиз предложение лугъуда. Абур пуд жуьре ава: **хабардин, суалдин, эвер гунин.**

*Сказуемое, ва подлежащее предложенидин кылин членар я. Амай мульку членриз къвед лагъай дережадин членар лугъуда. Къвед лагъай дережадин членри нин? күн? низ? квез? нел? квел? нихъ? квехъ? ги? гыхътин? гыкI? гыниз? вучиз? ва маса суалриз жаваб гуда.*

### **Ктабдай кIалах.**

87-тапшуругъ (31-чин)- доскадал тамамарда.

### **VIII. Физкультминутка.**

### **IX. Тарсунин темадай кIалах давамарун.**

88-тапшуругъ (31-чин) – жува-жуваz тамамарун.

89-тапшуругъ (32-чин)- доскадал тамамарда.

### **Чал гегъеншарунин кIалах.**

Ктабдин 30-чина ганвай шикилдай са гъвечIи гыккая түкIурун.

### **X. Рефлексия.**

Аялрин фикир доскадал кхъенвай тапшуругъдал желб ийида.

Тапшуругъ: доскадал ганвай предложенирик къвед лагъай дережадин членар кухтаз, кхъихъ.

1. Гатфар алуқына. 2. Цульвер акъатна. 3. Лапагри незва. 4. Чубан къекъвездэ.

### **XI. Тарсунин нетижаяр къун.**

-Аялар, чун къе тарсuna квекай рахана?

- Квез предложенидикай, предложенидин къвед лагъай дережадин членрикай вуч чир хъана?

### **XII. КIвализ кIалах гун.**

86-тапшуругъ (30-чин) – кылин членар жагъура ва абурун кIаникай үлар чыгу. «Чульда зул» темадай сочинение кхъихъ.

## **10-ТАРС**

**Тарсунин тема:** Простой гегъенш ва гегъенш тушир предложенияр.

**Мурад-метлеб:** аялар простой гегъенш ва гегъенш тушир предложенийрихъ галаз танишарун; простой гегъенш ва гегъенш тушир предложенияр түкІуырдай алакунар, вердишилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

#### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

#### **II. Ківалин ківалах ахтармишун.**

*109-тапшуруғыз (39-чин).*

#### **III. Гафарин диктант тухун.**

(*Гафар мұаллимди вичин хушуналди хқяда ва четин гафарин мана ачухарда.*)  
Алахъай юғъ, гуж баладалди, чуплах, беғъер, сегъер, шалманар, къай, сұрубыар, къаншар ...

#### **IV. Чирвилерин важиблувал (актуализация).**

Аялрин фикир доскадал кхъенвай предложенийрал желб ийида.

1. *Гадади кіелзава. Руши ксанва. Нұськіре гъарайзава.*

2. *Аялар пака сейрдиз фида. Гатфарихъ тіебиатдал чан къведа. Мирги вичин крчарал дамахда.*

#### **V. Аялар ңийи тарс къатпуниз гъазурун.**

-Аялар, доскадал предложенийрин къве жерге ганва. Абурун арада гъихътин тафават ава?

- Къвед лагъай жергеда ганвай предложенийра кылиниң членрилай гъейри мад гъихътин членар ава?

-Чун къе тарсuna гегъенш ва гегъенш тушир предложенийрикай рахада.

#### **VI. Тарсунин темадай ківалах.**

#### **Муаллимдин сұғыбет.**

-Анжах подлежащидикайни сказуемидикай ибарат тир предложениидиз простой гегъени предложение лугъуда. **Месела:** Хтана гатфар.

Вичик, подлежащидилайни сказуемидилай гъейри, къвед лагъай дережадин членарни квай предложениидиз простой гегъени предложение лугъуда. **Месела:** Чун шегъердай хквезвай.

### Ктабдай кІвалах.

110-тапшуругъ (39-чин)- доскадал тамамарда.

### VII. Физкультминутка.

### VIII. Тарсунин темадай кІвалах давамарун.

111-тапшуругъ (40-чин) – жсува-жуваз тамамарун.

112-тапшуругъ (40-чин)– доскадал тамамарда.

(Муаллимди аялар простой предложение разбор авунин чешнедихъ галаз танишарда.)

Чал гегъеншарунин кІвалах.

Ктабдин 44-чина ганвай шикилдай са гъвечи гыкай түкіурун.

### IX. Рефлексия.

Аялрин фикир доскадал кхъенвай тапшуругъдал желб ийида.

Тапшуругъ: доскадал ганвай гегъени тушир простой предложенияр гегъенишариз, кхъихъ.

1. Муаллимди сұғыбетна. 2. Аялар фена. 3. Марф къвана. 4. Ич аватна.

### X. Тарсунин нетижаяр къун.

-Аялар, чун къе тарсuna квекай рахана?

- Квез простой гегъенш ва гегъенш тушир предложенийрикай вуч чир хъана?

### XI. КІвализ кІвалах гун.

120-тапшуругъ (44-чин) – шикилдай гегъени ва гегъени тушир предложенияр ишлемишиз, са гъвечи гыкай түкіура.

## 11-ТАРС

**Тарсунин тема:** Предложениидин са жинсинин членар.

**Мурад-метлеб:** предложенидин са жинсинин членрихъ галаз танишарун; предложенида са жинсинин членар къатIидай алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

### II. КІвалин кІвалах ахтармишун.

*178-тапшуругъ (94-чин).*

### III. Гафарин диктант тухун.

(*Гафар муаллимди вичин хушуналди хкяда ва четин гафарин мана ачухарда.*)  
Бустан, рагар, никIиз, яраз, суфра, сурун лакъан, ажал, якъин, багъа, масан, гъахъувал, миллетар, векилар, бегъемсуз, вафасуз.

### IV. Чирвилерин важиблувал (актуализация).

Аялрин фикир доскадал ганвай тапшуругъдал желб ийида.  
Тапшуругъ: доскадал ганвай предложенияр кхыхъ. Лазим чкайрал запятояр эцигиз жедатIа, килиг.

1. Совхоздин багълара ичер, чуъхверар, машмашар, пIинияр битмиш жезва. 2. Партайрал ктабар, тетрадар, ручкаяр ала. 3. Декабрь, январь, февраль хъультIуын варцар я.

### V. Аялар цIийи тарс къатIуниз гъазурун.

-Аялар, доскадал ганвай гъар са предложенидай сад хътин суалдиз жаваб гудай ва чеб са гафуниз талукъ тир гафар жагъура?

-Чун къе тарсuna предложенидин са жинсинин членрикай рахада.

### VI. Тарсунин темадай кІвалах.

#### Муаллимдин сұғыбет.

*44-чина ганвай материал ишлемишида.*

#### Ктабдай кІвалах.

*122-тапшуругъ (46-чин)- доскадал тамамарда.*

## **VII. Физкультминутка.**

## **VIII. Тарсунин темадай кІвалах давамарун.**

*123-тапшуругъ (47-чин) – жува-жуваз тамамарун.*

*124-тапшуругъ (47-чин)- доскадал тамамарда.*

## **Чал гегъеншарунин кІвалах.**

*Ктабдин 48-чина ганвай шикилдай са гъвечIи гыкая түкIурун.*

## **IX. Рефлексия.**

Аялрин фикир доскадал кхъенвай тапшуругъдал желб ийида.

Тапшуругъ: *Текст, герек чкайрал запятояр эцигиз, кхъихъ.*

*Селима Назима Замира кIелзава. Абуру ктабар журналар газетар кIелзава.*

*Гатуз школьникри никIера багълара салара кІвалахзава. Дагълара яру вили хъити лацу цууквер экъечIна.*

## **X. Тарсунин нетижаяр къун.**

-Аялар, чун къе тарсuna квекай рахана?

- Кvez гафарин жуьтерикай вуч чир хъана?

## **XI. КІвализ кІвалах гун.**

*129-тапшуругъ (49-чин) – текст кхъихъ. Текстинай са жинсинин членар квай предложенияр жагъурна, кхъихъ. Са жинсинин членар чIалан гъи паяр ятIа, тайинара.*

## **12-ТАРС**

**Тарсунин тема:** Союзар квай ва квачир са жинсинин членрин арада запятой.

**Мурад-метлеб:** аялар союзар квай ва квачир са жинсинин членрин арада запятой эцигдай дульшушрихъ галаз танишарун; созар квай ва квачир са жинсинин членрин арада запятой эцигуни алакунар, вердишвилер кутун ва гегъеншарун; чIалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

## **II. КІвалин кІвалах ахтармишун.**

*132-тапшуругъ (50-чин).*

## **III. Гафарин диктант тухун.**

*(Гафар муаллимди вичин хушуналди хқяда ва четин гафарин мана ачухарда.)  
Хважамжам, милайим; музыкадин сесер; манийрин ванер; памятникрин  
патавай фин; манийрин ва күульерин межслис; артист дикъетдивди ва  
сабурсузвиледи гүзлемишун; яшайшидин къайгъуяр.*

## **IV. Чирвилерин важиблувал (актуализация).**

Аялрин фикир доскадал ганвай тапшуругъдал желб ийида.  
Тапшуругъ: доскадал ганвай предложенияр кхыхъ. Са жинсинин членрин  
кIаникай цIар чIугу. Лазим чкайрал запятояр эцигиз жедатIа, килиг.

1. И касди зун кабинетдиз тухвана ва тумаждин креслода ацукъарна. 2.  
Чехи начальникди зав пенсиядин книжка, хуърекар ва парталар патал ордер  
вугана. 3. Хуър гъвечIиди, амма гуърчегди я. 4. Диdени руши шегъердиз фена.

## **V. Аялар цIии тарс къатIуниз гъазурун.**

-Аялар, доскадал ганвай предложенийра са жинсинин членар күн  
куймекдалди алакъаламиш хъанва?

- Квез гъихътин союзар чида?

-Чун къе тарсuna союзар квай ва квачир са жинсинин членрин арада запятой  
эцигдай дуьшушрикай рахада.

## **VI. Тарсунин темадай кІвалах.**

### **Муаллимдин сұғыбет.**

*51-чина ганвай материал ишлемишида.*

### **Ктабдай кІвалах.**

*134-тапшуругъ (52-чин)- доскадал тамамарда.*

## **VII. Физкультминутка.**

## **VIII. Тарсунин темадай кІвалах давамарун.**

*135-тапшуругъ (52-чин) – жува-жуваz тамамарун.*

### **Машгъулардай тапшуругъар.**

*136-тапшуругъ (53-чин)-хуралай тамамарда.*

*137-тапшуругъ (53-чин)- хуралай тамамарда.*

*138-тапшуругъ (53-чин)- хуралай тамамарда.*

## **IX. Рефлексия.**

Аялрин фикир доскадал кхъенвай тапшуругъдал желб ийида. Тапшуругъ:  
*Предложенияр, са жинсинин членар кухтаз, лазим чрайтал пунктуациядин  
лишанар эцигиз, кхыхъ.*

*1. Сказуемое ... предложенидин кылин членар я. 2. Гафара диб ... ... ...  
чара ийиз жеда. 3. Существительное ... ... ... чалан паяр я. 4.  
Предложенидин членар кылинбур ва ... жеда. 5. Существительниийрин  
гзафвилин къадардихъ –ар ... ... эхирар акал жеда. 6. Са жинсинин членар ва  
... ... союзралди галкIурда.*

## **X. Тарсунин нетижаяр къун.**

-Аялар, чун къе тарсuna квекай рахана?

- Соузар квай ва квачир са жинсинин членрин арада запятой гъи душушуьшра  
эцигда?

## **XI. КIвализ кIвалах гун.**

*139-тапшуругъ (54-чин) – лазим чрайтал запятояр эцигиз, са жинсинин  
членрин кIаникай цIар чIугваз, кхыхъ.*

## **13-ТАРС**

**Тарсунин тема:** Предложенидин са жинсинин членар тикрарун.

**Мурад-метлеб:** аялри предложенидин са жинсинин членрикай къачур  
чирвилер тикрарун; са жинсинин членар предложенида къатIидай, абурун  
арада запятой эцигдай, абур рахунра, кхъинра ишлемишдай алакъунар,  
вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. КІвалин кІвалах ахтармишун.**

*139-тапшуругъ (54-чин).*

### **III. Гафарин диктант тухун.**

*(Гафар муаллимди вичин хушуналди хяды ва четин гафарин мана ачухарда.)*

*Композитор, везин, сюжет, эглеши хыун, гъульдуър; ислягъвал патал женег; ишигълаван дере; үйлии вацран эхир; искусстводин къуват; сегънедин юкъвал акъвазун; артистни тамашачи.*

### **IV. Суалриз жавабар гун.**

*1. Гыи членриз предложенидин са жинсинин членар лугъуда?*

*2. Са жинсинин членрихъ галаз гыи союзар ишлемишда?*

*3. Гыи союзрин вилик запятой эцигда ва я эцигдач?*

### **V. Орфографиядинни пунктуациядин кІвалах .**

Аялрин фикир доскадал ганвай тапшуругъдал желб ийида.

Тапшуругъ: кхыхъ. Запятояр эциг ва гафарик ахъайнавай гъарфар күхтур.

*1. Жувни с...кинсуз хъана кІанда жув...ни с...кинсуз ав...на кI...нда.*

*2. Инж...нер куьч... са үлахъ акъв...зн...ва ва ада гъил...й спичка... маса гузва. 3. Им, эгер квездир хъана кІанз...ватIа, беяб...рчив...лни русвагъв...л я.*

### **VI. Тарсунин темадай кІвалах.**

#### **Ктабдай кІвалах.**

*140-тапшуругъ (54-чин)- доскадал тамамарда.*

#### **VII. Физкультминутка.**

#### **VIII. Тарсунин темадай кІвалах давамарун.**

*141-тапшуругъ (55-чин) – жува-жувац тамамарун.*

#### **Машгъулардай тапшуругъар.**

*142-тапшуругъ (55-чин)-доскадал тамамарда.*

#### **IX. Чал гегъеншарунин кІвалах тухун.**

*Ктабдин 56-чина ганвай шикилдай гъикая түйкүрүн.*

**X. Тарсунин нетижаяр къун.**

-Аялар, чна къе тарсuna гъихътин тапшуругъар тамамарна?

**XI. Ківализ ківалах гун.**

*144-тапшуругъ (57-чин) – предложенияр са жинсинин членар күхтаз, кхъихъ.*

## 14-ТАРС

**Тарсунин тема:** Ахтармишунин диктант. (**Сафаран крап.**)

**Мурад-метлеб:** аялрин орфографиядин ва пунктуациядин савадлувал ахтармишун.

**Тадаракар:** интерактивный доска, диктантирин ківатІал.

### Тарсунин финиф

**I. Тарс тешкилун.**

*(Тарс тухун патал аялрихъ авай гъазурвал ахтармишун.)*

**II. Ішійи тарс малумарун ва адан винел ківалах.**

I. Четин гафарин винел ківалах.

*Натураліст.*

2. Текст муаллимди кіелун.

### *Сафаран крап*

*Сафараз гъайванар ва къушар ахтармишина чирун гзаф кіандай кар я. Ада зин ва къураматдин ничхирар, къушар, гъашаратар абурун ванерай чир жеда. Ам иисан вири вахтара чуылда, дагъда, багъда ва тамара жедай. Ничхиррин уымуърдай вичиз акур вири къариба дуышушар, амалар ада вичин дневникда кхыидай. Адахъ вичихъни ківале хуъзвай гзаф ничхирар ава. Жегыл натуралист Сафаран краикай бегъем ктаб кхыиз жеда. (Къ. Межиев)*

3. Текст муаллимди атІуз-атІуз кіелда, аялри кхыида.

4. Текст цІийи кыилелай кІел хъувун.

### **III. Тарсунин нетижаяр къун.**

#### **15-ТАРС**

**Тарсунин тема:** Сложный предложенидикай умуни малуматар гун.

**Мурад-метлеб:** аялар сложный предложенирихъ галаз танишарун; сложный предложенияр түкІуьрдай алакъунар, вердишилер кутун ва гегъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

#### **Тарсунин финиф**

##### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

##### **II. КІвалин кІвалах ахтармишун.**

*144-тапшуругъ (57-чин).*

##### **III. Гафарин диктант тухун.**

(*Гафар муаллимди вичин хушуналди хяда ва четин гафарин мана ачухарда.*)

##### **IV. Чирвилерин важиблувал (актуализация).**

Аялрин фикир доскадал кхъенвай предложенийрал желб ийида. Тапшуругъ: доскадал ганвай предложенийрай кылин членар жагъура ва абурукай лазим ىIарар чIугу.

1. Хипехъанри лапагар дагълариз хутахзава. 2. Тіебиатди чин чIурна, тIурфан къарагъна.

##### **V. Аялар цІийи тарс къатIуниз гъазурун.**

-Аялар, доскадал ганвай предложенийрин арада тафават авани?

-Къвед лагъай предложенида квез шумуд подлежащее ва сказуемое жагъана?

-Къвед лагъай предложение сложный я. Чун кье тарсuna сложный предложенирикай рахада.

##### **VI. Тарсунин темадай кІвалах.**

**Муаллимдин сұғыбет.**

-Аялар, предложенияр простой ва сложныяр жеда. Простой предложенида са грамматикадин диб (са подлежащее ва са сказуемое) жеда. **Месела:** Ефимов тадиз балкIандилай эвичIна.

Сложный предложенида къвед ва къведалай гзаф грамматикадин дибар (къве ва къведалай гзаф паяр, къве ва къведалай гзаф простой предложенияр) жеда. **Месела:** Югъ акъатна, мичIи хъана гъар са пад, халкъ чкIана, далдамчияр хтана.

### Гъавурда твадай диктант.

(Предложенияр кхьида ва абурун жуыре тайинарда, жаваб субутарда.)

1. Самур Каспий гъульуз авахъзава. 2. Акъалтна дем, алатна ииф, атана лап чими рагъ. 3. Руг џавариз акъатзава. 4. Марф акатна ва аялар кIвалериз катна.

### VII. Физкультминутка.

### VIII. Тарсунин темадай кIвалах давамарун.

### Жува-жувац кIвалахун.

(Пуд простой, пуд сложный предложение түкIура.)

### Яратмишунин диктант.

(Точкаяр алай чкайрал къвед лагъай дережадин членар эцигиз, кхъихъ.)

1. Къушари ... түкIуэрзава. 2. ..., ... иикъар алукъзава. 3. Рагъ ... хкатна.

### Грамматикадинни пунктуациядин тапшуругъ.

(Доскадал алай текст кIела, предложенийрин сергятар тайинара, ахпа кхъихъ.)

Гатун гульушан югъ тир ракъини гзаф чими ийизвай зун мегъуын тарар авай тамун юкъвай тIуз физвай заз лап мукъувай пионеррин горндин ван атана заз са еке тарцин кIаник кIватI хъанвай аялар акуна абуру анал фу незвай.

### IX. Рефлексия.

Аялрин фикир доскадал кхъенвай тапшуругъдал желб ийида.

Тапшуругъ: Доскадал ганвай простой предложенийрикай сложныяр түкIуэрна, кхъихъ.

1. Экуънихъай чилин циф авай. Частунихъ гъава ачух хъана. 2. Югъ хъана. Чун кІвалахдал фена. 3. Югъ няни хъана. Геждалди нехир хтанач. 4. Терг хъана къаяр, мекъер. Къацу хъана чульда векъер.

## **X. Тарсунин нетижаяр къун.**

-Аялар, чун къе тарсuna квекай рахана?

- Квез сложный предложенийрикай вуч чир хъана?

## **XI. КІвализ кІвалах гун.**

*Пуд сложный предложение түкілдіру.*

# **ТЕКСТ. ТЕКСТИНИН ТЕМА. ТЕКСТИНИН КЫИЛ**

## **16-ТАРС**

**Тарсунин тема:** Текст. Текстинин кыил.

**Мурад-метлеб:** аялриз текстиникай ва адан къетінвилерикай малуматар гун; текстиниз кыил гуз чиран; текст түкілдай алакъунар, вердишвилер кутун ва гегъеншарун; чалал рикіл алаз вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. Ахтармишунин диктант анализ авун ва гъалатІрин винел кІвалах тухун.**

### **III. КІвалин кІвалах ахтармишун.**

*Проектный кІвалах. «Сложный предложение» темадай ахтармишунин кІвалах ахтармишун.*

### **IV. Чирвилерин важиблувал (актуализация).**

*1) Магъамад чи колхоздин кІелербан тир. Адаз Рагъвац лугъудай са киңін авай. Зиянкардикай Рагъвацаз фад хабар жедай. И кардал Магъамада шадвал иийдай. Гила адакай кІвенкІвечи чубан хъанва. Ам чи хуыре гзаф гъуърметлу кас я.*

2) Нехирбан алатна тама амукынавай маларихъ къекъвез фена. Чекмечиди чекмеяр цвазва. Хъсанвал гъавайды квахъдач. Акъуллу инсанди гъич садраны абурсуз кІвалах ийидач. Михъивал чарасуз кІвалах я. Къульзув гъуърчехъан дередиз эвичІна.

-Аялар, доскадал предложенийрин къве кІватІал ганва. Абур күн тетрадриз акъуд.

#### **V. Аялар цИийи тарс къатІуниз гъазурун.**

-Кvez чиз, винидихъ ганвай предложенийрин къве кІватІалдин арада гъихътин тафават ава?

-Сад лагъай кІватІалда ганвай предложенияр сад-садахъ галаз гъихътин алакъада ава?

-Къвед лагъай кІватІалда ганвай предложенияр са гъихътин ятІани алакъада авани?

-Чун къе тарсуна квекай рахада? (*Текстиникай.*)

#### **VI. Тарсунин темадай кІвалах.**

##### **Муаллимди аялривай текст кхъиз тада.**

*Зул бегъер кІватI хъийидай вахт я. И вахтунда къалуникайни куьмек кІан жеда. Школьникарни гъакI акъвазнач. Абур совхоздин картуфар кІватIиз фена. Пионерри картуфар шешелра тұна. Чехи классрин аялри абур машинра әцигна. Машинар шегъердиз рекье гъатна. Муъмин халуди аялриз чухсағъул лагъана.*

-Аялар күнне вуч кхъена?

-Вучиз ам текст я?

-Предложенийрин арада гъихътин алакъа авазва?

-Текстиниз вуч хас я?

Нетижа: *Манадин ва грамматикадин жигъетдай битаввал авай предложенийрин кІватІалдиз текст лугъуда.*

-Аялар чи текстина квекай рахазва?

-Чавай текстинин тема чириз жедани?

-Квез текстиниз гъихътин кыил гуз кІанзава? (Зул. Зулун вахт. Зулун күймекар)

Нетижа: *Гъар са текстиниз вичин тема жеда. Темади текстина ганвай предложенийрин мана сад ийида. Темадин күймекдалди текстиниз кыил гуз жеда.*

## **VII. Физкультминутка.**

## **VIII. Тарсунин темадай кІвалах давамарун.**

### **Группайра кІвалах.**

(Муаллимди гъар са группадиз кылдин текст гуда. Аялри текстинин къетІенвилер, тема чирда, кыил гуда)

1. *Са шумуд аял тамуз къекъвез фена. Абуруз куларай нулькІрен муг жагъана. А мука къве шараг авай. Аялар акурла, нулькІре цава лув гуз, гъарайиз хъана. Аялар шарагриз килигна, амма абурук кянач. (Аялар ва нулькІ. НулькІрен муг.)*

2. *Зулун ракъини тілил чими ийида. Мукъвал-мукъвал кульль марфар къвада. Къуд пад мичІи цифеди къада. Зулун гарари хъипи пешер хурук кутуна тухуда. Къецел къана жеда. НулькІверни чтин мукариз гъахъ хъийида. Инсанри чими партал алуқІиз башламишда. (Зул. Зулун лишанар.)*

## **IX. Рефлексия.**

«Багълара зулун кІвалахар» кыил гана, текст түйкІуыра.

(Аялри чии чтин кІвалахдиз къимет гуда.)

## **X. Тарсунин нетижаяр къун.**

-Аялар, чун къе тарсuna квекай рахана?

-Текст квез лугъуда?

-Текстиниз вуч хас я?

-Тема квез лугъуда?

## **XI. КІвализ кІвалах гун.**

«Зи хуыр» кыил гана, текст түйкІуыра.

## **17-ТАРС**

**Тарсунин тема:** Текстинин паяр (абзацар) ва план. Текстинин кыилин фикир.

**Мурад-метлеб:** аялриз текстиникай ва адан къетІенвилерикай малуматар гун давамарун; текст паяриз (абзацриз) пайиз, текстинин кыилин фикир тайинариз чирун; текст түкІуьрдай, ам паяриз пайдай алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги Чал» ктаб.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

### II. КІвалин кІвалах ахтармишун.

Аялривай «Зи хуър» темадай кхъенвай текстер кIелиз тада, къимет гуда.

### III. Чирвилерин важиблувал (актуализация).

1. Зул алуқына.

2. Чан алачир тIебиатда хъайи дегишивилер:

а) гъава;

б) ракъинин нурар;

в) иикъар;

г) там-тар, чульлер.

3. Чан алай тIебиатда хъайи дегишивилер:

а) къушарин гъал;

б) кІвалин ва тамун гъайванар зулуз.

4. Зулуз инсанрин зегъмет.

5. Зи фикир.

-Аялар, доскадал ганвай предложенияр күн тетрадриз акъуд.

### IV. Аялар цIийи тарс къатIуниз гъазурун.

-Квез чиз, винидихъ ганвай предложениярин кІватIалдиз текст лугъуз жедани? (*Ваъ.*)

-А предложениярихъ умуми мана авани?

-Предложенийрин умуми тема вуч я?

-Чавай, абур ишлемишна, текст түкІуьриз жедани?

-Вучиз жеда?

-Күй фикирдалди, доскадал ганвай предложенийрин ківатілдіз вуч лугъуз жеда? (План.)

- Чун къе тарсuna квекай рахада? (Пландикай, текстинин манадин паярикай-абзацрикай, текстинин кылиниң фикирдикай.)

#### **V. Тарсунин темадай ківалах.**

**Муаллимдин күмекдалди доскадал ганвай пландал бинеламиш хъана аялривай текст туықтуырыз тада, адаз кыил гуда ва кхъида.**

Нетижа: *Гъар са текст манадин паяриз пайиз жеда. Гъар са паюниз вичиз хас тема жеда, гъар са паюнал суал эңгиз жеда. Нетижада текстинин план арадал къведа. Гъар са манадин пай са абзац я. Вири паярихъ умуми тема (текстинин кыил) жеда.*

#### **VI. Физкультминутка.**

#### **VII. Тарсунин темадай ківалах давамарун.**

2. Муаллимди хуралай текст кіелда. Аялри текстиниз кыил гуда ва муаллимдин күмекдалди кылиниң фикир чирда.

*Пери чар гъиле аваз хейлин вахтунда рактарал акъвазна. Ахпа ам яваши-яваши хъфена, айвандал ащукъ хъувуна. Ада гагъ чарчиз вил язава, гагъ ам гъиле къачузва. Эхир къарай татана конверт ахъайна, къене авай чар акъудна. Факъир Пери са хейлин вахтунда чарчиз килигиз акъвазна. Са затіни къатіз хъанач. Вуч чар ятіа рикіз чириз кіандай, амма кіелиз жедачир. (Кіелиз тахъай чар. Савадсузвал себеб яз чар кіелиз тахъун.)*

Нетижа: *Гъар са текстиниз вичин кылиниң фикир жеда. Кылиниң фикир- им автороди чун инандирмиш завай, са вуч ятіани авуниз эвер гузтай текстинин кылини мана я.*

#### **VIII. Рефлексия.**

-Доскадал ганвай предложенияр алакъалу текст жедайвал, дұзь чайрал эхциг хъийиз, кхъихъ.

*Ана тарсар кіелдай, ял ядай вахтар къалурнава. Зани Якъуба тарсарай зайніф аялриз күмекар гузва. Зи дүстүнин фамилия Яралиев, тівар Якъуб я.*

*Чна йикъан режим түкілурнава. Чун халис стхаяр хызы дуланмии жезва.  
Школада чун са партада аңуқынава. Йикъан режим чна кыиле тухузва.*

## **IX. Тарсунин нетижаяр күн.**

-Аялар, чун къе тарсұна квекай рахана?

-План вуч заты я?

- Текстинин кыилин фикирдикай квезді вуч чир хъана?

-Квел тарсұна гъихътин четинвилер акъалтна?

## **X. Ківализ ківалах гүн.**

*Риқыз кіандай темадай текст түкілурға. Текстиниз план кхыхъ.*

# **18-ТАРС**

**Тарсунин тема:** Текст комплексный анализ авун.

**Мурад-метлеб:** алатай тарсара «Текст» темадай къачур чирвилер ахтармишун; текст паяриз (абзацриз) пайиз, текстинин кыилин фикир тайинариз чиран патал авай алакъунар, вердишвилер ахтармишун.

**Тадаракар:** интерактивный доска, изложенийрин ківатын.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. ҆Ийи тарс малумарун ва адаптация түхудай ківалах.**

I. Аялрин фикир досқадал кхъенвай текстинал желб авун.

*Рагъ авай чими йикъар къвез алатзавай. Августдин экір хъана. Сентябрь алуқына. Вердиоди гадайриз чуылда гзаф къарникъузар ава лагъана. Пакад юкъуз гадаяр, зинбиларни къачуна, къарникъузар гъиз тамуз фена. Аялар гъарнихъ чылана.*

*Югъ нисинилай алата. Аялри сада-сада эвериз башламишина. Вири аялар, вилик меслят хъайивал, чехи таран кіанык ківатын хъана. Виридан зинбилар къарникъузрай ва чуылдин емишрай аңанвай. Ахпа аялар, са тімил вахтунда къугъунар авуна, манияр лугъуз-лугъуз ківализ рекье гъатна.*

(Тема: Къарникъузар)

2. Четин гафарин гъавурда тун.

Зинбил-са вуч ятIани тун патал тIвалариkай раснавай къен авай затI.

3. Тапшуругъдин гъавурда тун. (Текст кхъин. Текстиниз къил гун, къилин фикир тайинарун, план түккIурун.)

3. Жува-жуваз кIвалахун.

### **III. Тарсунин нетижаяр къун.**

## **19-ТАРС**

**Тарсунин тема:** Существительное.

**Мурад-метлеб:** алатай классра существительнидикай къачур чирвилер тикрарун; существительнидин мана-метлеб дериндай ачухарун; существительнияр рахунра дуъз ишлемишдай алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

(Тарс тухун патал аялрихъ авай гъазурвал ахтармишун.)

### **II. КIвалин кIвалах ахтармишун.**

Аялривай кхъенвай текстер кIелиз тада, къимет гуда.

### **III. Гафарин диктант тухун.**

(Четин гафарин мана муаллимди ачухарда.)

Къеч, афтафа, зайифвал, чирвиляй, зуърнечи, дагъвияр, гахлудун, камаллу, къуватсуз, фитнечи, маргъухъан.

### **IV. Чирвилерин важиблувал (актуализация).**

Къугъун «Ни гзаф гафар лугъуда?»

Вуж? Вуч?

гада кIвал

... ...

(Аялар къве патал пайды. Садбуру **вуж?** суалдиз жаваб гудай гафар, мулькуббуру **вуч?** суалдиз жаваб гудай гафар лугбууда.)

#### **V. Аялар цийи тарс къатпуниз гъазурун.**

-Аялар, күнне мисалар яз гъайи **вуч? вуж?** суалриз жаваб гудай гафар гыи чалан паюник акатда?

- Чун къе тарсунан квекай рахада? (*Существительнидикай.*)

#### **VI. Тарсунин темадай ківалах.**

-Аялар, квезд существительнидикай вуч чида?

-Существительниди вуч къалурда?

-Существительнидин суалар гъибур я?

-Урус чалалай тафаватлу яз, лезги чала **вуж?** суалдихъ гъихътин къетенвал ава?

#### **Ктабдай ківалах.**

*188, 189-тапшуругъар (82-чин).*

#### **VII. Физкультминутка.**

#### **VIII. Тарсунин темадай ківалах давамарун.**

*190-тапшуругъ (84-чин).*

Нетижа: *Инсанрин тіварар ва фамилияр, гъайванрин лакібар, ульквейрин, шегъеррин, хұрерин, ваңарин, дагъларин тіварар- ибур хас тіварар я. Хас тіварар чөхі гъарфуналди кхъида.*

*191-тапшуругъ (84-чин).*

Нетижа: *Существительнийиз теквилин ва гзафвилин къадар хас я.*

#### **IX. Рефлексия.**

Досқадал ғанвай предложенияр метлебдив къадай гафар күхтаз, кхъихъ.

Существительнийрикай царар чыгуу.

*Дидеди ... хуърек гъазурна. Чна ...яд гана. Ада ...кташар гана. ...тарс гузва.*

*Чи ...емишар ширинбур я.*

#### **X. Тарсунин нетижаяр күн.**

-Аялар, чун къе тарсунан квекай рахана?

-Существительное гъихътин чалан пай я?

- Существительнияр гъихътинбур жеда?

## **XI. Ківализ ківалах гун.**

*194-тапшурғы (85-чин) – Квездай қаралып, гүйлерин, дагъларин, шегъеррин, хуърерин, гъайванрин лакабын тұварар көмілді.*

## **20-ТАРС**

**Тарсунин тема:** Существительный падеж из дешифровки хын.

**Мурад-метлеб:** существительный из падежа из дешифровки хын хас тирди къалурун; существительный из падежа из дешифровки хын авунин алакъунар, вердишвили кутун ва гегъеншарун; Чалал рикіл алаң вердишарун.

**Тадаракар:** интерактивный доска, 4-классдин «Лезги Чал» ктаб.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. Ківалин ківалах ахтармишун.**

*194-тапшурғы (85-чин).*

### **III. Гафарин диктант тухун.**

*(Четин гафарин мана муаллимди ачухарда.)*

*Техил, бустан, зирзибіл, малар, бустан, күмекчи.*

### **Суалраз жавабар гун.**

*1. Хас тұварар гъикіл көмілді?*

*2. Умуми тұварар гъикіл көмілді?*

*3. Существительный из дешифровки хын көмілді?*

### **IV. Чирвилерин важиблувал (актуализация).**

*Чи хуърун саки къуд пад там я. Таму чаз гзаф менфят гузва. Тамун кылихъ къакъан дагълар гала. Чун гатуз ва зулуз тамуз фида, чна тамай жуъреба-жуъре емишар гъиді. Чи тама север, жсанавурап, къабанар ва маса гъайванар жеда.*

*-Аялар, доскадиз килиг. Доскадал вуч кхъенва?*

-Вучиз ам текст я?

-Текстиниз гъихътин къетленвилер хас тир?

#### **V. Аялар цийи тарс къатлуниз гъазурун.**

-Аялар, чулавдиз кхъенвай гафариз фикир це, абунал суалар эциг. Вири гафари сад хътин суалриз жаваб гузвани?

-Абур гъар жуьредин манаяр авай гафар яни, я туштла гъа са гафунин формаяр?

-Дуль я, абур там гафунин формаяр я. Мана сад я, амма эхирар гъар жуьре.

-Существительният къадариз ва мад квез дегиши жеда?

- Чун къе тарсона квекай рахада? (*Существительният падежиз дегиши хъункай.*)

#### **VI. Тарсунин темадай къалах.**

##### **Ктабдай къалах.**

*198-тапшуругъ (87-чин).*

Нетижа: *Существительният эхирар, суалриз килигна, дегиши жеда. И дегиши хъуниз падежиз дегиши хъун лугъуда.*

#### **VII. Физкультиминутка.**

#### **VIII. Тарсунин темадай къалах давамарун.**

*200,201-тапшуругъар (88-чин).*

#### **IX. Рефлексия.**

Доскадал ганвай гафарикай предложенияр туъкъурна, кхъихъ. Салигъ гафуниз суалар эциг.

*Салигъ, шегъер, яшамиши жезва. Салигъа, университет, тарсар, гузва. Салигъан, лекцияр, студентар, бегенмиши я. Салигъаз, университет, еке, къимет ава.*

#### **X. Тарсунин нетижаяр къун.**

-Аялар, чун къе тарсона квекай рахана?

-Существительният квез дегиши жеда?

- Существительният эхирар квелай аслу я?

#### **XI. Къвализ къалах гун.**

202-тапшуругъ (88-чин) – **Дагъ** гафуни *вуч?* *куь?* *куьн?* *куьз?* суалриз жаваб гудайвал 4 предложение түкіуырна, кхыхъ.

## 21-тарс

**Тарсунин тема:** Чал гегъеншарунин ківалах.

Чирдай изложение. (*Цульверин сувар*).

**Мурад-метлеб:** муаллимди кіелай текстинай план түкіуырун; текстинин мана галай-галайвал ачухарна агадарун ва кхын.

**Тадаракар:** интерактивный доска, изложенийрин ківатыл.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

### II. Ішійи тарс малумарун ва адан винел тухудай ківалах.

I. Муаллимди текст кіелун.

*Цульверин сувар.*

*Фадлай адем хъанвайвал са бязи хуърерин аялри ва жеғыилри гъар гатфарихъ цульверин сувар кыле тухузва.*

*Майдин ваңра гадаяр ва рушар цульвер авай дагъларин тұулариз фида. Абұру анра шадвилер ийида ва хъсан атирдин ни галай цульвер ківатыда.*

*Анра жеғыилри ва аялри чтин лигимвал, зиреквал ва викіегъвал къалурда.*

*Цульверин сувариз яргъал тир дагъдиз фин гүзел я.*

*Гъа икі мукъвара чун цульверин суварик кваз Чеперин сине авай. Вазайра твадай ва камбар ийидай цульвер ківатына, чна булахар алай тұулал къуылер ийизвай. Садлагъана қав ракана. Са тімил вахтни арадай тефенмаз къати марф къваз башилишина. Гүзлемишинавачир марфади жеғыилар ва аялар бегъем къежирна. Ахна садлагъана разъ хтана.*

2. Четин гафарин ва ибараирин винел ківалах тухун.

*Дагъларин тұулар, атирдин ни, камбар ийидай цульвер.*

3. Са-са абзац кіелиз план түкіуырун.

## **Чешнедин план.**

1. Майдин варз.
2. Чеперин сине.
3. Суварин шадвилер.
4. Марф.
4. Пландай ихтилат авун.
5. Текст муаллимди мад сефер кIел хъувун.
6. Аялри чпи-чпиз изложение кхъин.

## **III. Тарсунин нетижаяр къун.**

### **22-ТАРС**

**Тарсунин тема:** Дибдин падежрин тIварар ва суалар.

**Мурад-метлеб:** аялар дибдин падежрин тIварарихъ ва суалрихъ галаз танишарун; существительният дибдин падежриз дегиши авунин алакъунар, вердишвилер кутун ва гегъеншарун; чIалал рикI алаz вердишарун.

**Тадаракар:** интерактивный доска, 4-классдин «Лезги чIал» ктаб.

### **Тарсунин финиф**

#### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

#### **II. КIвалин кIвалах ахтармишун.**

*202-тапшуругъ (88-чин).*

#### **III. Гафарин диктант тухун.**

(*Четин гафарин мана муаллимди ачухарда.*)

*Ипекдин лента, уьмуърдин, инсанвили, уъзумар, гъикая, ихтилатар, жемят.*

#### **IV. Чирвилерин важиблувал (актуализация).**

*Зи буба лап хъсан багъманчи я. Бубади багъдиз гзаф къуллугъ ийизва. Бубадин багъда ичин, чуъхверин, гугъридин, пIинидин тарап ава. Абуру гъар йисуз бегъер гузва. Бубадиз чи патай еке гъуърмет ава.*

-Аялар, доскадиз килиг. Доскадал вуч кхъенва?

-Ам текст тирди куъне квелди субутарзава?

## **V. Аялар цІийи тарс къатIуниз гъазурун.**

-Аялар, буба гафунин формайриз фикир це, абуран суалар эциг.

-Квезд шумуд суал хъана?

- Абур, аялар, падежрин суалар я. Чун къе тарсuna дибдин падежрикай рахада.

## **VI. Тарсунин темадай кІвалах.**

### **Ктабдай кІвалах.**

Муаллимди ктабдай аялар дибдин падежар ва абурун суалар ганвай таблицадихъ танишарда. Аялри таблица чин тетрадриз акъудда.

*203-тапшуругъ (89-чин).*

### **VII. Физкультминутка.**

## **VIII. Тарсунин темадай кІвалах давамарун.**

*204,205-тапшуругъар (89-чин).*

Нетижа: *Лезги чала къуд дибдин падеж ava. Гъар са падежсиз вичин суал ва эхир ava. Гафар падежсиз дегиши жеда.*

### **IX. Рефлексия.**

Аялрин фикир доскадал кхъенвай предложенийрал желб ийида ва тапшуругъ кІелда. Тапшуругъ: скобкойра ганвай гафар, метлебдив къадайвал дибдин падежра эцигиз, кхъихъ.

*Гила чи (хуър) къамат дегиши жезва. Гъурмет ая (лиф), инсаф ийимир (къиф). (Дагъви) культура хкаж жезва. (Инсан) намус, гъейрат герек я.*

Аялри сада-садан кІвалах ахтармишда, къимет гуда.

### **X. Тарсунин нетижаяр къун.**

-Аялар, чун къе тарсuna квекай рахана?

-Дибдин падежар шумуд ava?

-Абурун тІварар лагъ.

-Дибдин падежрин суалар гъибур я?

-Гъихътин существительнийри вужс? ни? нин? низ? суалриз жаваб гузва?

-Урус чала гыкI я?

## **XI. КІвализ кІвалах гун.**

*209-тапшуругъ (90-чин) – кхъихъ. Суалрин күмекдалди дибдин падежра авай существительният жагъура, абурун кIаникай цIар чIугу.*

## **23-ТАРС**

**Тарсунин тема:** Асул падеж.

**Мурад-метлеб:** аялар асул падеждихъ ва адан суалрихъ галаз танишарун; гафар асул падеждиз дегиши авунин алакъунар, вердишвилер кутун ва гегъеншарун; чIалал рикI алаз вердишарун.

**Тадаракар:** интерактивный доска, 4-классдин «Лезги чIал» ктаб.

### **Тарсунин финиф**

#### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

#### **II. КIвалин кIвалах ахтармишун.**

*209-тапшуругъ (90-чин).*

#### **III. Гафарин диктант тухун.**

*(Четин гафарин мана муаллимди ачухарда.)*

*Илим, метлеб, велед, тундра, сарин кIемер.*

#### **Суалриз жавабар гун.**

-Дибдин падежар шумуд ава?

-Абурун тIварар лагъ.

-Дибдин падежрин суалар гъибур я?

#### **IV. Чирвилерин важиблувал (актуализация).**

*Гадаяр, калер, балкIанар, цIегъер, инсанар.*

-Аялар, доскадиз килиг. Доскадал вуч кхъенва?

-Гафар гъи къадарда ганва?

-Абур теквилин къадарда эцигиз, кхъихъ.

#### **V. Аялар цIийи тарс къатIуниз гъазурун.**

-Куыне кхъей гафари гъихътин суалриз жавабар гузва?

- Абур гъи падеждин суалар я?

-Чун къе тарсuna, квез чиз, квекай рахада? (*Асул падеждикай.*)

## **VI. Тарсунин темадай кІвалах.**

### **Ктабдай кІвалах.**

*211-тапшуругъ (91-чин).*

Нетижа: *Асул падежда авай существительниири вуж? вужар? вуч? вучар?* суалриз жаваб гуда.

## **VII. Физкультминутка.**

## **VIII. Тарсунин темадай кІвалах давамарун.**

*212-тапшуругъар (92-чин).*

### **IX. Рефлексия.**

Аялрин фикир доскадал кхъенвай предложенийрал желб ийида ва тапшуругъ кІелда. Тапшуругъ: *кIела. Вуж? вуч?* суалриз жаваб гудай гафар кхъихъ.

1. *Диде хъайила, буба жагъида.*
2. *Аял авай кІвал – базар, авачирди азар я.*
3. *Бала виртIедилайни ширина я.*
4. *Хъсан къунши стхадилайни хъсан я.*
5. *КІвалин ярашугъ аял, суфрадин ярашугъ мугъман я.*

Аялри сада-садан кІвалах ахтармишда, къимет гуда.

## **X. Тарсунин нетижаяр къун.**

-Аялар, чун къе тарсuna квекай рахана?

-Асул падеждин суалар гъибур я?

## **XI. КІвализ кІвалах гун.**

*214-тапшуругъ (93-чин) – ганвай гафариқай предложенияр түкIуриз, кхъихъ. Асул падежда авай гафарин кIаникай үлар чIугу.*

## **24-ТАРС**

**Тарсунин тема:** Актив падеж.

**Мурад-метлеб:** аялар актив падеждихъ ва адан суалрихъ галаз танишарун; гафар актив падеждиз дегиш авунин алакъунар, вердишвилер кутун ва гегъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

### **II. КІвалин кІвалах ахтармишун.**

*214-тапшуругъ (93-чин).*

### **III. Гафарин диктант тухун.**

(*Четин гафарин мана муаллимди ачухарда.*)

*Къаргъа, шим, мажбурнама.*

### **IV. Чирвилерин важиблувал (актуализация).**

*Багъ (куь?), сал (куь?), кІвал (куь?), стха (ни?), баҳт (куь?), руш (ни?), ич (куь?), баде (ни?), хуърек (куь?), сим (куь?).*

-Аялар, доскадиз килиг. Доскадал ганвай гафар суалриз килигна, дегишарна, кхъихъ.

### **V. Аялар цИийи тарс къатIуниз гъазурун.**

-Куьне кхъей гафари гъихътин суалриз жавабар гузва?

- Абур гъи падеждин суалар я?

-Чун къе тарсuna, кvez чиз, квекай рахада? (*Актив падеждикай.*)

### **VI. Тарсунин темадай кІвалах.**

#### **Ктабдай кІвалах.**

*215-тапшуругъ (94-чин) – хуралай тамамарда.*

Нетижа: *Актив падежда авай существительнийри ни? куь? суалриз жаваб гуда.*

### **VII. Физкультминутка.**

### **VIII. Тарсунин темадай кІвалах давамарун.**

*216-тапшуругъ (94-чин) – жува-жуваз тамамарда.*

*217-тапшуругъ (94-чин) – хуралай тамамарда.*

### **Чал гегъеншарунин кІвалах.**

*96-чина ганвай шикилдиз килигна, са гъвечIи гъикая кхъихъ.*

## **IX. Рефлексия.**

Аялрин фикир доскадал кхъенвай предложенийрал желб ийида ва тапшуругъ кіелда. Тапшуругъ: *точкайрин чкадал хас тIварар актив падежда эцигиз, кхъихъ.*

1. ... кагъаз кхъизва. 2. ... шикилар чIугвазва. 3. ... багъдиз яд гузва. 4. ... багъда кIвалахзава. 5. ... лапагар хуъзва. 6. ... верчериз твар гузва. 7. ... фу чразва.

Аялри сада-садан кIвалах ахтармишда, къимет гуда.

## **X. Тарсунин нетижаяр къун.**

-Аялар, чун къе тарсуна квекай рахана?

-Актив падеждин суалар гъибур я?

## **XI. КIвализ кIвалах гун.**

*221-тапшуругъ (97-чин) – точкайр алай чкайрал хас тIварар, актив падежда эцигиз, кхъихъ. Актив падежда авай существительният ишилемиишна, са гъвечIи гъикая кхъихъ.*

## **25-ТАРС**

**Тарсунин тема:** Чал гегъеншарунин кIвалах. Сочинение. (**Къуыд алукъна.**)

**Мурад-метлеб:** фикирунин жигъетдай аялрин чIалан дүзгүнвал, галай-галайвал гегъеншарун; гафарин запас артухарун; аялрик фикир-фагъум, хиялар гегъеншардай вердишвилер кутун; чIалал рикI алаз вердишарун.

**Тадаракар:** интерактивный доска.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. Щийи тарс малумарун ва адан винел тухудай кIвалах.**

1. Муаллимдин гъахъунин сұғыбет.
2. Сочиненидин темадин гъавурда тун.
3. Муаллимдин күмекдалди план туъкIурун.

4. Пландикай менфят къачуна, сувьбет тукIуьрун.

5. Жува-жува сочинение кхъин.

### **III. Тарсунин нетижаяр къун.**

## **26-ТАРС**

**Тарсунин тема:** Талукъвилиин падеж.

**Мурад-метлеб:** аялар талукъвилиин падеждихъ ва адан суалрихъ галаз танишарун; гафар талукъвилиин падеждиз дегиш авунин алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

### **II. КIвалин кIалах ахтармишун.**

*221-тапшуругъ (97-чин).*

### **III. Гафарин диктант тухун.**

(*Четин гафарин мана муаллимди ачухарда.*)

*Палчух, щумал беден, ктабдин жайлд, майва, атиp, дезягъ.*

### **IV. Чирвилерин важиблувал (актуализация).**

(*Гад) ўиф, (къизил) гъилер, (рикI) дарман, (хуър) кIвал, (буба) бармак, (диde) насигъатар, (руши) ктаб.*

-Аялар, доскадиз килиг. Скобкойра авай гафар метлебдив къадайвал тукIуьриз, кхъихъ, суалар эциг.

### **V. Аялар цIийи тарс къатIуниз гъазурун.**

-Куыне кхъей гафари гъихътин суалриз жавабар гузва?

- Абур гъи падеждин суалар я?

-Чун къе тарсuna, квез чиз, квекай рапада? (*Талукъвилиин падеждикай.*)

### **VI. Тарсунин темадай кIалах.**

**Ктабдай кIалах.**

*222-тапшуругъ (97-чин) – хуралай тамамарда.*

Нетижа: *Талукъвилин падежда авай существительнийри нин? күн?* суалриз жаваб гуда.

## **VII. Физкультминутка.**

## **VIII. Тарсунин темадай кІвалах давамарун.**

*223-тапшуругъ (97-чин) – жува-жуваз тамамарда.*

*224-тапшуругъ (98-чин) – доскадал тамамарда.*

## **Яратмишунин кІвалах.**

*225-тапшурургъ (98-чин).*

## **IX. Рефлексия.**

Аялрин фикир доскадал кхъенвай предложенийрал желб ийида ва тапшуругъ кІелда. Тапшуругъ: *суалриз жавабар це.* *Талукъвилин падежда авай существительнияр лагъ.*

- 1. Чи республикадин меркез (столица) Махачкъала гыи гъульнуң къерехда ава?*
- 2. Мегъарамдухуър гыи вәңгүн къерехда ава? 3. Астрахань шегъер гыи вәңгүн сивее ава?*

## **X. Тарсунин нетижаяр къун.**

-Аялар, чун къе тарсuna квекай рахана?

-Талукъвилин падеждин суалар гыйбур я?

## **XI. КІвализ кІвалах гун.**

*226-тапшуругъ (98-99-чинар) – талукъвилин падежда авай существительныйяр квай предложенияр тетрадриз акъуд.*  
*Существительнийрин кІаникай үләр чыгуу, абууз суалар эциг.*

## **27-ТАРС**

**Тарсунин тема:** Гунугин падеж.

**Мурад-метлеб:** аялар гунугин падеждихъ ва адан суалрихъ галаз танишарун; гафар гунугин падеждиз дегиши авунин алакъунар, вердишвилер кутун ва гөгъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

### II. КІвалин кІвалах ахтармишун.

226-тапшуругъ (98-99-чинар).

### III. Гафарин диктант тухун.

(Четин гафарин мана муаллимди ачухарда.)

*Ярашугъ, тарифдин лист, уъзенг, зуърнечи, бацIияр, гурицIул, жсанавурри, катран шараг.*

### IV. Чирвилерин важиблувал (актуализация).

*Парчадиз гъар ранг,*

*Пурапиз уъзенг,*

*Гъар мектебдиз зенг,*

*Гъуърчехъандиз тфенг*

*XynI ярашугъ я.*

-Аялар, доскадиз килиг. Шиирдин цАарар кхыхъ, чIулавдиз ганвай гафарал суалар эциг.

### V. Аялар цIийи тарс къатIуниз гъазурун.

-Куыне чIулавдиз ганвай гафарал гъихътин суалар эцигна?

- Абур гъи падеждин суалар я?

-Чун къе тарсuna, квез чиз, квекай рахада? (*Гунугин падеждикай.*)

### VI. Тарсунин темадай кІвалах.

#### Ктабдай кІвалах.

229-тапшуругъ (99-чин) – хуралай тамамарда.

Нетижа: *Гунугин падежда авай существительнийри низ? квез? суалриз жаваб гуда.*

### VII. Физкультминутка.

### VIII. Тарсунин темадай кІвалах давамарун.

*230-тапшуругъ (100-чин) – жува-жуваз тамамарда.*

*231-тапшуругъ (100-чин) – доскадал тамамарда.*

*Нетижа: Предложенида гунугин падежда авай существительниди гъиниз? суалдиз чка къалурдайла жаваб гуда.*

## **IX. Рефлексия.**

Аялрин фикир доскадал кхъенвай предложенийрал желб ийида ва тапшуругъ келда. Тапшуругъ: *Гунугин падежда авай существительнияр жагъура ва абуран суалар эциг.*

*1. Муаллимдиз Кериман жаваб бегенмиши хъана. 2. Чи улькведа загъметчи инсандиз гъуьрмет ава. 3. Чун школадиз фена. 4. Али классдиз гъахъна. 5. Аялар музейдиз фена. 6. Мугъманар чи хуьруьз атана.*

## **X. Тарсунин нетижаяр къун.**

-Аялар, чун къе тарсuna квекай рахана?

-Гунугин падеждин суалар гъибур я?

-Гунугин падежда авай существительнийри низ? суалдиз мус жаваб гуда?

-Квез? суал гъихътин существительнийрал эцигда?

-Предложенида гунугин падежда авай существительниди гъиниз? суалдиз мус жаваб гуда?

## **XI. Ківализ ківалах гун.**

*238-тапшуругъ (102-чин) «Дибдин падежар» темадай ахтармишунин ківалах кхъихъ.*

## **28-ТАРС**

**Тарсунин тема:** Са слогдин существительнияр падежриз дегиш хъун.

**Мурад-метлеб:** аялар са слогдин существительнияр падежриз дегиш хъунин са бязи къетленрихъ галаз танишарун; са слогдин существительнияр падежриз дегиш авунин алакъунар, вердишвилер кутун ва гегъеншарун; Чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. КІвалин кІвалах ахтармишун.**

*238-тапшуругъ (102-чин) «Дибдин падежар» темадай ахтармишунин кІвалах кхъихъ.*

### **III. Гафарин диктант тухун.**

*(Четин гафарин мана муаллимди ачухарда.)*

*Темезхан, рапрап гүн, пакаман лаз, зегъметчири, гъикааяр, шаирри, темягъкар.*

### **IV. Чирвилерин важиблувал (актуализация).**

*Асул падеж хел ىал фу хак*

*Актив падеж*

*Талукъвилин падеж*

*Гунугин падеж*

-Аялар, доскадиз килиг. Са слогдин существительният дибдин падежриз дегишара.

### **V. Аялар цИийи тарс къатIуниз гъазурун.**

-Аялар, со слогдин существительният падежриз дегишардайла, күне вуч къатIана?

### **VI. Тарсунин темадай кІвалах.**

**Ктабдай кІвалах.**

*239-тапшуругъ (103-чин) – хуралай тамамарда.*

*Нетижа: Са слогдин бязи существительният падежриз дегии жедайла, дибдик квай ачух сес арадай акъатда ва я ачух е сес и сесиниз дегии жеда.*

### **VII. Физкультминутка.**

### **VIII. Тарсунин темадай кІвалах давамарун.**

*240-тапшуругъ (103-чин) – жува-жуваz тамамарда.*

*241-тапшуругъ (104-чин) – доскадал тамамарда.*

### **IX. Рефлексия.**

Аялрин фикир доскадал кхъенвай са слогдин существительнийрал желб ийида ва тапшуругъ келда. Тапшуругъ: *Са слогдин существительнияр дидбин падежриз дегишарна, кхъихъ.*

*Хъач, кар, хъар, хъел.*

Аялри сада-садан ківалах ахтармишда, къимет гуда.

#### **X. Тарсунин нетижаяр къун.**

-Аялар, чун къе тарсуна квекай рахана?

-Са слогдин бязи существительнияр падежриз дегиш жедайла, дибда гъихътин дегишишлиер кыле фида?

#### **XI. Ківализ ківалах гун.**

*244-тапшуругъ (104-чин) – цийиз арадал атай гафар гзафвилиң къадарда кхъихъ.*

### **29-ТАРС**

**Тарсунин тема:** Существительнийрин падежрин эхирар дуъз кхъин.

**Мурад-метлеб:** аялар существительнийрин падежрин эхирар дуъз кхъидай къайдайрихъ галаз танишарун (-уни, -ади, -еди); существительнийрин падежрин эхирар дуъз кхъинин алакъунар, вердишилиер кутун ва гегъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

#### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

#### **II. Ківалин ківалах ахтармишун.**

*244-тапшуругъ (104-чин) – цийиз арадал атай гафар гзафвилиң къадарда кхъихъ.*

#### **III. Гафарин диктант тухун.**

*(Четин гафарин мана муаллимди ачухарда.)*

*Мум, лум, гъульм.*

#### **IV. Чирвилерин важиблувал (актуализация).**

*Асул падеж бахт къум вирт*

**Актив падеж**

-Аялар, доскадиз килиг. Са слогдин существительният актив падежда эцигиз, кхъихъ.

#### **V. Аялар цийи тарс къатпуниз гъазурун.**

-Аялар, кульне актив падежда эцигай гафара гъихътин эхирар хъана?

-Чун къе тарсuna квекай рахада? (*Актив падеждин эхирдиз -уни, -ади, -еди къведай существительниятрикай.*)

#### **VI. Тарсунин темадай къалах.**

**Ктабдай къалах.**

*245-тапшуругъ (105-чин).*

#### **VII. Физкультминутка.**

#### **VIII. Тарсунин темадай къалах давамарун.**

*246-тапшуругъ (105-чин) – жува-жуваз тамамарда.*

Нетижа: *Чин дубда а ва я у сес авай, ачух тушир сесиналди күтаягъ жезвай са слогдин существительният, адем яз, актив падеждин эхирда -уни, -ади аваз кхъида.*

*249-тапшуругъ (106-чин) – доскадал тамамарда.*

Нетижа: *Чин дубда и, уь, е сесер авай, ачух тушир сесиналди күтаягъ жезвай са слогдин существительният, адем яз, актив падеждин эхирда -еди аваз кхъида.*

#### **IX. Рефлексия.**

Аялрин фикир доскадал кхъенвай са слогдин существительният желб ийида ва тапшуругъ келда. Тапшуругъ: *Са слогдин существительният актив падежда эцигиз, кхъихъ.*

*Раб, хатI, къук, каф, шим, цуук.*

Аялри сада-садан къалах ахтармишда, къимет гуда.

#### **X. Тарсунин нетижаяр къун.**

-Аялар, чун къе тарсuna квекай рахана?

-Гъихътин са слогдин бязи существительнийрин эхирдиз актив падежда **-уни**, **-ади**, **-еди** эхирар къведа ?

## **XI. КІвализ кІвалах гун.**

*250-тапшуругъ (106-чин) – ганвай существительнияр актив падежда эциг ва абур кутуна, предложенияр түккілурна кхыхъ.*

### **30-ТАРС**

**Тарсунин тема:** **-Вал** суффикс галай существительнияр.

**Мурад-метлеб:** **-вал** суффикс галай существительнияр падежриз дегиши хъайила, суффиксдин **а** сес и сесиниз элкъведай дұышушрихъ галаз танишарун; **-вал** суффикс квай существительнияр падежриз дегишардай алакъунар, вердишвилер кутун ва гегъеншарун; Чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

#### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

#### **II. КІвалин кІвалах ахтармишун.**

*250-тапшуругъ (106-чин) – ганвай существительнияр актив падежда эциг ва абур кутуна, предложенияр түккілурна кхыхъ.*

#### **III. Гафарин диктант тухун.**

*(Четин гафарин мана муаллимди ачухарда.)*

*Уыткем, намуслу, вафалу, шартI.*

#### **IV. Чирвилерин важиблувал (актуализация).**

*Асул падеж уыткемвал сабурлувал инсанвал*

*Актив падеж*

**Талукъвилин**

**Гунугин падеж**

-Аялар, доскадиз килиг. Уыткемвал, сабурлувал, инсанвал гафара гъихътин суффиксар ава? Абур дибдин падежриз дегишара.

## **V. Аялар ңийи тарс къатIуниз гъазурун.**

-Аялар, асул падеждилай тафаватлу яз, актив, талукъвилин, гунугин падежра дегишрай гафарихъ күне гъихътин дегишвилер хъайиди къатIана ?

-Чун      къе      тарсuna      квекай      рахада?      (-*Вал* суффикс      галаи  
существительнийрикай.)

## **VI. Тарсунин темадай кIалах.**

### **Ктабдай кIалах.**

*251-тапшуругъ (107-чин).*

Нетижа: *Асул падежда -вал суффикс квай существительнийра, падежриз дегииш жедайла, -вал суффиксдин a сес и сесиниз элкъведа.*

### **VII. Физкультминутка.**

## **VIII. Тарсунин темадай кIалах давамарун.**

*252-тапшуругъ (107-чин) – жува-жуваz тамамарда.*

*253-тапшуругъ (108-чин) – доскадал тамамарда.*

### **Чал гегъеншарунин кIалах.**

*109-чин. Шикилдай кIалах тухун.*

## **IX. Рефлексия.**

Аялрин фикир доскадал кхъенвай предложенийрал желб ийида ва тапшуругъ кIелда. Тапшуругъ: *Скобайра ганвай существительният лазим тир падежда эцигиз, кхъихъ. -вал суффиксда гъихътин дегишвал жезватIа, лагъ.*

1. *Цийи иисаз гъазурна (гъалибвал) савкъатар, кIватIнава чи халкъари мадни чIехи къуватар (Ш.-Э. Мурадов).* 2. *Гъар жуъредин (четинвал) давамна, вун я, диде, зун арадиз гъайиди.* 3. *(Дидевал) шартIар вири тамамна, жуъреба-жуъре зиянрикай хвейиди (Х.Тагыр).* 4. *Чун адан гузелвилери, шикилри, (жумартвал) мягъкем ийизва.* 5. *Гъавиляй чак гъамиша (шадвал), лекъерик хъиз, лувар кутунва.*

Аялри сада-садан кIалах ахтармишда, къимет гуда.

## **X. Тарсунин нетижаяр къун.**

-Аялар, чун къе тарсuna квекай рахана?

- Асул падежда **-вал** суффикс квай существительнийра, падежклиз дегиш жедайла, **-валсуффиксдин а сес гъи сесиниз элкъведа?**

## **XI. КІвализ кІвалах гун.**

*256-тапшуругъ (109-чин) – ганвай гафариз манадин жигъетдай акси гафар жасагъуриз, кхыхъ.*

### **31-ТАРС**

**Тарсунин тема:** **-Вал** суффикс квай существительният гзафвилин къадарда.

**Мурад-метлеб:** **-вал** суффикс галай существительният гзафвилин къадарда актив падеждин эхирда **-ери** аваз кхьидай дуышушрихъ галаз танишарун; гзафвилин къадарда **-вал** суффикс квай существительният падежклиз дегишардай алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

#### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

#### **II. КІвалин кІвалах ахтармишун.**

*256-тапшуругъ (109-чин) – ганвай гафариз манадин жигъетдай акси гафар жасагъуриз, кхыхъ.*

#### **III. Гафарин диктант тухун.**

*(Четин гафарин мана муаллимди ачухарда.)*

*Гъейранарун, дурумун, кIубан, къитIвал.*

#### **IV. Чирвилерин важиблувал (актуализация).**

-Аялар, доскадиз килиг. *КичIевал, регъульвал, намуслувал* гафар сифте гзафвилин къадарда, ахпа актив падежда эцигиз, кхыхъ.

#### **V. Аялар цИийи тарс къатIуниз гъазурун.**

-Аялар, асул падеждилай тафаватлу яз, актив падежда гафарихъ күнене гъихътин дегишвилер хъайиди къатIана?

-Чун къе тарсuna квекай рахада? (*-Вал суффикс квай существительният гзафвилин къадарда.*)

## **VI. Тарсунин темадай кІвалах.**

### **Ктабдай кІвалах.**

259-тапшуругъ (111-чин).

Нетижа: *-Вал суффикс квай существительният гзафвилин къадарда актив падеждин эхирда -ери аваз кхъида.*

## **VII. Физкультиминутка.**

## **VIII. Тарсунин темадай кІвалах давамарун.**

258-тапшуругъ (110-чин) – хуралай.

### **Чал гегъеншарунин кІвалах.**

Тапшуругъ: *Доскадал ганваймисалрин мана ачухара. Абурай -вал суффикс квай гафар жагъура. Абурун падеж тайинара.*

1. Вуна дуъзвал хувьз, вун дуъзвили хувьда. 2. Хъсанвилиз хъсанвал гъар са касдин кар я, писвилиз хъсанвал мерд итимдин кар я. 3. Келун – экуьвал, кел тавун буъркуювал я. 4. Бубадин чирвили хцикай алым ийидач.

## **IX. Рефлексия.**

Аялрин фикир доскадал кхъенвай гафарал желб ийида ва тапшуругъ кІелда.

Тапшуругъ: *Доскадал ганвай -вал суффикс квай существителнииз къарши гафар жагъуриз, абур гзафвилин къадарда, актив падежда эцигиз, кхъихъ.*

*Шадвал-..., игитвал-..., викIегъвал-..., булвал-..., ширинвал-..., кIанивал-..., чимивал-..., къакъанвал-..., къезилвал-... .*

Аялри сада-садан кІвалах ахтармишда, къимет гуда.

## **X. Тарсунин нетижаяр къун.**

-Аялар, чун къе тарсuna квекай рахана?

- Квез вуч чир хъана?

## **XI. КІвализ кІвалах гун.**

261-тапшуругъ (31-чин) – ганвай гафариz къарши мана квай гафар жагъуриз, кхъихъ. Суффиксдин кIаникай цIар чIугу.

## 32-ТАРС

**Тарсунин тема:** Асул падежда гзафвилиин къадардин эхирдиз **-ар,-яр** къведай существительнияр.

**Мурад-метлеб:** асул падежда гзафвилиин къадардин эхирдиз **-ар,-яр** къведай существительнийрихъ галаз танишарун; гзафвилиин къадарда эхирдиз **-ар,-яр** къведай существительнияр падежриз дегишардай алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

### Тарсунин финиф

#### I. Тарс тешкилун.

(*Тарс тухун патал аялрихъ авай гъазурвал ахтармишун.*)

#### II. КІвалин кІвалах ахтармишун.

261 - тапшуругъ (31-чин) – ганвай гафариz къарши мана квай гафар жагъуриз, кхыхъ. Суффиксдин кIаникай цIар чIугу.

#### III. Гафарин диктант тухун.

(Четин гафарин мана муаллимди ачухарда.)

*Пилтеяр, тегъенгар, таяяр, тула.*

#### IV. Чирвилерин важиблувал (актуализация).

-Аялар, доскадиз килиг. *Къаст, сал, шал, тум, ранг, хали, пIини, баласуществительнияр гзафвилиин къадарда эцигиз, кхыхъ.*

#### V. Аялар цIийи тарс къатIуниз гъазурун.

-Аялар, куыне гзафвилиин къадарда эцигай гафариz гъихътин эхирар хъана?  
Абур лишандалди къалура.

-Чун къе тарсuna квекай рапада? (*Асул падежда гзафвилиин къадардин эхирдиз **-ар, -яр** къведай существительнийрикай.*)

#### VI. Тарсунин темадай кІвалах.

##### Ктабдай кІвалах.

262-тапшуругъ (II2-чин) хуралай.

Нетижа: *Са* слогдин существительнийрин дувулдик **a**, **y**, **o** кваз хъайтla, гзафвилин къадарда абурун эхирдиз **-ap** къведа.

## **VII. Физкультиминутка.**

### **VIII. Тарсунин темадай кІвалах давамарун.**

*263-тапшуругъ (113-чин) – жува-жуваз тамамарун.*

*264-тапшуругъ (113-чин)-доскадал тамамарда.*

Нетижа: *Ачух сесиналди күтмягъ жезвай вири существительнийрин эхирдиз гзафвилин къадарда **-яр** къведа.*

### **Чал гегъеншарунин кІвалах.**

Тапшуругъ: *Доскадал ганвай саулриз жавабар кхыхъ.*

1. (*Вуж?*) школадиз виридалай фад атана.

2. (*Ни?*) школадин багъда кІвалахна.

3. (*Нин?*) кхынар виридалай гуърчегбур я.

4. *Школадин директорди (низ?) чухсагъул малумарна.*

## **IX. Рефлексия.**

Аялрин фикир доскадал кхъенвай гафарал желб ийида ва тапшуругъ кІелда.

Тапшуругъ: *Доскадал ганвай существительният гзафвилин къадарда эциг.*

*Ахна абур кваз предложеният тутькIура.*

*Комбайн, дагъви, багъманчи, дурна, халича, далдамчи.*

Аялри сада-садан кІвалах ахтармишда, къимет гуда.

## **X. Тарсунин нетижаяр къун.**

-Аялар, чун къе тарсuna квекай рахана?

- Квез цИийи вуч чир хъана?

## **XI. КІвализ кІвалах гун.**

*269-тапшуругъ (115-чин) – гзафвилин къадарда эхирда **-ap,-яр** авай существительният тетрадриз акъуд. Абурун эхирар къалура.*

## **33-ТАРС**

**Тарсунин тема:** Чал гегъеншарунин кІвалах. Сочинение. (**Гатфар.**)

**Мурад-метлеб:** фикирунин жигъетдай аялрин чIалан дуъзгүйвал, галай-галайвал гегъеншарун; гафарин запас артухарун; аялрик фикир-фагъум, хиялар гегъеншардай вердишвилер кутун; чIалал рикI алаз вердишарун.

**Тадаракар:** интерактивный доска.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

### II. Щийи тарс малумарун ва адан винел тухудай кIалах.

1. Муаллимдин гъахъунин сувьбет.
2. Сочиненидин темадин гъавурда тун.
3. Муаллимдин къумекдалди план түкIурун.
4. Пландикай менфят къачуна, сувьбет түкIурун.
5. Жува-жува сочинение кхъин.

### III. Тарсунин нетижаяр къун.

## 34-ТАРС

**Тарсунин тема:** Гзафвилин къадарда существительнийрин эхирдиз - ер къведай дульшушар.

**Мурад-метлеб:** гзафвилин къадарда существительнийрин эхирдиз - ер къведай дульшушрихъ галаз танишарун; гзафвилин къадарда эхирдиз - ер къведай существительнияр падежиз дегишардай алакъунар, вердишвилер кутун ва гегъеншарун; чIалал рикI алаз вердишарун.

**Тадаракар:** интерактивный доска, 4-классдин «Лезги чIал» ктаб.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

## **II. КІвалин кІвалах ахтармишун.**

269-тапшуругъ (115-чин) – гзафвилин къадарда эхирда **-ар**, **-яр** авай существительнияр тетрадриз акъуд. Абурун эхирар къалура.

## **III. Гафарин диктант тухун.**

(Четин гафарин мана муаллимди ачухарда.)

Хвал, къушар, яргъан, чукIулар, бағыламаяр, азият, лұтквеяр, къурар.

## **IV. Чирвилерин важиблувал (актуализация).**

-Аялар, доскадиз килиг. *КіннтI, күйк, кыл, кел, сят*, эл существительнияр гзафвилин къадарда эцигиз, кхыхъ.

## **V. Аялар цIийи тарс къатПуниз гъазурун.**

-Аялар, күне гзафвилин къадарда эцигай гафариз гъихътин эхирар хъана?  
Абур лишандалди къалура.

-Чун къе тарсuna квекай рахада? (*Гзафвилин къадарда существительнийрин эхирдиз -ер къведай дұышуширикай.*)

## **VI. Тарсунин темадай кІвалах.**

### **Ктабдай кІвалах.**

271-тапшуругъ (116-чин).

Нетижа: Чин дувулда **и**, **ү**, **ә**, **(e)**, **я** сесерикай сад авай са слогдин существительнийрин эхирдиз гзафвилин къадарда **-ер** къведа.

## **VII. Физкультминутка.**

## **VIII. Тарсунин темадай кІвалах давамарун.**

273-тапшуругъ (II7-чин) – жува-жуваз тамамарун.

## **IX. Рефлексия.**

Аялрин фикир доскадал кхъенвай тапшуругъдал желб ийида.

Тапшуругъ: Гзафвилин къадарда эхирдиз **-ер**, **-яр** къведай күуд существительное фикирна, кхыхъ ва абур кваз къве предложение түкIуьра.  
Аялри сада-садан кІвалах ахтармишда, къимет гуда.

## **X. Тарсунин нетижаяр күн.**

-Аялар, чун къе тарсuna квекай рахана?

- Квез цIийи вуч чир хъана?

## **XI. КІвализ кІвалах гун.**

*276-тапшуругъ (П8-чин) – предложенияр точкаяр алай чкайрал манадихъ къадай гзафвилиниң къадарда авай существительнияр эцигиз, кхъихъ.*

### **35-ТАРС**

**Тарсунин тема:** Актив падеждин эхирда **-йри** аваз кхъидай существительныйяр.

**Мурад-метлеб:** актив падеждин эхирда **-йри** аваз кхъидай существительныйрихъ галаз танишарун; актив падеждин эхирда **-йри** къедай существительныйяр падежриз дегишардай алакунар, вердишвилер кутун ва гегъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

#### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

#### **II. КІвалин кІвалах ахтармишун.**

*276-тапшуругъ (118-чин).*

#### **III. Гафарин диктант тухун.**

*(Четин гафарин мана муаллимди ачухарда.)*

*Фялеяр, декъикъаяр, къаравилияр, къисаяр, мұмтұғызғъ хъун.*

#### **IV. Чирвилерин важиблувал (актуализация).**

-Аялар, доскадиз килиг. *Буба, рухва, амле, дере, бегъле* существительныйяр гзафвилиниң къадарда эциг. Гзафвилиниң къадарда аваз кхъей существительныйяр ахпа актив падежда эцигиз, кхъихъ.

#### **V. Аялар үзілік тарс къатпуниз гъазурун.**

-Аялар, күнде гзафвилиниң къадарда эцигай гафариз гъихътин эхирар хъана? Абур лишандалди къалура.

-Чун къе тарсунаның квекай рахада? (*Актив падеждин эхирда **-йри** аваз кхъидай существительныйрикай.*)

## **VI. Тарсунин темадай кІвалах.**

### **Ктабдай кІвалах.**

*277-тапшуругъ (118-чин)- доскадал тамамарда.*

Нетижа: *Асул падежда гзафвилин къадардин эхирдиз -яр къведай существительнияр актив падежда гъамиша -йри аваз кхьида.*

### **VII. Физкультминутка.**

## **VIII. Тарсунин темадай кІвалах давамарун.**

*278-тапшуругъ (119-чин) – жува-жуваз тамамарун.*

*279-тапшуругъ (119-чин)-доскадал тамамарда.*

### **Чал гегъеншарунин кІвалах.**

*I20-чина ганвай шикилдай сувгъбет ая.*

### **IX. Рефлексия.**

Аялрин фикир доскадал кхъенвай тапшуругъдал желб ийида.

Тапшуругъ: *доскадал ганвай гафарикай предложенияр туыкIуьра.*

1. Рабочияр, совхоздин, багълар, ичер, кІватIун.

2. Рушар, гадаяр, чин дидейриз, күмек гун.

3. Дагъвияр, чин азадвал патал, женг чIугун.

4. Тарлан Мамедов, манияр, чун, гъейранарун.

5. Диде-бубаяр, чин веледар патал, женг чIугун.

Аялри сада-садан кІвалах ахтармишда, къимет гуда.

### **X. Тарсунин нетижаяр къун.**

-Аялар, чун къе тарсуна квекай рахана?

- Кvez цIийи вуч чир хъана?

### **XI. КІвализ кІвалах гун.**

*280-тапшуругъ (II9-чин) – ганвай гафар кваз предложенияр туыкIуьрна, кхъихъ.*

## **36-ТАРС**

Тарсунин тема: Гзафвилин къадарда эхирда къве р къведай существительнияр.

**Мурад-метлеб:** гзафвилин къадарда эхирда къве **р** къведай существительнийрихъ галаз танишарун; гзафвилин къадарда эхирда къве **р** къведай существительнияр падежлиз дегишардай алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги Чал» ктаб.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

### II. КІвалин кІвалах ахтармишун.

*280-тапшуругъ (119-чин).*

### III. Гафарин диктант тухун.

(*Гафар муаллимди вичин хушиналди хкяда ва четин гафарин мана ачухарда.*)

### IV. Чирвилерин важиблувал (актуализация).

Аялрин фикир доскадал кхъенвай гафарал желб ийида ва абур муаллимдин күмекдалди дибдин падежлиз дегишарда.

*Газарар, лежберар, суварар.*

### V. Аялар цИийи тарс къатIуниз гъазурун.

-Аялар, күне падежлиз дегишарай гафара вуч къатIана?

-Чун къе тарсuna гзафвилин къадарда эхирда къве **р** къведай существительнийрикай рапада.

### VI. Тарсунин темадай кІвалах.

#### Ктабдай кІвалах.

*283-тапшуругъ (121-чин)- доскадал тамамарда.*

Нетижа: *Теквилин къадардин эхирда -р существительнийра гзафвилин къадарда падежлиз дегиши хъайила, къве -р кхъида.*

### VII. Физкультминутка.

### VIII. Тарсунин темадай кІвалах давамарун.

*286-тапшуругъ (122-чин) – доскадал тамамарда.*

*288-тапшуругъ (123-чин)- жува-жуваз тамамарун.*

**Аялар существительният морфологиядин жигъетдай разбор авунин чешнедихъ галаз танишарун.**

(Муаллимди танишарда).

#### **IX. Рефлексия.**

Аялрин фикир доскадал кхъенвай тапшуругъдал желб ийида.  
Тапшуругъ: доскадал ганвай существительният гзафвилин къадарда эцигиз,  
падежриз дегишара.

**Чешне:** шалвар-шалварап, шалвари, шалваррин, шалвариз.

*Чүнгүр, шифер.*

Аялри сада-садан кІвалах ахтармишда, къимет гуда.

#### **X. Тарсунин нетижаяр къун.**

-Аялар, чун къе тарсuna квекай рахана?

- Существительнийрин эхирда къве **p** мус кхъида?

#### **XI. КІвализ кІвалах гун.**

*287-тапшуругъ (122-чин) – ганвай гафарикий предложеният түккүйра.*

*Къве p аваз кхъидай гафар лагъ.*

### **37-ТАРС**

**Тарсунин тема:** «Существительное» темадай ахтармишунин кІвалах тухун.

**Мурад-метлеб:** «Существительное» темадай къачур чирвилер, алакъунар ахтармишун.

**Тадаракар:** интерактивный доска, 4-классдин «Лезги чал» ктаб.

#### **Тарсунин финиф**

##### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

##### **II. Щийи тарс малумарун ва аялриз ахтармишунин тапшуругъар гун.**

*289-тапшуругъ (123-чин). Суалриз жавабар гуда.*

Аялри чпи-чпиз кІвалахда.

(Тапшуругъар муаллимди вичин хушунал хжанавайбур, я түштәа вичи туыктуынавайбур гайитәани жеда.)

### **III. Тарсунин нетижаяр къун.**

## **38-ТАРС**

**Тарсунин тема:** Ахтармишунин диктант. (**Бакланар**)

**Мурад-метлеб:** аялрин орфографиядин ва пунктуациядин савадлувал ахтармишун.

**Тадаракар:** интерактивный доска, диктантирин ківатыл.

## **Тарсунин финиф**

### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

### **II. Ішійи тарс малумарун ва адаптациялар.**

I. Четин гафарин винел ківалах.

Чалагъан-къуватлу, еке лувар квай, ківалин къушар недай вагьши къуш; *къарап*.

2. Текст муаллимди кіелун.

### *Бакланар*

*Балугъар къаз кіандай къушар ава. Абуру акунрай чалагъандиз ухиар я. И къушариз бакланар лугъуда. Балугъар нез акуна, са вахтунда и къушар бязи чкайра терг авунин къарап къабулнай. Дунай ваңI авахъздавай чкада абуру михъиз къирмишинай... Ахна ина балугъар гзаф къадарралди реквизит башламишина.*

*Ахтармишина чир хъайивал, бакланри анжаса азарлу балугъар незвай къван! Гъа икI и къушари, халис санитарри хъиз, балугъирин сағъламвал хұззвай. И кар чир хъайидалай къулухъ бакланрик мад садани хұзкүрнач. («Кард» журналдай.)*

3. Текст муаллимди аттас-аттас кіелде, аялри кхында.

4. Текст ішійи кылелей кіел хъувун.

### **III. Тарсунин нетижаяр къун.**

#### **39-ТАРС**

**Тарсунин тема:** Прилагательное.

**Мурад-метлеб:** алатай классра прилагательнидикай къачур чирвилер тикрарун; прилагательнидин мана-метлеб дериндай ачухарун; прилагательнияр рахунра дуъз ишлемишдай алакъунар, вердишвилер кутун ва гегъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

#### **Тарсунин финиф**

##### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

##### **II. Ахтармишунин диктант анализ авун ва гъалатIрин винел кIвалах тухун.**

##### **III. Алатай тарсарай суалар гун.**

1. Существительное квез лугъуда?
2. Существительнияр гъихътинбур жеда?
3. Дибдин падежар гъибур я?
4. Падежриз дегии жедайла, **-вал** суффиксда **a** сес гъи сесиниз элкъведа?
5. Гъихътин существительнийрин эхирда **-йри** кхъида?
6. Существительнийрин эхирда къве **p** мус кхъида?

##### **IV. Гафарин диктант тухун.**

(*Гафар муаллимди вичин хушуналди хкяда ва четин гафарин мана ачухарда.*)

*ВерцIи, дуъзен...*

##### **V. Чирвилерин важиблувал (актуализация).**

Аялрин фикир 296-тапшуругъдал желб ийида.

##### **VI. Аялар цIийи тарс къатIуниз гъазурун.**

-Аялар, куыне существительнийрихъ галаз акъудай **гъихътин?** суалдиз жаваб гузтай гафар гъи чалан паюоник акатда?

-Чун къе тарсuna квекай рахада? (*Прилагательнийрикай.*)

## **VII. Тарсунин темадай кІвалах.**

### **Ктабдай кІвалах.**

297-тапшуругъ (126-чин)- суалриз жавабар гуда.

Нетижа: **Гъихътин?** гъи? суалриз жаваб гудай ва замарин лишанар къалурдай гафариз прилагательнияр лугъуда.

## **VIII. Физкультминутка.**

### **IX. Тарсунин темадай кІвалах давамарун.**

298-тапшуругъ (126-чин) – жува-жуваz тамамарун.

299-тапшуругъ (127-чин) - доскадал тамамарда.

### **Чал гегъеншарунин кІвалах.**

302-тапшуругъ (128-чин).

## **X. Рефлексия.**

Аялрин фикир доскадал кхъенвай тапшуругъдал желб ийида.

Тапшуругъ: манадив къадай прилагательнияр гилиг хъия.

1. Рангунин жигъетдай: пеш (гъихътин?)..., үав (гъихътин?)..., чагъ (гъихътин?)....

2. Дадунин жигъетдай: ич (гъихътин?)..., анар (гъихътин?)..., чичек (гъихътин?)....

3. Материалдин жигъетдай: тупал (гъихътин?)..., үал (гъихътин?)..., рак (гъихътин?)....

## **XI. Тарсунин нетижаяр къун.**

-Аялар, чун къе тарсuna квекай рахана?

- Кvez прилагательнидикай цийи вуч чир хъана?

## **XII. КІвализ кІвалах гун.**

301-тапшуругъ (127-чин) – прилагательнияр жагъура, абурун кіаникай үлар чүгү.

## **40-тарс**

**Тарсунин тема:** Прилагательнийр, гзафвилин къадарда эхирда у гъарф хвена, кхьин.

**Мурад-метлеб:** аялар прилагательнийра гзафвилин къадарда эхирда у гъарф хвена кхьидай дульшувшихъ галаз танишарун; прилагательнийра гзафвилин къадарда эхирда у гъарф хвена кхьидай алакъунар, вердишвилер кутун ва гегъеншарун; чалал рикI алаz вердишарун.  
**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

#### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

#### **II. КІвалин кІвалах ахтармишун.**

*301-тапшуругъ (127-чин).*

#### **III. Гафарин диктант тухун.**

*(Гафар муаллимди вичин хушуналди хкяда ва четин гафарин мана ачухарда.)*

*Къилих...*

#### **IV. Чирвилерин важиблувал (актуализация).**

Аялрин фикир 310-тапшуругъдал желб ийида.

#### **V. Аялар цИийи тарс къатПуниз гъазурун.**

-Аялар, тапшуругъда ганвай предложенийра гзафвилин къадарда авай прилагательнийрин эхирра **Р** гъарфунилай вилик гъи гъарф къвезва?

-Чун къе тарсuna квекай рапада?

#### **VI. Тарсунин темадай кІвалах.**

##### **Ктабдай кІвалах.**

*311-тапшуругъ (131-чин)- доскадал тамамарда.*

Нетижа: **Гъихътин? гъи?** суалриз жаваб гудай ва затIарин лишанар къалурдай гафариз прилагательнийр лугъуда..

#### **VII. Физкультминутка.**

#### **VIII. Тарсунин темадай кІвалах давамарун.**

*312-тапшуругъ (132-чин) – доскадал тамамарда.*

Нетижа: Прилагательнийрин гзафвилин къадарда вири падежрин эхирра ргъарфунилай вилик у гъарф хвена, кхъида.

### **Чал гегъеншарунин кІвалах.**

*132-чина ганвай шикилдай «ХъультIуын югъ» кыл гана, са куьруь сочинение кхъихъ.*

### **IX. Рефлексия.**

Аялрин фикир доскадал кхъенвай тапшуругъдал желб ийида.

Тапшуругъ: доскадал ганвай прилагательнияр теквилин ва гзафвилин къадарра эцигиз, кхъихъ.

*Къакъан, къувзув, еке, гуърчег, элкъвей, мягъкем, гъяркъув, къумрал, яхун, иер.*

### **X. Тарсунин нетижаяр къун.**

-Аялар, чун къе тарсuna квекай рахана?

- Кvez прилагательнидикай цийи вуч чир хъана?

### **XI. КІвализ кІвалах гун.**

*314-тапшуругъ (133-134-чинар) – рассказдин чIукунай прилагательнияр жагъура ва тетрадра кхъихъ.*

## **41-тарс**

**Тарсунин тема:** Прилагательнияр дибдин падежриз дегиши хъун.

**Мурад-метлеб:** прилагательнияр дибдин падежриз дегишарун; прилагательнияр дибдин падежриз дегишардай алакъунар, вердишвилер кутун ва гегъеншарун; Чалал рикI алаz вердишарун.

**Тадаракар:** интерактивный доска, 4-классдин «Лезги Чал» ктаб.

### **Тарсунин финиф**

#### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

#### **II. КІвалин кІвалах ахтармишун.**

*314-тапшуругъ (133-134-чинар)*

#### **III. Гафарин диктант тухун.**

*(Гафар муаллимди вичин хушиналди хкяда ва четин гафарин мана ачухарда.)*

Зегъемлу...

#### **IV. Чирвилерин важиблувал (актуализация).**

Аялрин фикир ктабдин I34-чина ганвай таблицадал желб ийида.

#### **V. Аялар цИийи тарс къатПуниз гъазурун.**

-Аялар, прилагательнияр падежриз дегиши жедани?

-Чун къе тарсуна квекай рахада? (*Прилагательнияр дубдин падежриз дегиши хъуникай.*)

#### **VI. Тарсунин темадай кІвалах.**

##### **Ктабдай кІвалах.**

*316-тапшуругъ (134-чин)- доскадал тамамарда.*

##### **VII. Физкультминутка.**

##### **VIII. Тарсунин темадай кІвалах давамарун.**

*317-тапшуругъ (135-чин) – жува-жуваз тамамарда.*

*319-тапшуругъ (135-чин)- доскадал тамамарда.*

Нетижа: *Существительнийрихъ галайла, прилагательняр падежриз дегиши жедач, анжасах существительняр дегиши жеда.*

##### **Яратмишунин кІвалах.**

*Скобкойра ганвай гафарикий прилагательняр арадал гъваш ва абур существительнийрихъ галаз жуьтера тваз, кхыхъ.*

*Гульгүй (буй); гъед (экунин); уьмуър (бахт); кукIуш (дагъ); тишкеш (къимет); дуст (играмивал); кІвал (къван); циф (пакама); зегъемвал (гад); хабар (шадвал).*

#### **IX. Рефлексия.**

Аялрин фикир доскадал кхъенвай тапшуругъдал желб ийида.

*Тапшуругъ: прилагательняр дубдин падежриз дегишара.*

*Къакъан, гуърчег, элкъвей, мягъкем.*

#### **X. Тарсунин нетижаяр къун.**

-Аялар, чун къе тарсуна квекай рахана?

- Квез прилагательняр падежриз дегиши хъуникай вуч чир хъана?

## **XI. КІвализ кІвалах гун.**

*320-тапшуругъ (135-чин) – ганвай прилагательнийиз манадин жигъетдай къанишарбур жагъурна, жуътера тваз, кхъихъ.*

### **42-ТАРС**

**Тарсунин тема:** Прилагательнийрин эхирап дувз кхъин.

**Мурад-метлеб:** прилагательнийрин эхирап дувз кхъидай къайдайрихъ галаз танишарун; прилагательнийрин эхирап дувз кхъидай алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

#### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

#### **II. КІвалин кІвалах ахтармишун.**

*320-тапшуругъ (135-чин).*

#### **III. Группайра кІвалах.**

Тапшуругъ: *прилагательнияр, къалурзавай лишандиз килигна, пуд чкадал пайна, кхъихъ.*

*I-группа: ранг къалурзавай прилагательнияр.*

*2- группа: дад къалурзавай прилагательнияр.*

*3-группа: материал (авунвай затI) къалурзавай прилагательнияр.*

*Хъили цуьк, жирдин туп, ширин чуьхвер, вили шим, тулькуъл дарман, картондин къвати, къацу дугун, цуру хват, магъидин регъ.*

#### **IV. Чирвилерин важиблувал (актуализация).**

Аялрин фикир 321-тапшуругъдал (136-чин) желб ийида.

#### **V. Аялар цИйи тарс къатПуниз гъазурун.**

-Аялар, тапшуругъда ганвай предложенийра прилагательнияр кхъинин къайдадиз фикир це.

-Чун къе тарсuna квекай рахада? (*Прилагательнийин эхирар дувз кхыникай.*)

## **VI. Тарсунин темадай кІвалах.**

### **Ктабдай кІвалах.**

*322-тапшуругъ (137-чин)- доскадал тамамарда.*

Нетижа: *Сад лагъай слогда уь сес авай прилагательнияр къвед лагъай слогдани уь аваз кхыида. Ихътин прилагательнияр къве слогдикай ибарат яз жеда.*

## **VII. Физкультминутка.**

## **VIII. Тарсунин темадай кІвалах давамарун.**

**Хягъунин диктант.** (Текст доскадал виликамаз кхыида.)

*(Текстинай существительнияр ва абурухъ галаз алакъалу прилагательнияр жагъуриз, кхыхъ.)*

*Чи хуыре гъяркъуь кульчейр, къакъан кІвалер ава. Кульчейрин къерехра къацу тарап ава. КІвалерин вилик пата лацу, яру ва хъипи цууквер цанва. Чи хуурууз фидай рекъер четинбур я. Чи хуыре къуъзульда лагъай гафунихъ яб акалзава.*

**Яратмишунин диктант.** (Текст доскадал виликамаз кхыида.)

*Предложенияр метлебдив къадай гафар - прилагательнияр кутаз, кхыхъ.*

*Ватандин ирс.*

*Ватандин накъвар гзаф ... я. Ватан кІанивили гъиссерин сир ... я. И сир дидедин некіедихъни ... булахдин ятарихъ, цуукверин ... атиродихъ галаз инсандин руъгъди күжумзава.*

**Аялар прилагательнияр морфологиядин жигъетдай разбор авунин чешнедихъ галаз танишарун.**

*(Муаллимди танишарда).*

## **IX. Рефлексия.**

Аялрин фикир доскадал кхъенвай тапшуругъдал желб ийида. Тапшуругъ: *прилагательнияр дибдин падежлиз дегишиара.*

*Гүйтіуь, куъруь.*

## **X. Тарсунин нетижаяр къун.**

- Аялар, чун къе тарсuna квекай рахана?
- Квез прилагательнийрикай цийи вуч чир хъана?

## **XI. Ківализ ківалах гун.**

*324-тапшурugъ (17-чин) –ганвай прилагательнийриз къаншар метлеб авайбур жагъурна, существительниярни галаз кхъихъ.*

## **43-ТАРС**

**Тарсунин тема:** «Прилагательное» темадай ахтармишунин ківалах тухун.

**Мурад-метлеб:** «Прилагательное» темадай къачур чирвилер, алакъунар ахтармишун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. Цийи тарс малумарун ва аялприз ахтармишунин тапшуругъар гун.**

*1. Агъадихъ галай затIарин (существительнийрин) лишинар къалурна, кхъихъ.*

*... къуд, ... гад, ... ииф, ... гъуль, ... цав, ... гъал, ... чIарар, ... там, ... сикI,  
... жсанавур.*

*2. Агъадихъ галай прилагательнияр кутаз, предложенияр түкIуырна, кхъихъ.*

*Къацу, къакъан, разгул, викIегъ.*

*3. Агъадихъ галай прилагательнияр актив, талукъвилин ва гунугин падежра эцигиз, предложенияр түкIуырна, кхъихъ.*

*Гъахълуди, михъиди.*

*4. Башламишуниз килигна гъвечIи гъикая түкIуыра.*

*ХъультIуын эхир мукъвал жезвай. Йикъар яргыи жез башламишна. Хуьруын гуыне патарай чIулав чкаяр ...*

*Аялри чпи-чпиз ківалахда.*

(Тапшуругъар муаллимди вичин хушунал хжанавайбур, я туштIа вичи туукIуңнавайбур гайитIани жеда.)

### **III. Тарсунин нетижаяр къун.**

#### **44-тарс**

**Тарсунин тема:** Ахтармишунин диктант. (**Юргъ**)

**Мурад-метлеб:** аялрин орфографиядин ва пунктуациядин савадлувал ахтармишун.

**Тадаракар:** интерактивный доска, диктантирин кIватIал.

#### **Тарсунин финиф**

##### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

##### **II. Цийи тарс малумарун ва адан винел кIалах.**

I. Четин гафарин винел кIалах.

*Юргъ, бугъ, суст хъун, гапIал.*

2. Текст муаллимди кIелун.

*Юргъ.*

*Югъ къвердавай мичIи жезвай. Гъавадик къакъан ва къалин векъер-къалар экъечIнавай ламу чилелай къарагъай бугъ какахъзмай. Виро затIар гъакI суст хъанвай.*

*Яргъай хъиз цава яваши-яваши чIулав къалин циферин гапIал юзазвай. Лап яргъай цаву ванер ийизвай. Цавук гзаф пис къалабулух акатна. Марфадин ири стIалар аватиз баиламишна. Чун рекъин къерехда авай къавах тарцик акъвазнавай. Садлагъана цIайлапанар яна. Вили цIун ялавди къур чIулав циферик зурзун акатна. Са декъикъани фенач, гужлу юргъ къваз баиламишна. Юргъадин гужлу селди чун михъиз къежирна. (Къ. Межидов.)*

3. Текст муаллимди атIуз-атIуз кIелда, аялри кхьида.

4. Текст цийи къилелай кIел хъувун.

### **III. Тарсунин нетижаяр къун.**

## **45-ТАРС**

**Тарсунин тема:** ТіварцIиэвезар.

**Мурад-метлеб:** аялриз тіварцIиэвезрикай умуми малуматар гун; тіварцIиэвезрин мана-метлеб дериндай ачухарун; тіварцIиэвезар рахунра дуъз ишлемишдай алакунар, вердишвилер кутун ва гегъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

#### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

**II. Ахтармишунин диктант анализ авун ва гъалатIрин винел кІвалах тухун.**

#### **III. Алатай тарсарай суалар гун.**

1. Существительное квез лугъуда?

2. Существительниятър гъихътинбур жеда?

3. Дибдин падежар гъибур я?

4. Прилагательное квез лугъуда?

5. Квез прилагательнидикай вуч чида?

6. Прилагательниятър дибдин падежриз дегии хъуникай квез вуч чида?

#### **IV. Гафарин диктант тухун.**

(*Гафар муаллимди вичин хушуналди хкяды ва четин гафарин мана ачухарда.*)

Пер (лопатка)...

#### **V. Чирвилерин важиблувал (актуализация).**

Аялрин фикир сифте доскадал ганвай тапшуругъдал желб ийида.

Тапшуругъ: *Доскадал ганвай гъвечи текст күн тетрадриз акъуд.*

Зи буба яшлу кас я. Бубадин къудкъад иисалай артух яш хъанва. Бубадиз галатун чидач. Бубади гъамиша зулуз чаз тамай жуъреба-жуъре чIурү емишар кІватIда.

#### **VI. Аялар цIийи тарс къатIуниз гъазурун.**

- Аялар, күнене кхьей предложенийрин кІватІалдиз вучиз текст лугъузва?
- Текстиниз вуч хас я?
- Текстина гыи гаф тикрар жезва?
- Чавай «буба» гаф маса гафуналди эвезд ийиз жедани?
- Эвезд авур гафар квезд гыи Чалан паюоник акатдатІа, малум яни?
- Чун къе тарсuna тІварцІиэвездар лугъудай чалан паюоникай рахада.

## **VII. Тарсунин темадай кІвалах.**

### **Муаллимдин сұғыбет.**

*-Существительнийрин эвездада ишлемишдай зун, вун, ам, чун, күн, абур ва я суал гудайла ишлемишдай вуж? вуч? шумуд? гъихътин? гъикъван? хътин гафариз тІварцІиэвездар лугъуда.*

*Ксарин тІварцІиэвездар ибур я: зун, чун, вун, күн, м, абур.*

### **Ктабдай кІвалах.**

Аялрин фикир ктабдин 140-чина ганвай тапшуругъдал желб ийида.  
Тапшуругъ: *гъикая кіела, тІварцІиэвездар жағъура.*

## **VIII. Физкультминутка.**

## **IX. Тарсунин темадай кІвалах давамарун.**

*334-тапшуругъ (141-чин) – жува-жуваз тамамарун.*

### **Чал гегъеншарунин кІвалах.**

*ТІварцІиэвездар кваз вад предложение туыктура.*

### **X. Рефлексия.**

Аялрин фикир доскадал кхъенвай тапшуругъдал желб ийида.  
Тапшуругъ: *къалурнавай существительнийрин чкайрал тІварцІиэвездар эцигиз, кхъихъ.*

*1. Алиди кіелзана. 2. Стхадиз эвера. 3. Гъурчехъанар хтана. 4. Чи кІвале Алиавани? 5. Лежберри ашкъидалди кІвалахзана.*

## **XI. Тарсунин нетижаяр къун.**

- Аялар, чун къе тарсuna квекай рахана?
- Квезд тІварцІиэвездрикай вуч чир хъана?

## **XII. КІвализ кІвалах гун.**

*337-тапшуруугъ (143-чин) – ганвай предложенияр давамара, фикир акъалтарна, эхирдал гъваши.*

## **46-тарс**

**Тарсунин тема:** ТіварцIиэвезар падежлиз дегиши хъун.

**Мурад-метлеб:** тІварцIиэвезар дибдин падежлиз дегишарун; тІварцIиэвезар дибдин падежлиз дегишардай алакъунар, вердишвилер кутун ва гегъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

#### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

#### **II. Ківалин ківалах ахтармишун.**

*337-тапшуруугъ (143-чин).*

#### **III. Гафарин диктант тухун.**

*(Гафар муаллимди вичин хушуналди хқяда ва четин гафарин мана ачухарда.)*

*Къилинж...*

#### **IV. Чирвилерин важиблувал (актуализация).**

Аялрин фикир ктабдин 144-чина ганвай таблицадал желб ийида.

#### **V. Аялар цийи тарс къатIуниз гъазурун.**

-Аялар, тІварцIиэвезар падежлиз дегиши жедани?

-Чун къе тарсuna квекай рахада? (*ТіварцIиэвезар дибдин падежлиз дегии хъуникай.*)

#### **VI. Тарсунин темадай ківалах.**

**Ктабдай ківалах.**

**Таблицадай ківалах күтаягъайла, нетижа къада.**

Нетижа: *вуж?*    *вуч?*    *гъихътинди?*    *гъикъванди?*    *шумуд?* суалдин тІварцIиэвезар я. *Вуж? вуч? тІварцIиэвезар гзафвилиң къадарда анжасаң асул падежса жеда.*

## **VII. Физкультминутка.**

## **VIII. Тарсунин темадай кІвалах давамарун.**

*34I-тапшуругъ (145-чин)- доскадал тамамарда.*

## **Яратмишунин кІвалах.**

*Суалдин тІварцІиэvezар кваз вад предложение түйкіура.*

## **IX. Рефлексия.**

Аялрин фикир доскадал кхъенвай тапшуругъдал желб ийида.

Тапшуругъ: *тиктар* жезвай существительнийрин чкадал манади *тіалабзавай тІварцІиэvezар* эхцигиз, предложенияр кхыхъ.

1. Экүн кыляй хуруын майдандал къүнел дергесар алай гадаяр кІватI хъанвай. Гадаяр ядай векьиз физ гъазур хъанвайбұр тир.

2. Тамухъанди чи салам хушвиелди къабулна. Тамухъанди чун тамуз акъатунин мурад-метлеb хабар куна.

3. Школадин гъаятда аялар туп-лаш къугъазвай. Аялрик къугъуни зурба гъевес кутунвай, аялрин сесер яргъаз чкІизвай.

## **X. Тарсунин нетижаяр къун.**

-Аялар, чун къе тарсuna квекай рахана?

- Квез тІварцІиэvezар падежлиз дегиши хуникай вуч чир хъана?

## **XI. КІвализ кІвалах гун.**

*343-тапшуругъ (146-чин) – ганвай предложенийра, чеб суалар тир гафар жасағурна, абурун кІаникай үлар чIугу.*

## **47-ТАРС**

**Тарсунин тема:** Чал гегъеншарунин кІвалах. Сочинение. (**Къуд.**)

**Мурад-метлеb:** фикирунин жигъетдай аялрин чІалан дуызгуынвал, галай-галайвал гегъеншарун; гафарин запас артухарун; аялрик фикир-фагъум, хиялар гегъеншардай вердишвилер кутун; чІалал рикI алаз вердишарун.

**Тадаракар:** интерактивный доска.

**Тарсунин финиф**

## **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

## **II. Цийи тарс малумарун ва адан винел тухудай кІвалах.**

1. Муаллимдин гъахъунин сувьбет.
2. Сочиненидин темадин гъавурда тун.
3. Муаллимдин күмекдалди план туыкIурун.
4. Пландикай менфят къачуна, сувьбет туыкIурун.
5. Жува-жуказ сочинение кхъин.

## **III. Тарсунин нетижаяр къун.**

### **48-ТАРС**

**Тарсунин тема:** Суалдин тІварцIиэвезар падежлиз дегиши хъун.

**Мурад-метлеб:** суалдин тІварцIиэвезар дибдин падежлиз дегишарун; суалдин тІварцIиэвезар дибдин падежлиз дегишардай алакъунар, вердишвилер кутун ва гегъеншарун; чалал рикI алаа вердишарун.

**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

## **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

## **II. КІвалин кІвалах ахтармишун.**

*343-тапшуругъ (146-чин).*

## **III. Гафарин диктант тухун.**

*(Гафар муаллимди вичин хушуналди хъяда ва четин гафарин мана ачухарда.)*

*Ихтилат кудун...*

## **IV. Чирвилерин важиблувал (актуализация).**

Аялрин фикир ктабдин 147-чина ганвай таблицадал желб ийида.

## **V. Аялар цийи тарс къатIуниз гъазурун.**

-Аялар, таблицада падежлиз дегишарна ганвай тІварцIиэвезар гъибур я?

-Чун къе тарсuna квекай рахада? (*Суалдин тIварцIиэвезар дибдин падежриз дегиши хъуникай.*)

## **VI. Тарсунин темадай кIалах.**

### **Ктабдай кIалах.**

*346-тапшуругъ (147-чин)-доскадал тамамарда.*

Нетижа: лезги чала вуж? суал инсандикай рахадайлa эцигда. Гъайванрин, къушарин, гъашаратрин *tIварар тир гафариз вуч?* суал эцигда.

## **VII. Физкультминутка.**

## **VIII. Тарсунин темадай кIалах давамарун.**

*348-тапшуругъ (148-чин)- жсува-жсуваz тамамарда.*

### **Яратмишунин кIалах.**

*Суалдин тIварцIиэвезар кваз вад предложение түйкIуьра.*

## **IX. Рефлексия.**

Аялрин фикир доскадал кхъенвай тапшуругъдал желб ийида.

Тапшуругъ: *предложенияр кхъихъ.* Суалдин тIварцIиэвезрин *кIаникай цIарар чIугу.*

1. *Лагъ кван, вуна вуч фикирзаватIа.*

2. *Ваз вуч кIанзава? – лагъана хабар къуна везирди.*

3. *Мад ина вужс ава? – жузуна рушавай Магъамада.*

4. *Пачагъ, вун сагърай, ви къуллугъ вуч я?*

5. *ваз вуч кIанзава, я гада? – жузуна гүзел руша.*

## **X. Тарсунин нетижаяр къун.**

-Аялар, чун къе тарсuna квекай рахана?

- Квез суалдин тIварцIиэвезар падежриз дегиши хъуникай вуч чир хъана?

## **XI. КIвализ кIалах гун.**

*Суалдин тIварцIиэвезар кваз предложенияр түйкIуьра.*

## **49-ТАРС**

**Тарсунин тема:** ТIварцIиэвезрин эхирар дуъз кхъин.

**Мурад-метлеб:** тІварцІиэвезрин эхирар дуъз кхъидай къайдайрихъ галаз танишарун; тІварцІиэвезрин эхирар дуъз кхъидай алакунар, вердишвилер кутун ва гегъеншарун; чАлал рикI алаz вердишарун.

**Тадаракар:** интерактивный доска, 4-классдин «Лезги чАл» ктаб.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

### II. КІвалин кІвалах ахтармишун.

*Суалдин тІварцІиэвезар кваз предложенияр түкіуыра.*

### III. Грамматикадин тапшуругъ.

Тапшуругъ: *гафарин жуытера авай I-касдин тІварцІиэвезар II-III касдинбурууз элкъуыриз, кхъихъ.*

*Заз хабар хъанач, зи манияр, зун атана, зи цИийи кеспи, чи девлетар, чаз акуна.*

### IV. Чирвилерин важиблувал (актуализация).

Аялрин фикир доскадал кхъенвай I-II касдин тІварцІиэвездар желб ийида.

Тапшуругъ: доскадал ганвай тІварцІиэвезар падежиз дегишара.

### V. Аялар цИийи тарс къатIуниз гъазурун.

-Аялар, күнне падежиз дегишарай тІварцІиэвезар талукъвилин падежда кхъикI кхъенватIа, фикир це.

-Чун къе тарсuna тІварцІиэвезрин эхирар дуъз кхъиникай рахада.

### VI. Тарсунин темадай кІвалах.

#### Муаллимдин сұғыбет.

- *I. Зун, чун, вун, күн тІварцІиэвезар асул падежда эхирда н аваз кхъида.*
- 2. *Талукъвилин падежда и тІварцІиэвезрин эхирда н авачиз (зи, ви, чи, күв)* кхъида.
- 3. *Абур, ибур тІварцІиэвезар вири падежра, прилагательният хъиз, р-дилай вилик ухвена кхъида: абуру, абуруз, абурувай ва гъакI мад.*

#### Ктабдай кІвалах.

*353-тапшуругъ (150-чин)-хуралай тамамарда.*

### **VII. Физкультминутка.**

### **VIII. Тарсунин темадай кІвалах давамарун.**

*355-тапшуругъ (151-чин)-хуралай тамамарда.*

**Яратмишунин диктант.** (Текст доскадал виликамаз кхьида.)

*Предложенияр, ахъайнавай тІварцIиэвезар кухтаз, кхъихъ.*

*Гъуърчехъан дагъдиз фенвай. ... вичин кицIни галай. ... жигъирдай винел кул-кусдиз гъахъна, кицIини ... гуъгъуна аваз эверзавай. Садлагъана куларай къуър катна. Гъуърчехъанди тфенгдай яна, амма ... галукънач.*

**Аялар тІварцIиэвезар морфологиядин жигъетдай разбор авунин чешнедихъ галаз танишарун.**

*(Муаллимди танишарда).*

### **IX. Рефлексия.**

Аялрин фикир доскадал кхъенвай тапшуругъдал желб ийида.

*Тапшуругъ: доскадал ганвай тІварцIиэвезар кваз предложенияр туъкIуъра.*

*Зун, чун, зи, кув, ви, чи.*

### **X. Тарсунин нетижаяр къун.**

-Аялар, чун къе тарсuna квекай рахана?

- Кvez тІварцIиэвезрин эхирар дуъз кхъиникай вуч чир хъана?

### **XI. КІвализ кІвалах гун.**

*356-тапшуругъ (152-чин) – суалдин тІварцIиэвезар жасаура, суалриз жасавабар це.*

## **50-тарс**

**Тарсунин тема:** «ТІварцIиэвезар» темадай ахтармишунин кІвалах тухун.

**Мурад-метлеб:** «ТІварцIиэвезар» темадай къачур чирвилер, алакъунар ахтармишун.

**Тадаракар:** интерактивный доска, 4-классдин «Лезги чал» ктаб.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

### II. Щийи тарс малумарун ва аялриз ахтармишунин тапшуругъар гун.

I. Предложенияр, существительнияр тІварцІизвездарди дегишарна, кхъихъ.

**Чешне:** Зун дустунин патав фенвай. – Зун адан патав фенвай.

1. *Агъмеда, Мусади, Шамила ва за къе Айишат бадедин картуфрихъ накъв агудна.*

2. *Чубанри чаз жуыреба-жуыре векъерикай, хъчарикий, цуыкверикай гзаф дикъетдалди яб гудай хътин ихтилатар авуна.*

3. *Омар, Халикъ, Рамазан, пака сейрдиз физ гъазур хъухъ.*

4. *Чубарукри кІвалерин чIерейрик мукар ийида.*

II. Агъадихъ ганвай тІварцІизвезар кваз (гъам дибдин, гъам чкадин падежра аваз) предложенияр түкІуьра.

*Чун, куын, зун, ам, абур, вуч, вуж.*

III. Текстинай суалдин тІварцІизвезар хкудна, кхъихъ.

*Накъ чи кІвализ атайди вуж тир? Ада кvez вуч лагъана? Ам куын патахъай атанвайди тир? Ам гъи вахтунда атана? Адан щумуд йис тир? Ам гъихътин ухишарар квайди тир?*

IV. Ктабдин 153-чина ганвай шикилдай сүргъбет түкІуьра.

Аялри чпи-чпиз кІвалахда.

(Тапшуругъар муаллимди вичин хушунал хжяновайбур, я тушта вичи түкІуьрнавайбур гайитIани жеда.)

### III. Тарсунин нетижаяр къун.

## 51-ТАРС

**Тарсунин тема:** Чал гегъеншарунин кІвалах. Чирдай изложение. (*Дуствал*).

**Мурад-метлеб:** муаллимди кІелай текстинай план түкІуьрун; текстинин мана галай-галайвал ачухарна агакъарун ва кхъин.

**Тадаракар:** интерактивный доска, изложенийрин кІватІал.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

### II. Щийи тарс малумарун ва адан винел тухудай кІвалах.

I. Муаллимди текст кІелун.

*Дуствал.*

*КицI неинки инсандин дуст я. Ам гъакIни вири гъайванрин дустни я. Дуст галализ тек тирла, кицI дарих жеда. КицIи датIана вичин дустар хульза.*

*Гар авай юкъуз нига гъатун кицIериз четин жеда. Ингье ихътин са юкъуз, Тартадиз ван тежедайвал, хиперин суъруьдал жсанавурди вегъена ва гъамиша суъруьдин кIвенкIве жедай бацIи къуна.*

*Жанавурдин сарара гъатай бацIиди вири къуватдалди гъарайиз башламишина. Адан ванцелди чубандини Тартади чукурна. Тади ийизва жсанавурди. Ингье санал жсанавур яваш хъана. Тартади жсанавурдив агакъарна. КукIунар башламиши хъана. И арада жсанавурди бацIи ахъайна, ам катна. Тарта бацIидиз килигна.*

*Чубан агакъина. Ада зурзазвой бацIи вичин къунерал хкажна, абур хъфена.*

*И иифиз къутармишай бацIи Тартадив игис хъана ксанан.*

2. Четин гафарин ва ибараирин винел кІвалах тухун.

*Неинки, дарих хъун.*

3. Са-са абзац кІелиз план түкIурун.

### Чешнедин план.

I. Инсандин ва гъайванрин дуст.

2. Гар авай югъ.

3. БацIи къутармишун.

4. Пландай ихтилат авун.

5. Текст муаллимди мад сефер кІел хъувун.

6. Аялри чпи-чпиз изложение кхъин.

### **III. Тарсунин нетижаяр къун.**

#### **52-тарс**

**Тарсунин тема:** Глагол.

**Мурад-метлеб:** алатай классра глаголдикай къачур чирвилер тикрарун; глаголдин мана-метлеб дериндай ачухарун; глаголар рахунра дувз ишлемишдай алакъунар, вердишвилер кутун ва гегъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

#### **Тарсунин финиф**

##### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

##### **II. Алатай темаяр тикрарун.**

1. Сесеринни гъарфарин арада гъихътин тафават ава?
2. Гафунихъ гъихътин маналу паяр ава?
3. Существительное кvez лугъуда?
4. Прилагательное кvez лугъуда?
5. Тварициевезар кvez лугъуда?

##### **III. Гафарин диктант тухун.**

(*Гафар муаллимди вичин хушуналди хкяда ва четин гафарин мана муаллимди ачухарда.*)

*Гими, хешил, дерзичи, хърахъбан, заргар, чатухъян, тамухъян магъ.*

##### **IV. Чирвилерин важиблувал (актуализация).**

Аялрин фикир доскадал ганвай тапшуругъдал желб ийида. Тапшуругъ: *Ни вуч ийизватIa, къихъ.*

1. УстIарди . . . . .
2. Мауллимди . . . . .
3. лежберди . . . . .
4. Духтурди . . . . .
5. Дояркади . . . . .
6. Нехирбанди . . . . .
7. Художникди . . . . .
8. Шоферди . . . . .
9. Дидеди . . . . .
10. Аялди . . . . .
11. За . . . . .

##### **V. Аялар цИийи тарс къатIуниз гъазурун.**

-Аялар, күнне күхтүр гафар гыи чалан паюник акатда?

- Чун къе тарсuna квекай рахада? (*Глаголдикай.*)

## **VI. Тарсунин темадай ківалах.**

-Аялар, квез глаголдикай вуч чида?

-Глаголди вуч къалурда?

-Глаголди гъихътин суалриз жавабар?

-Глаголдиз гъихътин лишанар хас я?

-Глаголдиз гъихътин вахтар ава?

## **Ктабдай ківалах.**

*361-тапшуругъ (154-чин).*

## **VII. Физкультминутка.**

## **VIII. Тарсунин темадай ківалах давамарун.**

*363-тапшуругъ (155-чин).*

## **IX. Рефлексия.**

Доскадал ганвай инсанрин пешекарвал къалурзавай существительнийиз метлебдин жигъетдай талукъ глаголар хягъиз, предложенияр кхъихъ.

**Чешне:** *Лежберди џан џазва.*

**Существительнияр:** *дерзичи, хърахъбан, саларбан, заргар, чатухъан, тамухъан, ашукъ.*

**Глаголар:** *манияр язава, түпілдә къаш твазва, парталар џазва, ағнияр ківатізва, магъ ғатазва, фу қразва, там хұзва.*

## **X. Тарсунин нетижаяр къун.**

-Аялар, чун къе тарсuna квекай рахана?

-Глагол гъихътин чалан пай я?

- Глаголдиз вуч хас я?

## **XI. Ківализ ківалах гун.**

*Глаголар кваз предложенияр туьклұра.*

**Мурад-метлеб:** глаголдин асул (масдар) формадихъ галаз танишарун; глаголдин асул форма рахунра дуль ишлемишдай алакунар, вердишивер кутун ва гегъеншарун; чалал рикI азвердишарун.

**Тадаракар:** интерактивный доска, 4-классдин «Лезги чал» ктаб.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

### II. Ківалин ківалах ахтармишун.

*Глаголар кваз түккіурай. предложенияр аялривай кіелиз тун ва къиметар эцигун.*

### III. Гафарин диктант тухун.

*(Гафар мұаллимди вичин хушуналди хяды ва четин гафарин мана мұаллимди ачухарда.)*

*Низамлувал, тешкилувал, везирар, назира...*

### IV. Чирвилерин важиблувал (актуализация).

Аялрин фикир ктабдин 157-чина ганвай 367-тапшуругъдал желб ийида.

Тапшуругъ: *Чұлавдиз чапнавай глаголрал дуль суалар эциг.*

### V. Аялар цийи тарс къатпуниз гъазурун.

-Аялар, күнене чұлавдиз ганвай гафарал гъихътин суалар эцигна?

- А суалар глаголдин асул формадинбур я. Чун къе тарсuna глаголдин асул формадикай, яни масдардикай рахада.

### VI. Тарсунин темадай ківалах.

#### Ктабдай ківалах.

#### Хияғъунин диктант.

*369-тапшуругъ (158-чин)- жува-жуваз тамамарда.*

Нетижа: *Асул формада авай глаголри **вуч авун?** **вуч хүн?** суалриз жавабар гуда. Глаголдин асул форма адан эхирда жедай -ун, -ин, -үн суффиксрин күмекталди арадиз къведа. Асул формада авай глаголри кардин ва я гъалдин тівар къада.*

## **VII. Физкультминутка.**

## **VIII. Тарсунин темадай ківалах давамарун.**

### **Яратмишунин ківалах.**

*370-тапшуругъ (158-чин).*

### **IX. Рефлексия.**

Доскадал ганвай предложенийра авай асул формадин глаголар жагъура, абур, суалар эцигиз, кхъихъ.

*1. Ахмакъвилук квай азарар*

*Чир тахъун я хийир, зарар.*

*Эвел михъи тир пIузарар*

*Гүьгъультай къацIун хъсан туши.*

*(С.Сулейман).*

*2. Гъар са кар дериндай чир хъун хъсан я. 3. Хабар нивай гун, хабар Хинкар пачагъдивай. 4. Пачагъди вичин везирризни, назирриз эверна, шадвилин межслисар къурмишун буйругъ гана.*

### **X. Тарсунин нетижаяр къун.**

-Аялар, чун къе тарсуна квекай рахана?

-Глаголдин асул формадикай квез вуч чир хъана?

- Глаголдин асул формадин суалар гъибур я?

-Глаголдин асул формадин эхирда гъихътин суффиксар жеда?

### **XI. Ківализ ківалах гун.**

*373-тапшуругъ (159-чин)-ганвай асул форма да авай глаголиз къанишар мана авайбур рикIел гъваши, къведбурни тик къвездай жергейра туна, тетрадра кхъихъ.*

## **54-ТАРС**

**Тарсунин тема:** Глаголдин асул форма падежлиз дегиши хъун.

**Мурад-метлеб:** глаголдин асул формадиз падежлиз дегиши хъун хас тирди къалурун; глаголдин асул форма дуъз падежлиз дегиши авунин алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. КІвалин кІвалах ахтармишун.**

*373-тапшуругъ (159-чин).*

### **III. Гафарин диктант тухун.**

*(Гафар муаллимди вичин хушиналди хкяда ва четин гафарин мана муаллимди ачухарда.)*

### **IV. Чирвилерин важиблувал (актуализация).**

Аялрин фикир ктабдин 160-чина ганвай таблицадал желб ийида.

### **V. Аялар цІийи тарс къатПуниз гъазурун.**

- Аялар, таблицада падежлиз дегишарнавай глаголар гы формада авайбур я?
- Глаголдин асул форма гы чалан пай хыз падежлиз дегиши жезва?
- Чун къе тарсона квекай рахада? (*Глаголдин асул форма падежлиз дегиши хъуникай.*)

### **VI. Тарсунин темадай кІвалах.**

#### **Ктабдай кІвалах.**

*377-тапшуругъ (161-чин) -доскадал тамамарда.*

Нетижа: *Глаголдин асул формадиз теквилин ва гзафвилин къадар ава. Гзафвилин къадарда асул формада суффиксар тир -ун, -ин, -уң-дилай гүгъульни -ар* эхир жеда.

### **VII. Физкультминутка.**

### **VIII. Тарсунин темадай кІвалах давамарун.**

*378-тапшуругъ (161-чин)-жусва-жусуваз тамамарда.*

*379-тапшуругъ (161-чин)-доскадал тамамарда.*

### **IX. Рефлексия.**

Доскадал ганвай предложенияр, точкаяр алай чкайрал скобкайра ганвай глаголар асул формада эхциг хъийиз, кхыхъ.

*I. Ген ... (гвена) патал мукал, векъ ... (яна) патал дергес герек я. 2. Шиир хуралай ... (чирна) хъсан я. 3. Гъар юкъуз дидедиз ... (куймек гана) зи хиве авай буржи я. 4. Мугъмандин кІвалин иесиди лагъана: «... (атана ви пата ... хъфена) зи пата».*

## **X. Тарсунин нетижаяр къун.**

-Аялар, чун къе тарсuna квекай рахана?

-Глаголдин асул форма квез дегиш жеда?

- Гзафвилин къадарда асул формада суффиксар тир -ун, -ин, -уын-дилай гүйгүйниг гъихътин эхир жеда?

## **XI. КІвализ кІвалах гун.**

*381-тапшуругъ (162-чин) – ганвай глаголар кваз предложенияр түйкіура ва тетрадра кхъихъ.*

### **55-тарс**

**Тарсунин тема:** Асул формада глаголрин эхирар дуъз кхъинин къайдаяр.

**Мурад-метлеб:** асул формада глаголрин эхирар дуъз кхъидай къайдайрихъ галаз танишарун; асул формада глаголрин эхирар дуъз кхъидай алакъунар, вердишвилер кутун ва гегъеншарун; Чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. КІвалин кІвалах ахтармишун.**

*381-тапшуругъ (162-чин).*

### **III. Грамматикадин тапшуругъ.**

Тапшуругъ: *ганвай гафар кутуна, предложенияр кхъихъ.*

*I. Ученик, тарс, гъазурун.*

*2. Къе, марф, къун.*

*3. Гатфар, экъечIун, цуьквер.*

*4. Руши, кІвал, михъун.*

5. Диде, парталар, чуъхуън.

#### **IV. Чирвилерин важиблувал (актуализация).**

Аялрин фикир ктабдин I63-чина ганвай таблицадал желб ийида.

#### **V. Аялар цИийи тарс къатIуниз гъазурун.**

-Аялар, таблицада ганвай глаголар гъи формада ава?

-Аялар, асул формада глаголар падежриз дегиши жедайла, гъихътин къетIенвилер гъалтзава?

-Чун къе тарсuna квекай рахада? (*Асул форма глаголрин эхирар дуъз кхъинин къайдайрикай.*)

#### **VI. Тарсунин темадай кIалах.**

##### **Ктабдай кIалах.**

*382-тапшуругъ (163-чин)- доскадал тамамарда.*

##### **VII. Физкультминутка.**

##### **VIII. Тарсунин темадай кIалах давамарун.**

*383-тапшуругъ (164-чин)-жсува-жсува тамамарда.*

*384-тапшуругъ (164-чин)-хуралай тамамарда.*

Нетижа: Гзаф дуъшуьшра лезги чIала глаголдин асул форма тек глаголдикай ваъ, существительнидикайни глаголдин асул формадикай ибарат гафарин жуътералди лагъанваз жеда. **Месела:** мани лугъун, гвен гуън, гъиле къун.

##### **Яратмишунин кIалах.**

*Ктабдин I62-чина ганвай шикилдай сувъбет тувъкIурун.*

#### **IX. Рефлексия.**

Аялрин фикир доскадал кхъенвай тапшуругъдал желб ийида. Тапшуругъ: *доскадал ганвай асул форма авай глаголар дубдин падежриз дегишара.*

*Кхъин, катун.*

#### **X. Тарсунин нетижаяр къун.**

-Аялар, чун къе тарсuna квекай рахана?

- Квез асул форма глаголрин эхирар дуъз кхъинин къайдайрикай вуч чирхъана?

## **XI. Ківализ ківалах гун.**

385-тапшуругъ (165-чин) – ганвай предложенийра къве гафуникай ибарат хъанвай глаголдин асул формаир жагъурна, кіаникай үлар чыгуу.

*Предложенияр тетрадра кхыхъ.*

## **56-ТАРС**

**Тарсунин тема:** Глаголдин мурадвилин форма.

**Мурад-метлеб:** глаголдин мурадвилин формадихъ галаз танишарун; глаголдин мурадвилин форма дуъз арадиз гъидай алакъунар, вердишвилер кутун ва гегъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

### **II. Ківалин ківалах ахтармишун.**

385-тапшуругъ (165-чин).

### **III. Грамматикадин тапшуругъ.**

Тапшуругъ: скобкойра авай глаголар вахтарин формаира эцигиз, кхыхъ.

1. Хъультюн эхир (хыун).

2. Тарс (келун).

3. Чун пака тамуз (фин).

4. Аялри чин дневника (кхин).

5. Муаллимди аялриз сүргьбет (авун).

Нетижа: глаголдиз пуд вахт ава: гилан, къvezмай алатаи.

### **IV. Чирвилерин важиблувал (актуализация).**

Аялрин фикир ктабдин 166-чина ганвай 389-тапшуругъдал желб ийида.

### **V. Аялар цийи тарс къатпуниз гъазурун.**

-Аялар, 390-тапшуругъда мурадвилин формаада авай глаголрал гъихътин суал эцигда?

- А суал глаголдин мурадвилин формадинди я. Чун къе тарсuna глаголдин мурадвилин формадикай рахада.

## **VI. Тарсунин темадай кIвалах.**

### **Ктабдай кIвалах.**

#### **Хиягъунин диктант.**

*391-тапшуругъ (168-чин)- жува-жуваз тамамарда.*

Нетижа: *Вуч иийз?* суалдиз жаваб гудай ва кар вуч мураддалди жезватың къалурзаяй глаголдин жуьредиз мурадвилин форма лугъуда. Мурадвилин формадин эхирра -з сес жеда.

## **VII. Физкультминутка.**

## **VIII. Тарсунин темадай кIвалах давамарун.**

*392-тапшуругъ (168-чин)-доскадал тамамарда.*

*393-тапшуругъ (168-чин)-жува-жуваз тамамарда.*

Нетижа: *Мурадвилин форма да авай глаголар я къадарриз, я падежриз дегиши жедач.*

## **IX. Рефлексия.**

Аялрин фикир доскадал кхъенвай тапшуругъдал желб ийида.

Тапшуругъ: скобкойра авай глаголар мурадвилин форма да эхцигиз, предложенияр кхъихъ.

1. Зун вавай са кар (*хабар күн*) атанвайди я.

2. Гел жагъурдашибурун дестеди игитдин къисмет (*чирун*) хейлини чалишишишвилер авуна.

3. Къушар чими уылквейриз (*лув гун*) гъазур хъижезва.

## **X. Тарсунин нетижаяр къун.**

-Аялар, чун къе тарсuna квекай рахана?

- Глаголдин мурадвилин формади гъихътин суалдиз жаваб гуда?

-Глаголдин мурадвилин форма квез дегиш жедач?

## **XI. КIвализ кIвалах гун.**

*394-тапшуругъ (169-чин) – ганвай мурадвилин форма да авай глаголриз къанишар метлеб авай глаголар кхъихъ. Чешнедал амал ая.*

## **57-ТАРС**

**Тарсунин тема:** Глаголдин инкарвилин форма.

**Мурад-метлеб:** глаголдин инкарвилин формадихъ галаз танишарун; глаголдин инкарвилин форма дувъз арадиз гъидай алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

#### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

#### **II. КІвалин кІвалах ахтармишун.**

*394-тапшуруугъ (169-чин).*

#### **III. Чал гегъеншарунин кІвалах.**

*Ктабдин 172-чина ганвай шикилдай са гъвечIи гъикая түкIурун.*

#### **IV. Чирвилерин важиблувал (актуализация).**

Аялрин фикир ктабдин 170-чина ганвай тапшурургърал желб ийида.

#### **V. Аялар цIийи тарс къатIуниз гъазурун.**

-Аялар, 171-чина авай 398-тапшурургъда чулавдиз ганвай гафариз хъсандиз фикир це. Абурун метлеб вуч я?

- А гафар глаголдин инкарвилин формада ава. Чун къе тарсuna глаголдин инкарвилин формадикай рапада.

#### **VI. Тарсунин темадай кІвалах.**

#### **Муаллимдин сұғыбет.**

*-Аялар, винидихъ чун рапай чулавдиз ганвай глаголар инкарвилин формада ава. Абурук кар кыле тефинин, ам кыле финиз манивал хъунин мана-метлеб ква.*

*Глаголдин инкарвилин форма префиксрин ва суффиксрин күмекдалди арадиз къведа. Префиксар ибур я: -та, -те, -туv. Суффиксар ибур я: -ч, -мир.*

*Инкарвилин формадин префиксра гъамишиа **m**- гъарф аваз кхьида.*

*Чехи пай глаголрин инкарвилин форма **тавун**, **тахъун** глаголрин къумекдалди арадал къведа. Месела: эцигун – эциг тавун.*

### **Ктабдай кІвалах.**

*399-тапшуругъ (171-чин)- жува-жуваз тамамарда.*

### **VII. Физкультминутка.**

### **VIII. Тарсунин темадай кІвалах давамарун.**

*400-тапшуругъ (171-чин)-доскадал тамамарда.*

### **IX. Рефлексия.**

Аялрин фикир доскадал кхъенвай тапшуругъдал желб ийида.

Тапшуругъ:*предложенияр, инкарвилин форма да авай глаголар кухтаз, кхъихъ.*

*1. Къе гъульел лепе . . . 2. Югъ няни . . . 3. Жувакай садни инжиклу . . . 4. ... лагъай чкадиз хъсан туши (Фимир). 5. Гатун тавур дуьгуьдикай аши . . . 6. Хъсанвал гъульувз вегъейтIани ... (кважъдач).*

### **X. Тарсунин нетижаяр къун.**

-Аялар, чун къе тарсuna квекай рахана?

- Глаголдин инкарвилин форма күн къумекдалди арадиз къведа?

### **XI. КІвализ кІвалах гун.**

*402-тапшуругъ (173-чин) – «Мир»-дихъ галаз дикъетдалди таниши хъухъ. Ваз ам герек къведа. «Мир» суффикс квай глаголар тетрадриз акъуд.*

## **58-ТАРС**

**Тарсунин тема:** Къумекчи глаголар.

**Мурад-метлеб:** аялар къумекчи глаголрихъ галаз танишарун; къумекчи глаголар кваз предложенияр түккүйрдай алакъунар, вердишвилер кутун ва гегъеншарун; чалал рикI алаз вердишарун.

**Тадаракар:** интерактивный доска, 4-классдин «Лезги Чал» ктаб.

## **Тарсунин финиф**

## **I. Тарс тешкилун.**

(Тарс тухун патал аялрихъ авай гъазурвал ахтармишун.)

## **II. КІвалин кІвалах ахтармишун.**

402-тапшуругъ (173-чин).

## **III. Грамматикадин тапшуругъ.**

Доскадал предложенийра чIулавдиз ганвай гафар инкарвилин формада эцигиз, кхъихъ.

1. Чун хуъруъз ахгакъайла, югъ няни **хъанвай**.

2. Омараз стха хтанвайдакай **хабар авай**.

3. Сагъ югъди ашкъидалди кІвалах авур гадаяр галат хъанвайбур хъиз **аквазвай**.

4. Чун салаз кІвалахиз фидайла, гъвечIи стха. Муслим чна кІвалье **тадай**.

5. Цавал чIулав цифер кІватI хъанвай, гадайри вацIа чуъхуънагар **ийизвай**.

## **IV. Чирвилерин важиблувал (актуализация).**

Аялрин фикир доскадал предложенийра чIулавдиз ганвай гафарал желб ийида.

1. Зи буба духтур **я**. 2. Зун Етим я, заз шикетар чидайд **туши**. 3. И дагъдин а пата мад са хуър **ава**. 4. И тамуз гадаяр мад акъатай **тушир**.

## **V. Аялар цIийи тарс къатIуниз гъазурун.**

-Аялар, доскадал предложенийра чIулавдиз ганвай гафар, квез чиз, глаголар яни?

- А глаголиз куъмекчи глаголар лугъуда. Чун къе тарсуна куъмекчи глаголрикай рахада.

## **VI. Тарсунин темадай кІвалах.**

### **Муаллимдин сұыгъбет.**

*-Авун, хъун, ава, ама, гала, гва, ква, я, тир, туши, тушир куъмекчи глаголар я. Абурун куъмекдалди предложенида подлежащини сказуемое чеб-чпихъ галаз алакъалу жеда. Месела: Чун вири пионерар я.*

### **Ктабдай кІвалах.**

404-тапшуругъ (173-чин).

## **VII. Физкультминутка.**

## **VIII. Тарсунин темадай кІвалах давамарун.**

### **Яратмишунин кІвалах.**

*Тапшуругъ:* Доскадал ганвай күмекчи глаголрикай менфят къачуна, 3-4 предложение түкіура.

*Я, тир, туш, ава, ала, гва, ква.*

### **Чал гегъеншарунин кІвалах.**

*«Зи рикI алай къугъун» кыл гана, са гъвечIи гъикая түкіура.*

**Аялар глаголар морфологиядін жигъетдай разбор авунин чешнедихъ галаз танишарун.**

*(Муаллимди танишарда).*

## **IX. Рефлексия.**

Аялрин фикир доскадал кхъенвай тапшуругъдал желб ийида.

*Тапшуругъ: доскадал ганвай предложенияр күмекчи глаголрин кIаникай цIар чIугваз, кхъихъ.*

*1.Дүньяда «диде» лугъудай гафунилай гуьрчегди авач.*

*2. А мани заз чидайди туш.*

*3. Ви агалкүнрикай, дуст, чаз хабар ава.*

*4. Вун гзаф зурба кас я.*

*5. Ам жуванбуруқай тир.*

## **X. Тарсунин нетижаяр къун.**

-Аялар, чун къе тарсұна квекай рахана?

- Кvez гъихътин күмекчи глаголар чир хъана?

-Күмекчи глаголри кvez къуллугъда?

## **XI. КІвализ кІвалах гун.**

*Күмекчи глаголар кваз предложенияр түкіура.*

## **59-ТАРС**

**Тарсунин тема:** «Глагол» темадай ахтармишунин кІвалах тухун.

**Мурад-метлеб:** «Глагол» темадай къачур чирвилер, алакунар ахтармишун.

**Тадаракар:** интерактивный доска, 4-классдин «Лезги чал» ктаб.

## Тарсунин финиф

### I. Тарс тешкилун.

(*Тарс тухун патал аялрихъ авай гъазурвал ахтармишун.*)

### II. Щийи тарс малумарун ва аялприз ахтармишунин тапшуругъар гун.

I. Агъадихъ галай глаголиз къарши мана авай гафар фикирна, кхъихъ..

*Алукъна - ..., ахъайна- ..., алукIзава- ..., ацукъда- ..., квахъна- ..., шезва- ..., чимизва- ..., акатзава- ..., чукIурна- ..., акъахун- ... .*

II. Агъадихъ галай глаголар, вахтариз дегишарна, кхъихъ.

*Малумарун, рахун, ацукъун.*

III. Агъадихъ галай глаголар падежлиз дегишара.

*Къугъун, лугъун.*

IV. Агъадихъ ганвай глаголар асул, мурадвилини инкарвилини формайра аваз кхъихъ.

**Чешне:** Катзава- катун, катиз, катнач.

*Рахазва, шехъда, гана, къалурна, эвичIда, агакъда, алцумна, фена, аватна.*

V. «Зи рикI алай дуст» кыил гана, са гъвечIи гъикая түкIура.

Аялри чпи-чпиз кIалахда.

(Тапшуругъар муаллимди вичин хушунал хжяновайбур, я туштIа вичи түкIурановайбур гайитIани жеда.)

### III. Тарсунин нетижаяр къун.

## 60-ТАРС

**Тарсунин тема:** Ахтармишунин диктант. (**Булахдал**)

**Мурад-метлеб:** аялрин орфографиядин ва пунктуациядин савадлувал ахтармишун.

**Тадаракар:** интерактивный доска, диктантрин кIватIал.

## Тарсунин финиф

## I. Тарс тешкилун.

(Тарс тухун патал аялрихъ авай гъазурвал ахтармишун.)

## II. Щийи тарс малумарун ва адан винел кІвалах.

I. Четин гафарин винел кІвалах.

Йигиндиз, хъен.

2. Текст муаллимди кІелун.

### Булахдал

Эхирни Омараз шад жедай кар хъана. Мукъув гвай дагъдикай еке чIулав циф хкатна. Ам йигиндиз вацран къанишардиз фена. Омара ведреяр къачуна, тадиз гурарай чукурна. Кульчеда лап мичIи тир. Омар лап явашдиз, илисиз-илисиз физвай. Ада ведреяр булахдин къайи цив ацIурна. Омар хаталу реквиз хъфиз гъазур хъана. Адаз булахдив мукъва жезвай инсандин хъен акуна. Ам кулариз гъахъна.

Гъа и чIавуз женжел вацра къуд пад экуь авуна. (А. Авшалумован «Булахдал гуърушиши хъун» гъикаядай).

3. Текст муаллимди атIуз-атIуз кІелда, аялри кхъида.

4. Текст щийи кыилелай кІел хъувун.

## III. Тарсунин нетижаяр къун.

### 61-ТАРС

Тарсунин тема: Чал гегъеншарунин кІвалах. Чирдай изложение. (*Пагъливан Самур*).

**Мурад-метлеб:** муаллимди кІелай текстинай план түкIурун; текстинин мана галай-галайвал ачухарна агакъарун ва кхъин.

**Тадаракар:** интерактивный доска, изложенийрин кІватIал.

### Тарсунин финиф

## I. Тарс тешкилун.

(Тарс тухун патал аялрихъ авай гъазурвал ахтармишун.)

## II. Щийи тарс малумарун ва адан винел тухудай кІвалах.

I. Муаллимди текст кіелун.

*Пагъливан Самур.*

*Кыурагъ са йис хъаналда. Халкъдин магъсулар, багълар, бустанаар пуч жезвай. Каши акъалтунин ва халкъ пуч хъунин къурху авай. Цавай са стІал марф ават тавуна саки къве варз тир. Пагъливан Самур, рикIи-рикI нез, секин тушир. Эхир, ада лежжердиз лагъана: «Чаз яд герек я...»*

*Халкъ пагъливандин теклифдал рази хъана. Йифди, югъди кІвалахна халкъди. Эхирдай абуру Маңар дагъдин кІаникай физвай вәцI чи дередихъ элкъуырна. ВәцIухъ галаз къурагъвили канвай чи дередиз яшайшини хтана. Цихъ галаз чи дередиз шадвални, баҳтни атана. ВәцIухъ галаз чи дередиз булвални, баркалдувални атана. (Н. Ағымедов)*

2. Четин гафарин ва ибарајрин винел кІвалах тухун.

*РикIи-рикI нез, теклифдал, Маңар.*

3. Са-са абзац кІелиз план түккүйүрун.

**Чешнедин план.**

1. Кыурагъ йис.

2. Пагъливандин теклиф.

3. ВәцI дередихъ элкъуырну.

4. Пландай ихтилат авун.

5. Текст муаллимди мад сефер кІел хъувун.

6. Аялри чпи-чпиз изложение кхынин.

**III. Тарсунин нетижаяр къун.**

## 62-ТАРС

**Тарсунин тема:** КІелай чІалан паярикай гафарин жуытер түккүйүрун.

**Мурад-метлеб:** кІелай чІалан паярикай гафарин жуытер түккүйүрдай алақунар, вердишвилер кутун ва гөгъеншарун; чІалал рикI алаz вердишарун.

**Тадаракар:** интерактивный доска, 4-классдин «Лезги чІал» ктаб.

**Тарсунин финиф**

## **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

## **II. КІвалин кІвалах ахтармишун.**

*413-тапшуругъ (177-чин)*

### **Лексикадин тапшуругъ.**

*Доскадал ганвай гафариз метлебдиз мукъва гафар жагъура ва кхъихъ.*

*Регъядиз, зигъин, кІвалах, хъсандиз, са тІимил, ихтилат.*

## **III. Гафарин диктант тухун.**

*(Гафар муаллимди вичин хушуналди хкяда ва четин гафарин мана ачухарда.)*

*Арифдар, таъминарун, кІуф, кІвенкІ, зибилар, куылув, хуъруньбур...*

## **IV. Чирвилерин важиблувал (актуализация).**

*-Аялар, кvez гъихътин чІалан паяр чида? Мисалар гъваши тетрадра кхъихъ.*

## **V. Аялар цІийи тарс къатIуниз гъазурун.**

*-Чна къе тарсuna кІелай чІалан паярикай жуытер түкIурда.*

## **VI. Тарсунин темадай кІвалах.**

### **Муаллимдин сұғыбет.**

*(Муаллимди чІалан раярин тариф кІелда.)*

### **Ктабдай кІвалах.**

*413-тапшуругъ (177-чин)- доскадал тамамарда.*

## **VII. Физкультминутка.**

## **VIII. Тарсунин темадай кІвалах давамарун.**

*414-тапшуругъ (193-чин) – жува-жуваз тамамарун.*

*415-тапшуругъ (193-чин)- доскадал тамамарда.*

## **IX. Тарсунин нетижаяр къун.**

*-Аялар, чун къе тарсuna квекай рахана?*

*- Кvez цІийи вуч чир хъана?*

## **X. КІвализ кІвалах гун.**

*418-тапшуругъ (194-чин) – Имам Асланован шиирдай мискIалар кхъихъ.*

*Абурун жавабар лагъ. Күмекчи глаголар жагъура.*

## **63-ТАРС**

**Тарсунин тема:** Йисан къене келай материал тикрарун. Сесер ва гъарфар. Гафунин түкіуыр хъун.

**Мурад-метлеб:** йисан къене сесерикай, гъарфариқай ва гафунин түкіуыр хъундай къачур чирвилер тикрарун; а чирвилер ишлемишдай алакъунар, вердишвилер кутун ва гегъеншарун; چалал рикI алаz вердишарун.

**Тадаракар:** интерактивный доска, 4-классдин «Лезги چал» ктаб.

### **Тарсунин финиф**

#### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

#### **II. Диктант анализ авун ва гъалатIрин винел кІвалах тухун.**

#### **III. Гафарин диктант тухун.**

*(Гафар муаллимди вичин хушуналди хъяда ва четин гафарин мана ачухарда.)*

*Санайи, жуърэтлуval, эдеблу, шаклу ...*

#### **IV. Грамматикадин тапшуругъ.**

Тапшуругъ: Предложенийрин жуътера точкаяр алаj чкайрал агъадихъ ганвай гафар метлебдив къадайвал кухтаз, кхъихъ.

1. Руша булахдик ... кутуна. Гададал къакъан ... галай бармак ала. 2. Колхозчийри са ... пуч тавуна техилар кІватI хъувуна. Школадин вилик зурба хъархъу ... ква. 3. Аялдин гъиле яргъи ... ава. Дарман хъвазмазди ... секин хъана. 4. Накъ зурба ... къвана. Тай галай ... чIура акъваздач.

**Кухтадай гафар:** кар, хвар, квар, хар, твар, мар, тIвал, тIал.

#### **V. Суалриз жавабар гун. (Тикрарун.)**

1. Сесер ва гъарфар квелди тафаватлу я?

2. Сесер гъихътинбур жеда?

3. Ачух сесерин гъарфар гъибур я?

4. Ачух тушир сесерин гъарфар гъибур я?

5. Гафунин гъи паюниз эхир лугъуда?

6. Диб ва дувул квез лугъуда?
7. Суффикс ва префикс квез лугъуда?
8. Гафунин гъи паяри џИийи гафар арадал гъида?
9. Гафуна слогрин къадар квелай аслу я?
10. Гафунин къатI са џIарџIай мулькуь џIарџIиз гъикI акъудда?
- II. Лабиал сес квай гафунин къатI мулькуь џIарџIиз гъикI акъудда?

## **VI. Тарсунин темадай кІвалах.**

### **Ктабдай кІвалах.**

*420-тапшуругъ (180-чин)- доскадал тамамарда.*

### **VII. Физкультминутка.**

### **VIII. Тарсунин темадай кІвалах давамарун.**

*421, 422-тапшуругъар (180-181-чин).*

### **IX. Тарсунин нетижаяр къун.**

-Аялар, чна къе тарсuna йисан къене кІелай темайрикай гъихътин темаяр тикрарна?

### **X. КІвализ кІвалах гун.**

*423-тапшуругъ (182-чин) – гафарикий гъар садаз къарши метлеб авай гафар туъкIуриз, абур жусыт-жусыт кхъихъ.*

## **64-ТАРС**

**Тарсунин тема:** Ибара. Предложение.

**Мурад-метлеб:** йисан къене предложенидикай, предложенидин членрикай, гафарин жуьтерикай къачур чирвилер тикрарун; а чирвилер ишлемишдай алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармиишун.)*

## **II. КІвалин кІвалах ахтармишун.**

*423-тапшуругъ (182-чин).*

## **III. Гафарин диктант тухун.**

*(Гафар муаллимди вичин хушуналди хкяда ва четин гафарин мана ачухарда.)*

*Къасабчи, соратник, погонар, комиссар, адмирал...*

## **IV. Грамматикадин тапшуругъ.**

Тапшуругъ: *Агъадихъ галай гафар кваз предложенияр туыкIуьра.*

1. Векъ, тухдалди, гатуз, чульлерай, гъайванри, неда.

2. Хала, ракъурнава, чи гъвечIи, яслидиз, руши, вичин.

3. Экскурсиядиз, аялар, физ, са шумуд, гъазур, югъ, жез, я.

## **V. Суалриз жавабар гун. (Тикрарун.)**

1. Предложение квез лугъуда?

2. Мана-метлебдиз килигна предложенияр гъихътибур жеда?

3. Гегъенни предложение гъихътинди я?

4. Гегъенни тушир предложение анжасах квекай ибарат жеда?

5. Алакъалу гафар (гафарин жуьтер) квез лугъуда?

6. Гафарин жуьтера авай алакъа күн күмекдалди тайнариз жеда?

## **VI. Тарсунин темадай кІвалах.**

### **Ктабдай кІвалах.**

*430-тапшуругъ (184-чин)- жува-жууваз тамамарда.*

## **VII. Физкультминутка.**

## **VIII. Тарсунин темадай кІвалах давамарун.**

*431-тапшуругъ (185-чин)- доскадал тамамарда.*

## **Чал гегъеншарунин кІвалах тухун.**

*«Зи рикI алай тарс» кыл гана, куьруу сочинение кхъихъ.*

## **IX. Тарсунин нетижаяр къун.**

-Аялар, чна къе тарсuna йисан къене кIелай темайрикай гъихътин темаяр тикрарна?

## **X. КІвализ кІвалах гун.**

Простой предложенияр туыкIуьра ва абур разбор ая.

## **65-ТАРС**

**Тарсунин тема:** Са жинсинин членар. Сложный предложение.

**Мурад-метлеб:** йисан къене са жинсинин членрикай, сложный предложенидикай къачур чирвилер тикрарун; а чирвилер ишлемишдай алакъунар, вердишвилер кутун ва гегъеншарун; чалал рикI алаz вердишарун.

**Тадаракар:** интерактивный доска, 4-классдин «Лезги чал» ктаб.

### **Тарсунин финиф**

#### **I. Тарс тешкилун.**

(*Тарс тухун патал аялрихъ авай гъазурвал ахтармишун.*)

#### **II. КІвалин кІвалах ахтармишун.**

*Аялри түкілдірнавай ва разбор авунвай простой предложенияр ахтармишда.*

#### **III. Гафарин диктант тухун.**

(*Гафар муаллимди вичин хушиналди хқяда ва четин гафарин мана ачухарда.*)

*Уъруши, сихил, ағъали, намерд, фендигарвал...*

#### **IV. Грамматикадин тапшуругъ.**

Тапшуругъ: *Предложенияр, ахъайнавай гъарфар күхтаз, кхъихъ. Са жинсинин членрикай үлар чыгу.*

*Школад...й ахъайн...вай гада... руш къугъазвай. Аб...р... колхозд... гүзел багъл...ра, гүлгүшан чуылда үлару серинрик ял язтай. Гзафф...р... чин дид...ир..., бубайр... гад ківатлиз күмек... гузтай. Саимат... пашмандиз ийк... иифер акъудз...вай. И х...ре ада... бубадихъ яргъалди тир мукъваб...рни авачир. Ам маса райондай атана ац...кын...вай чат... устIар тир.*

#### **V. Суалприз жавабар гун. (Тикрарун.)**

1. Гыи членриз предложенидин са жинсинин членар лугъуда?
2. Са жинсинин членрихъ галаз гыи союзар ишлемишда?
3. Гыи союзрин вилик запятой эцигда ва я эцигдач?
4. Сложный предложение квезд лугъуда?

## **VI. Тарсунин темадай кІвалах.**

### **Ктабдай кІвалах.**

*437-тапшуругъ (187-чин)-доскадал тамамарда.*

## **VII. Физкультминутка.**

## **VIII. Тарсунин темадай кІвалах давамарун.**

*438-тапшуругъ (187-чин)- доскадал тамамарда.*

*439-тапшуругъ (188-чин).*

## **Яратмишунин кІвалах тухун.**

*Пуд сложный предложение түйкіура ва кхъихъ.*

## **IX. Тарсунин нетижаяр къун.**

-Аялар, чна къе тарсuna йисан къене кІелай темайрикай гъихътин темаяр тикрарна?

## **X. КІвализ кІвалах гун.**

*440-тапшуругъ (188-чин) - художественный ктабрай б сложный предложение кхъихъ. Абурун граммаимкадин дибар (кылди членар) чара ая.*

## **66-ТАРС**

**Тарсунин тема:** Чал гегъеншарунин кІвалах. Шикилдай сочинение.

**Мурад-метлеб:** шикилдай сочинение кхъиз вердишарун; фикирунин жигъетдай аялрин чалан дуьзгуынвал, галай-галайвал гегъеншарун; гафарин запас артухарун; аялрик фикир-фагъум, хиялар гегъеншардай вердишвилер кутун; чалал рикI алаз вердишарун.

**Тадаракар:** интерактивный доска.

## **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармиишун.)*

### **II. Ілийи тарс малумарун ва адан винел тухудай кІвалах.**

1. Муаллимдин сифте гаф (тарсунин мурад лугъун, шикилдин тема ва кыилин фикир ачухарун, художникдикай куъруй малуматар гун).
2. Шикилдиз килигун, ам чиран.
3. Словарь түкірүрун (шикилда ганвай заттарин тұварар, инсанар, абурун крат ва мсб. доскадал кхын).
4. Кхыенвай гафарикай алакъалу ибарайр ва предложенияр түкірүрун.
5. Шикилдай суалар эцигун, суалриз тамам жавабар истемишиз лугъуз тун.
6. Суалрин ва я шикилдай къачунвай царапикай сочиненидин план түкірүрун.
7. Пландай сад-къве аялдив хуралай мана сұғыбет ийиз тун.
8. Жува-жуказ сочинение кхын.

### **III. Тарсунин нетижаяр къун.**

#### **67-ТАРС**

**Йисан къене келей материал тикрарун.**

**Чалан паяр**

**Тарсунин тема:** Чалан паяр. Существительное. Прилагательное.

**Мурад-метлеб:** йисан къене существительнидикай ва прилагательнидикай къачур чирвилер тикрарун; а чирвилер ишлемишдай алакъунар, вердишвилер кутун ва гегъеншарун; чалал рикіл алаz вердишарун.

**Тадаракар:** интерактивный доска, 4-классдин «Лезги чал» ктаб.

#### **Тарсунин финиф**

### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

### **II. Ківалин ківалах ахтармишун.**

*440-тапшуругъ (188-чин).*

### **III. Гафарин диктант тухун.**

*(Гафар муаллимди вичин хушуналди хқяда ва четин гафарин мана ачухарда.)*

*Няметар... (448-тапшуругъда ганвай материал ишлемииша).*

#### **IV. Грамматикадин тапшуругъ.**

Тапшуругъ: Текст,      ахъайнавай      гъарфар      кухтаз,      кхъихъ.

*Существительнийрин, прилагательнийрин эхиррикай үларар чыгуу.*

*Шегъерни хуър... ахварай аватна. Вири жемят... айванр...л, къав...р... чыре...рал алтIушна. Вирида вил... яргъалай акваз...вай къеле... минара... кукIвал элкъурна. Рагълах вилаятда сифте яз ийизвай кар хъуниз килигна, жемят... минарад...лай язтай сөгье... шад хъана. Абур...з ич...ин сувар...кай хабар авай. И суварни абу... тарих... сифте сефер яз тухузвайди тир. Виликамаз ганвай хаба...з килигна, кIульд хуър... жемят...ни үлүүи емии...н багъл...а кIватIхъана кIанз...ва.*

#### **V. Суалприз жавабар гун. (Тикрарун.)**

1. Существительное квез лугъуда?
2. Существительнаяр гъихътинбур жеда?
3. Дибдин падежар гъибур я?
4. Падежриз дегиши жедайла, **-вал** суффиксда **а** сес гъи сесиниз элкъведа?
5. Гъихътин существительнийрин эхирда **-йри** кхъида?
6. Существительнийрин эхирда къве **p** мус кхъида?
7. Прилагательное квез лугъуда?
8. Квез прилагательнидикай вуч чида?
9. Прилагательнаяр дибдин падежриз дегиши хъуникай квез вуч чида?

#### **VI. Тарсунин темадай кIалах.**

##### **Ктабдай кIалах.**

*447-тапшуругъ (192-чин)- доскадал тамамарда.*

##### **VII. Физкультминутка.**

##### **VIII. Тарсунин темадай кIалах давамарун.**

*449-тапшуругъ (193-чин)-жусва-жусваз тамамарда.*

*450-тапшуругъ (193-чин)*

#### **IX. Тарсунин нетижаяр къун.**

-Аялар, чна къе тарсuna йисан къене келай темайрикай гъихътин темаяр тиккарна?

-Күн фикирдай вуч акъатнавай?

## **X. Ківализ ківалах гун.**

*Существительният, прилагательният и шлемишина, диалог туыктуура.*

### **68-ТАРС**

**Тарсунин тема:** Йисан нетижа къадай диктант. (**Шагъ-Рамазан буба.**)

**Мурад-метлеб:** аялрин орфографиядин ва пунктуациядин савадлувал ахтармишун.

**Тадаракар:** интерактивный доска, диктантирин ківатылал.

### **Тарсунин финиф**

#### **I. Тарс тешкилун.**

*(Тарс тухун патал аялрихъ авай гъазурвал ахтармишун.)*

#### **II. Щийи тарс малумарун ва адаптациял ківалах.**

I. Четин гафарин винел ківалах.

*Натуралист.*

2. Текст муаллимди келун.

*Шагъ-Рамазан буба.*

*Шагъ-Рамазан буба тек итим я. Къарини къенва адаптациял, авай къве рушни яргъал хуърера яшамиш жезва. Абурухъ чин хзанар ава лугъузва бадеди. Амма Шагъ-Рамазан бубадихъ къве кални са шумуд хеб ава. Верч-кіекни ава адажъ, къуърерни ава. Гъайванрал рикI алай итим я. Калерикай ацай нек адаптациял, гъвечIи аялар авай хзанриз гузва. ГъакI гъавайда гузва. Са шумудра чазни гана... Векъ адаз гзаф герек я... Амма ихътин аламат!*

*Къарай хуъз хъанач завай. Фена жузада за адаптациял, чирда кIунтIунин сир. (A. Фетягъ)*

3. Текст муаллимди атІуз-атІуз кіелда, аялри кхъида.
4. Текст цІийи кыилелай кіел хъувун.

### **III. Тарсунин нетижаяр къун.**

## **ИШЛЕМИШАЙ ЛИТЕРАТУРА**

### **На русском языке:**

1. В. О. Афанасьев. Методика русского языка в начальной школе, Учпедгиз, М., 1974.
2. М. Гаджиев. Синтаксис лезгинского языка, Махачкала, 1954.
3. М. Гаджиев. Русско-лезгинский словарь, Махачкала, 2009.
4. Р. И. Гайдаров. Морфология лезгинского языка, Махачкала, 1987.
5. Р. И. Гайдаров. Лексика лезгинского языка, Махачкала, 1966.
6. Р. И. Гайдаров. Ахтынский диалект лезгинского языка. Дагучпедгиз, Махачкала, 1961.
7. Р. И. Гайдаров, А.Г. Гюльмагомедов и др. «Современный лезгинский язык». Махачкала, ИЯЛИ ДНЦ РАН, 2009.
8. В. В. Голубков. «Мастерство устной речи». М., «Просвещение», 1967.
9. Л. Жирков. Грамматика лезгинского языка, Махачкала, 1941.
10. С. Ф. Жуйков. Психология усвоения грамматики в начальных классах. Изд-во «Просвещение», М., 1964.
11. Г. И. Магомедов. Учет особенностей родных языков в процессе обучения русскому языку, Махачкала, 1990.
12. Г. И. Магомедов. Изучение в лезгинских школах синтаксических связей слов в русском языке, Махачкала, 1993.
13. Е. Меньшикова, Л. Шакирова, Н. Экба. Русский язык для 4 класса национальных школ РСФСР, Ленинград, «Просвещение», 1988.
14. Т. Напольнова, П. Пустовалов. Практикум по методике преподавания русского языка. М., «Просвещение», 1976.
15. Львов М. Р., Рамзаева Т. Г., Светловская Н. Н. Методика изучения русскому языку в начальных классах. М., 1987.
16. Г. В. Топуриа. Основные морфологические категории лезгинского языка. Изд-во АН Груз. ССР, Тбилиси, 1959.

### **На лезгинском языке:**

17. Лезги чалан ва литературадин программаяр, 1-4 классар, Махачкъала, 2014.
18. Лезги чалан ва литературадин программаяр, 1-4 классар, Махачкъала, 2014.
19. Акимов Къ. Х. Школада лезги литература чирунин методикадин месэлэяр, Махачкъала Дагучпедгиз, 1983.
20. Бабаев В. А. Лезги чалан методика, Махачкъала, 2005.
21. Р. И. Гайдаров. Лезги чалан фонетика, Махачкъала, Дагучпедгиз, 1982.
22. Р. И. Гайдаров. Лезги чалан омонимрин словарь, Махачкъала, 1981.
23. А. Г. Гулемегъамедов, Лезги чалан синонимрин куьруь словарь, Махачкъала, 1982.
24. Г. И. Мегъамедов. Лезги чал. Педучилище патал учебник, Махачкъала, 1994.
25. Ж. Ш. Мейланова и другие. Лезги чал. 4-класс. Москва-Санкт-Петербург «Просвещение», 2018.
26. Г. Рамалданов. Лезги чалан грамматикадин дувъз кхьинин методика, Махачкъала. 1980.
27. Б. Талибов, М. Гаждиев. Лезги чаланни урус чалан словарь, М., 1966.

## **КЬИЛЕР**

Сифте гаф.....	4
I кыл. 4-классда лезги чалан дибар чирун .....	7
1.1 Школада лезги чал чирунин тарихдай .....	11
1.3 «Лезги чал» учебникдин түккүүр хуункай .....	13
1.4 Чал гөгөншарун .....	14
1.5 ФГОС-дин истемишуңрай метапредметдин арада авай алакъайрин нетижаяр.....	17
1.6 Лезги чалан тарсара техникадин цийи такъатар ишлемишун.....	29
II кыл. 4-классда лезги чалай методика чирун.....	31
2.1 Тематикадин планирование .....	31
2.2 Морфология чирунин методика.....	49
2.3 Тарсарин гъазурунин чешнелу планар.....	75
Ишлемишай литература.....	182

Жаклина Шарафудиновна Мейланова

Обучение лезгинскому языку  
в четвертом классе общеобразовательной школы

Методическое пособие

Редактор Шикерханова Э. Ш.  
Корректор Амаханова И. К.